



**Vom[m] christlichen Ritter : Ain wunderbarlicher Kampff der  
hellischen Bestien, wider ainen Evangelischen Christen, vnd  
wie dargegen der heilig Gaist, mit seinen Gaben vnd  
Tugenten, solchen Christen tro?stet, stercket, vnd entlich  
im[m] streit erhellt**

<https://hdl.handle.net/1874/404603>

9

# Vom Christlichen Kitter.

Ein wunderbarer Kampf  
der Hellschen Bestien / wider einen Euan-  
gelischen Christen / Vnd wie dargegen der heis-  
lig Geist / mit seinen Gaben vnd Tugenten /  
solchen Christen tröstet / stercket /  
vnd endlich in den Streit  
erhelle.

Caspar Huberinus:

EPHE. VI.

Ergriffet den Schild des glaubens / mit welchem Ir  
auszuleschen künndt alle feurige pfeil des Bößwichters.

Neuburgæ Danubij.

1545.



Dem Durchleuchtigen Hochge-  
bornen Fürsten vnd hern / Herrn Ott-  
Hainrichen/Pfalzgrauen bey Rhein / Herzogen  
in Nidern vnd Obern Bayrñ zc. meinem  
gnedigen herrñ.

**B**rad vnd frid von Gott dem Vatter /  
durch Christum vnsern Erlöser / Durchleuch-  
tiger Hochgeborener Fürst / gnediger herr / Die  
heilig Schrift zeigt vns dreyerlay Prob vnd zeugnus an /  
Dardurch sich erstlich ain yslicher Christ selbs / vñ alsdau /  
auch seinen nechsten erkennen / vnd probirn kan / ob Er der  
auserweltsen Kinder Gottes ainer sey.

Die erst Prob / ist / so der mensch Gottes wort gern höret /  
ain rechten hunger vnd durst darnach hat / vnd also dassel-  
big / in seinem herze trewlich bewaret / Dise prob stellet Chri-  
stus der Herr selbs / Johan. 8. Da er also sagt: Wer von  
Gott ist / der höret Gottes Wort / Item / Johan. 10. Meine  
Schaf hören mein stimm. Item Luce am 11. Selig sind / die  
Gottes wort hören / vnd bewaren. Nun wolan / Christus  
vnser Seligmacher ist hie der erste / fürnemeste / vnd gewi-  
seste zeug / welcher dann die warhait selbs ist / Joh 14. Der  
stellet vns hie die rechten prob / darnach wir vntailen sollen.

Die ander Prob / ist der kampff / Nemlich / so der mensch  
inwendig bey im selbs / ainen sondern gais / vnd vnainigkait  
spüret / Welchs dann geschicht / so der new mensch innerlich  
anfahet / dem alten Adam widerstand zethun / Lasse den alte  
A ij menschen

menschen nit mer also / nach seiner flaischlichen begird / thun  
vñ treiben / was in gelüffter / sonder fahet an / denselben ( wie  
schwach es auch erstlich zuegehet ) in zaum zu halten / vnd  
seine adfect zudempffen / Das ist alsdann ain gewis zeichen /  
Das ain newer Gast alda zur herberg ligt / nemlich / der heilig  
gaist / welcher yst den newen menschen / bewegt / treibt vnd  
zeucht / zum gehorsam Gottes / vnd zur götlichen forcht / in  
der angefangenen newen geburt / durch den glauben. Dise  
andere prob stellet der heilige Paulus / der auferwelt Rüst-  
zeug Gottes / zuñ Römern am 8. da Er vnder anderm also  
sagt / Welche der gaist Gottes treibt / die sind Gottes kin-  
der. Item daselbs verrer: Wo jr durch den gaist des flais-  
ches geschafft tödtet / so werdet jr leben. Das ist aber yst die  
ander gewaltig zeugnis / dabey die rechten kinder Gottes /  
vonden welltfindern / zuerkennen sind.

Die dritte Prob / ist die gaistlich freud des herzens / Neme-  
lich / so der mensch in seinem herzen empfindet / ain sondere  
newe freud / erquickung / trost vnd stercke aus Gottes wort /  
durch den heiligen gaist. Dise dritte prob / stellet der heilig  
Prophet David / im 119. Psalm / da Er daselbs offinals  
also sagt / Wann dein wort offenbar wirdt / so erfreuet es.  
Item / dein wort ist mein trost / in meinem ellend / dann dein  
wort erquicket mich. Item: Ich hab lust zu deinen zeugnus-  
sen / die sind meine Rüstleut. Dise drey gewaltige zeugen /  
Christus / Paulus / vnd David / sollen billich amen solchen  
Christen / in seinem herzen / gewis / vesse / keck vnd muetig  
machen in allerlay anfechtung / es sey der sünd / des Todes /  
oder der Hellen halben / Sintemal dise drey probz / der recht  
Proceß

Proceß sind/welchen Gott der Herr / mit sein außersweltten  
kindern helle/vnd fñeret. Derhalben/wer in leiden sein  
herz bereden/vnd solchs glauben kan/der selbig / ob in schon  
gedunckt / Er sey mitten in der Hellen/ So ist Er doch ge  
wisslich mitten in dem himmel/bey Gott dem Herren selber.  
Damit nun E. F. G. in werck spürn vnd befinden mög/  
das ich mich billich vnd Christenlich erfreut / das E. F. G.  
von Gott vnserm himlischen Vatter / zu erleuchtung seines  
worts/barmherziglich beruefft worden ist/ So hab ich aus  
guthertziger betrachtung/aines solchen gnadreichen wercks  
mit vnterlassen mögen / dises Büechlein / vom Christlichen  
Kitter bestellen/ vnd E. F. G. hiemit vor andern vnterthe  
niglich zudedicirn vnd zuzeschreiben/ Das welle Eur gnad  
als ain Christenlicher Fürst / vnd Eysriger bestendiger  
fürderer gottes worts/ gnediglich von mir / in der Christe  
lichen ainseitigen maynung/darin es von mir beschicht/vnd  
fürgenommen ist/annemen/vnd mit vleis vnd ernst lesen vñ  
behersigen / Der hoffnung / es soll bey Eurn Fürslichen  
gnaden / auch andern guthertzigen Christen / hohes vnd ni  
ders stands/on frucht mit abgehen: Dann in disem Kitter/  
als ainem Spiegel / finden sich die erzelten drey gotseligen  
proben/ordenlich/Also welcher im nachuolgt/vñ diß büech  
lein fleißig betrachtet/der kan sich sein berichten / das er von  
Gott dem allmechtigen / zur seligkeit / von ewigkeit verse  
hen / inn der gnadenreichen zeit berueffen / durch das heilig  
Euangelion erleuchtet / vnd mit den gaislichen gaben / ge  
zieret vnd begabt sey: Wann Er nun also von Gott dem  
Herrn / zu ainm kind Gottes ist außerkom/ So spüret solchs

der Satan ye lenger ye mer: Derhalben Er alles zugehilff  
nimbt/das Er nur erdencken mag/ Nimbt also er slich zu  
gehülff vnser aigen flaisch vnd blut/den alten Adam/ vnd  
sölchs auf mancherlay weis: Darnach brauchet Er ferrer  
darzue/die Gottlosen Welle/ mit irem liegen vnd triegen/  
toben vnd wüeten: Zulezt aber/ so bewegt/ heiset vnd treibt  
Er mit allem gewalli/seine mitgesellen/die bösen gaister.

Das ist aber ain gewises zaichen/das Gott der barmhertzig  
Vatter/ain solchen standhafften Ritter vñ liebhaber Got-  
tes worts/ainen grossen himlischen herrn vñ Fürsten machet  
wil/vnd berait schon im werck ist: Dann wer mit Christo/  
dem himlischen könig/wil hoch erhaben werden ewiglich/  
der mus zuuor mit im leiden hie zeitlich. Derhalben ist ge-  
wis/welcher mit Christo vnder seinem Creusfanden ver-  
hardlich streitet/das Er auch mit im/der glori vnd herrlig-  
keit genieffen werde. Vnd ist ober das alles auch das ain  
mercklich zaichen der vätterlichen gnaden Gottes/Nemlich  
wann sich ain solcher kampff inwendig erhebt: Dann wo  
allain/wie zuuor/der alt Adam gar miteinander im mensche  
regierte/vnd aigner herr were/so wärde sich inderlich ain sol-  
cher streit/ain solche vnainigkeit vnd widerstand/nit erhe-  
ben: Dann ain Wolff beschreyt den andern nit/Ain Teufel  
treibt den andern nit aus/das ist nun gewis: Diweil aber  
Gott der Herr/durch sein wort vnd heiligen gaist/ain neu-  
en menschen in den jenen formirt vnd zugericht hat/die täg-  
lich durch sein berneff zu Gottes wort kommen/Sobegit  
net denselben/vnd volgt gewisslich zu ainm zaichen der selig-  
keit/hieraus/seenlichs klagen/seuffhen/schreyen vñ rüeffen  
zu

zu Gott/ Darzue streiten/zancken vnd widerwillen / so der  
new mensch/mit dem alten Adam fürgenommen vnd ange-  
fangen hat. Da wil nun ain yslicher für sich selbs aigner  
herr sein/ Der alte mensch/wo jm der new vberlegen sein wil/  
vnd zustrack ist/ So nimbe Er die wellt/vnd iren Fürsten  
zugehülff: Dagegen aber/der newe mensch/wo In der alle  
wil vnterdrucken / da nimbe Er zur sterck Gott den herrn /  
vnd den heiligen gaisst/rüefft/ schreiet / klagt / seuffzet / vnd  
begert hülff on vnterlas / Sölches aber ist ain Göttlicher  
streit vnd kampf/ wann es also zugeet/ Vnd ist ain gewisses  
zaichen/das der heilig gaisst/wie obstehet/da zur herberg ligt.  
Es ist vns aber sölchs beschwerlich / dieweil wirs nit gewo-  
net sind / Doch sollen vnd müssen wirs gewonen/ vnd vns  
darein lernen schicken / Inmassen dise kurze beschreibung  
Inuegsam zuerkennen gib/den wunderbarlichen streit / reiß  
vnd kampf/der kinder Gottes/welche yst zur lincken seiten  
werden angereñt/dann zur rechten/ Yst von oben her/dass  
von vnden auf/ Ist also kain feirens noch aufhörens: Dann  
der Satan ist vnuerdroffen / feyrt nit / hat weder rue noch  
rass / ist seer vnmüessig. Darumb spricht Paulus zu seinem  
Timotheo: Leide dich / als ain guter Streiter Jesu Chris- 4. Timo. 4  
ti / Vnd so yemand auch kempffet / wirdt Er doch mit ge- 4. Timo. 4  
krönet/Er kempffe dann rechte. Also spricht auch der Apo-  
stel von jm selbs: Ich hab ainen guten kampf gekempfft /  
Hinfurt ist mir beygelegt die Kron der gerechtigkeit/welche  
mir der H<sup>E</sup>Xt an jenem tag / der gerechte Richter / geben  
wirdt: Nicht mir aber allain/sonder auch allen/die sein er-  
scheininglieb haben. Dieweil vns dann Gott der H<sup>E</sup>Xt  
liebt/



liebt/ in dem geliebten/ So wendet vnser lieber Herr vnd  
Vatter/ alles creus vnd leiden/ all vnglück vnd plag/ alle be-  
trübnuß vñ ansechtung/ zum allerbesten/ zu nutz vñ from-  
men vnserz seligkeit: Dann so gewaltig vnd allmechtig ist  
Gott/ so gütig vnd trew ist Er gegen vns / das er durch sein  
allmechtige ewige krafft/ alles böses vñ vnglück/ zum gutt/  
vnd vnserm nutz wenden kan vnd will: Vnd wann der Teu-  
fel ain selzams spil vber vns anrichtet/ vnd mainet Er welle  
vns damit der Hellen zuejagen/ So treibt Er vns eben da-  
mit/ durch Gottes wunderbarliche schickung/ zum himmel-  
reich zue: Vnd ye mer vns der Satan in vnglauben / vere-  
zweiflung/ forcht vnd todte füeren wil/ Ye mer er vns vrsach  
gibt/ zum glauben/ hoffnung/ fraidigkeit vnd leben. Also  
veriert Gott der Herr den Satan/ spottet sein / vnd macht  
inob vns zu spot vnd schanden/ Nimbt derhalben etwo ain  
geringen/ schwachen vnd ainseltigen Christen für/ vnd stellt  
denselbendem Satan für die nase/ vnd lasse den Teufel alle  
seine kunst an jm versuechen: Vnd wann der Satan mainet  
Er habß wol ausgericht/ die sacht gar mit vns verderbt/ Hab  
vns in spot vnd schand/ in gestanc vnd tod gebracht/ Hab  
vns yst stare in seine Klawen gefasste/ vnd sperret seinen  
rachen weit auf/ vns zuverschließen/ So feret Gott zue/ er-  
greiffe vns sein geschöpff/ als arme Schäflein/ Neyße vns  
wider aus des Teufels Klawen / bringe vns wider zu recht/  
vnd stosse dem Satan denselben gestanc/ darein er vns hat  
wellen treiben/ ins angesicht/ bis Er In zulezt von vns gar  
veriaget/ vnd in abgrunde der Hellen stürzet. Dese kunst kan  
Gott der Herr / vnd solchs beweist Er auch wärcklich vnd  
täglich

täglich wider den Satan/añ vilen oberkaiten/die zu erkant-  
nus Gottes worts herüefft/vnd doch alsbald mit dem creuz  
vnd kampff hefftig beladen werden. Allain sollen wir da-  
rauf achtung haben / das wir solches lernen in der that vnd  
erfarung erkennen/vnd zu hersen füren/So soll vnd wirde  
es kainnot mit vns haben / das Reich sol vns doch bleiben/  
Gott will den Satan von vns treiben / Darumb so sollen  
wir veste halten añ Gottes gnediger zuesagung/weil Gott  
der allmechtig / nit ainem oder zwapen menschen in sonder-  
hait hat verhaissen / Sonder allen menschen zugleich/ Sy  
seyen starck/schwach/arm/ gebrechlich / vnd Sünder / wie  
gros sy ymer seín/So stehet die gmain götlich verhaiffung  
da: Erslich Marci 16. vnd lautet also: Wer glaubt vnd ge-  
taufft ist/der wirdt selig. Da sollen wir veste halten/vnd  
gar nit zweiffen (dieweil wir getaufft sind/nach dem beuech  
Christi/vnd glauben das Gottes Son für vns arme Sün-  
der gestorben ist) das wir gewisslich ewige seeligkait haben/  
Es stehe vnd gehe vmb vnser arm sündigs leben wie es well/  
So haben wir doch disen trost aus Gottes gnediger zuesa-  
gung/das wir Gottes kinder sind/wiewol allain solches vn-  
ser glaub fasset vnd verstehet / Auch die vernunft vnd all-  
tusserlich sehen vnd empfinden / solches nit sihet noch be-  
greiffet / so glauben wir doch solchs ungezweifft / in seliger  
gewiser hoffnung / wider alles empfinden der flaischlichen  
vernunft: Dann was Gott redet/vnd vns zuesagt / das ist  
gewis/vnd feelet vns nimmer. Dieweil dann Gottes  
warhafftige zuesagung / ain ewigs Wort ist vnd bleibt / so  
bleiben wir auch ewig in solchem ewigen wort/ wo wir andt

mit dem glauben/ vnd nit der blinden verrunfft/ solchs wort  
ergreifen/ vnd daran hangen bleiben. Also sind solcher gne-  
diger gemainer verhauffung Gottes vil / daran wir vnser  
glauben yeßen könden: Als Matthei. 26. Nembt hin/ esset/  
das ist mein leib/ der für euch gegeben wirdt/ das ist mein blut/  
das für euch vergossen wirdt/ zu vergebung der sünden.

Johan. i. Diese zue sagung ist gewis / vnd allen menschen verhauffend  
Dann das ist das Lämblin Gottes / welches d' ganzen welt  
sünd auf jm treget: Da haben wir vergebung der sünden zu  
holen / da stehet vnser trost vnd seligkeit / das ist gewislich  
war.

Better sol der mensch / der von der finsternus zu m' liecht  
der warhait kombt / gute achtung haben / wo jm derhalb von  
der welt vnd geliebten fründtē / feindschafft begegnet ( wie  
gewondlich beschicht ) das Er sich nit abstern laß / noch jm  
gegenneid oder Rach begeben / Sonder jm ist ratsam / das Er  
erkenne die schwachait flaischs vnd bluts / Gott dem Herrm  
solchs klage / vmb vergebung bitte / Darzue Gott den Vate-  
ter aller barmhertzigkait anrueffe / vmb ain liebreich herr /  
den feinden zuuerzeihen: Wie ich dann solchs nach lenge ges-  
handelt hab / da Magnanimitas den Christlichen Ritter  
tröset / welchen trost ainer mag vnd sol legen / zwischen der  
Dubitatio / nachdem vnd Plerophoria hat aufgeredt / das  
also auf die Magnanimitas / von stundan anhebe die Tristia  
eia / vnd also fort hinaus Desperatio / vnd Spes r̄.

Zulest / dieweil der mensch / nach natürlicher anmuetig-  
kait genaigt / vnd bald bewegt wirdt / zu zorn / feindschafft /  
vnd Rachgirtigkeit / vnd aber solchs alles die Christen aus  
jrem

frem herren hinweg thun sollen / vnd sich beflieffigen / ain  
 senfftes / gutigs / fruntlichs herr zuhaben gegē freunden vñ  
 feinden / So sollen wir vns ymmer mit Gottes wort yeben /  
 fristen vnd stercken: Wie vns dann solchs Christus vnser  
 lieber Herr gar fein fürmalet Matth. 18. Vom kōnig vnd  
 seinen knechten / da der kōnig dem ersten knecht nachliesse  
 alle seine schuld / zehentausent pfund. Aus diser Parabel  
 sollen wir lernen erkennen die grosse gnad / trew / liebe vnd  
 barmhertzigkeit / vnser hñilischen kōnigs vnd Vatters /  
 da vns Gott der HERR ain solche grosse sünd vnd schuld /  
 vil tausent tausent sünd / von jugent auf / aus Vätterlicher  
 gütigkeit / gnediglich vergeben hat / vnd will der selben aller  
 nimmer in gedenck sein / weder straffen noch rechen: Wan  
 wir dann solche gnad vnd trew Göttlicher barmhertzigkeit /  
 fleissig bedencken / erwegen vnd glauben / so erwermen wir  
 dadurch vnser herr / das es etwas gelinder wurd / vnd ge  
 dencken: Nun wolan / Dieweil mir mein trewer Gott / aus  
 lautern gnaden / alle meine sünd vnd missethaten / deren ain  
 mergliche grosse Summa ist / verziehen hat / Warumb wolte  
 ich dann so vndanckbar sein / das ich nit auch vmb seinetwil  
 len wolte meinen feinden vnd schuldigern / vergeben vñ ver  
 bessern / alles was sy wider mich gethan haben. Ich bin  
 hertzlich fro / das ich meiner vilfeltigen sünd los bin worden /  
 ich will nun auch hertzlich gern alles nachlassen / was man  
 mir vnrechts gethan hat.

Zum andern: Dieweil meiner feind vnd schuldner sünd /  
 vnrecht vnd vnbillichait / so gering / wenig vñ schlecht sind /  
 damit sy mich belaidigt haben / gegen der grossen schuld vnd

B ij belaidigt

Ein Talerum mache  
 sechs hundert Treuer  
 thuñ also die 2. tau  
 sent pfunde od T  
 lere / sechs tausent  
 mal hundert tausent  
 gulden.  
 Ein Denarius abes  
 ober ain pfening /  
 mache acht halber  
 Kreuzer / Thuñ al  
 so die hundert großt  
 des Marknechts nur  
 dreiz henthalb gul  
 den / ain geringe  
 Summa gegen der  
 ersten Marknecht  
 schuld.

belaidigung / damit ich Gott meinen lieben Herrn erzürnet  
hab / so wil ichs gern alles faren lassen / soll hm vnd ab / ver-  
gessen vnd vergeben sein : Wil auch gern gnad erzaigen /  
wie mein Gott vnd Herr mir vergeben hat / wiewol es ain  
flaines geringes verzeihen ist / gegen dem das mir mein Gott  
vergeben hat.

Zum dritten: Dieweil wir dann alle gaisliche knecht  
vnd Diener sind / des himlischen Königs / So wil vns got-  
tes Dienern nit gebürn / vns selbs / nach flaisch vnd blut zu  
rechen / sonder es gebürt Gott dem Herrn allain: Wie Er  
dann selbs sagt: Mir gebürt die Rach / Ich will vergelten.  
Darumb wil ich die sach dem rechten Richter beuelhen / vnd  
jn lassen walten / wil jm nit in sein ambt greiffen / oder mich  
auf seinen Richtstuel setzen / sonder alles jm haimstellen.

Zum vierdten: So wil ich andern meinen mitknechten /  
allen glaubigen vnd guthertzigen / kain vsach zur traurig-  
kait geben / damit Sy nit vber mich seuffzen vnd klagen / das  
ich so vnbarmschertzig sey gegen meinem mitknecht / vñ solche  
reue dem könig klagen / vnd wider mich zeugen.

Zum fünfften: Dieweil mir Gott tröet / das / so ich nit  
meinen Schuldern vergebe / so soll mir mein Himlischer  
Vatter auch nit vergeben / So wil ich warlich meinen Gott  
nit erzürnen / sonder fürchten / vnd vmb seinetwillen vnder-  
lassen / vnd gern vergeben.

Zum sechsten: Dieweil mir Christus mein Herr so gnes-  
diglich verhaist Matth. 6. das / so ich meinen feinden ver-  
zeihe / so werde mir sein himelischer Vatter auch vergeben.  
Ach Gott / So wil ich gern alles nachlassen / das mir nur  
Gott

Deut. xxxij.  
Roma. xij

Gott auch mein schuld verzeihe / vnd dieselben nimmermehr  
zurechne.

Zum sibenden: Dieweil mein Herr Christus / vor seinem  
Tode / ehe vnd Er sterben hat sollen / allen seinen feinden ver-  
geben / vnd für Sy gebeten hat / Sy so will ich auch nit ster-  
ben / sonder vor meinem end yederman verzeihen. Darumb  
will Ich mein Herz bey zeit dahin richten / zur liebe meines  
nechsten.

Zum achten / bedenck ich: Ist mein feind / so mich hat be-  
laidigt / ain kind des zorns vnd verdammus / so wil ich jm sein  
Hell hie nit anzünden / vnd sein Teufel werden / in dem / so  
ich mich an jm rechen sol / Sonder ich hab yst ain rechtes  
mitleiden mit jm / das Er ewig mus verdambt sein. Ist Er  
aber ain kind der gnaden / vnd Gottes Son / So wil ich vns-  
serm Herrn seine kinder nit belaidigen / auf das ich in damit  
nit erzürne / sonder wil vmb seinetwillen still halten.

Zum neunnden: Dieweil ich mich an meinen feinden zu-  
rechen vnterstehe / so wirdt dadurch Gottes Nam / vnd sein  
heiligs Euangelion gelesstert / das man spricht: Sibe / thuñ  
sölchs die Euangelischen? Darumb wil ich den feinden des  
Euangelions kait vrsach geben / meines H E X X N Namen  
zulestern.

Zum zehenden: Wann ich dann aus Gottes gnaden  
ain Kind Gottes worden bin / So will ich meinen berueff /  
vestt vnd gewis machen / durch sölche werck der liebe: Dann  
da bin ich yst gewis / das ich vergebung der sünden hab er-  
langt / So ich in meinem herzen empfinde / das aller groll /  
widerwill vnd feind schaffe hinweg ist: Wo aber noch d alle  
B iij Adam

Adam etwas empfindende/ vnd in schmirgste die verletzung mei-  
ner feinde/ So wil ich Gott den HERRn treulich vmb gnad  
anrueffen/das Er mir ain solch herr geben welle/wie er von  
mir erfordert.

Also sollen vnd müssen wir vns yeben/vnsere herren zur  
liebe enkinder/bewegen/vnd inbrünstig machen: So wir  
vns aber also erzaigen vnd bewegen lassen / durch Gottes  
wort/so gefell es Gott ausdermassen wol: Laufft aber noch  
etwas vnuolkomens mit vnter / das wir vnser herr nit gar  
dahin/sobald bringen könden/ wie wir gern wollten / so hat  
Gott der Herr gedult mit vns/ verzeicht vns solche schwach-  
heit vmb des angefangnen glaubens willen / vnd wil vns  
solchen gebrechen nit zuerechnen/ sond aus gnaden vergeben.

Das ist nun also aufs kürzest/gnediger Fürst vnd herr /  
angezaigt / wie sich täglich ain yeder guthersiger Christ /  
üben vnd streiten soll wider flaisch vnd blut / Sonderlich  
aber wann der Satan die feurigen kolen in herren aufblas-  
sen will/vnd anraizen zur rach vnd feindschafft. In Sum-  
ma: Alle die gotselig leben wollen/müssen verfolgung lei-  
den/aintweder durch die welt/oder den Satan selber. Dann  
durch vil trübsal müssen wir inndas Reich Gottes gehen /  
So sollen wir vns der trübsaln rüemen / dieweil wir wiss-  
sen/das trübsal gedult bringt/gedullt aber bringt erfahrung/  
Erfahrung aber bringt hoffnung/ Hoffnung aber lasset nit  
zuschanden werden: Dann die liebe Gottes ist ausgegossen  
in vnser herr/durch den heiligen Geist/der vns gegeben ist.  
Der allmechtig barmherzig Gott/welle E. F. gnad in dem  
angefangnen werck seiner Göttlichen gnaden / erhalten/  
darinnen.

1. Timo. iij.

Acto. xiiij

Rom. v.

Darinnen stercken vnd bekräftigen/bis an das ende/Ir auch  
barmherziglich verleihen / das sy in den dreyen Ritterlich-  
en vnd Christlichen Proben / wie ich mit zweifel / erfunden  
werden / Nemlich das E. F. gnad / ain sonderer Liebhaber  
Gottes worts/verharre/ Dasselbig(nachdem Eur F. gnad  
ye lenger ye mer / ain sonder groß vnd mercklich gefallen /  
trost vnd freud/daraus empfinden/vnd ain sonder gsmag  
Göttlichs erkantnus erlangen) beharlich gern / vnd vleis-  
sig hören/lesen/vnd betrachten / tag vnd nacht damit vmb-  
sehen/vnd in Summa die ainig kurzwil/vnd höchste freud/  
damit haben/vnd dardurch ware seligkeit bekommen/wie ge-  
wisslich geschehen wirdet. Wie dann auch solchs der heilig  
Dauid bezeugt Psalm. 1. da Er also sagt: Selig ist der lust  
hat zum Besatz des H<sup>E</sup> Arn / vnd redt von seinem Besatz  
tag vnd nacht / Der ist wie ain Baum gepflanzet an dem  
Wasserbecken/der sein frucht bringt zu seiner zeit/vnd seine  
Bleter verwelcken nit / Vnd was Er macht das ge-  
rett wol. Der H<sup>E</sup> Ar beware E. F. G. durch  
Christum Jesum in heiligen gaisst/Amen.

Datum Dringen am 1. tag Julij.

Anno 1545.

E. F. G.

Vntertener ge-  
horsamer Diener.

Caspar Huberinus/  
Prediger daselbs.



Handwritten text, likely a list or index, written in a cursive script. The text is arranged in approximately 15 horizontal lines. The characters are dark and somewhat faded, typical of an old manuscript. The lines are roughly parallel and fill most of the page's width.

Handwritten text at the bottom of the page, consisting of several lines. The text is written in a cursive script, similar to the main body of text. It appears to be a signature or a concluding note, possibly including a date or a reference. The lines are more widely spaced than the main body of text.

# VORRED.

**S**ie heiligen Apostel/ Paulus vn̄  
Barnabas/ bezeugen Actoz am̄ 14. Cap. Das  
wir durch vil trüb sal müssen in̄ das Reich Got-  
tes geen/ Daraus dann ain gemain/ vnd wares  
Sprichwort entsprungē/ Nemlich dises/ Wer zum̄ Him-  
melreich ist geborū/ den sticht alle tag ain Dorū: So dann  
Creuz vnd leiden/ die rechte Hoffarb sind des himlischen  
Königs/ So sollen wir vns willig darcin ergeben/ gedul-  
tiglich fortfaren/ vnd bestendig bleiben. Vnser streit  
aber/ ist mit listigen/ starcken/ vnd vnuerdroßnen feinden/  
welche vns hefftig angreifen/ vnd trefflich auffsezig sind/  
Nemlich der Satan/ die welt/ vnd der alt Adam/ der from-  
me Schalck/ welchem wir zertlich vnd gütlich thun. Die-  
weil wir aber so gewaltige/ vnd aus dermassen vngetrewe  
feind haben/ so hat Gott/ der vatter aller Barmherzigait/  
vns aus gnaden/ dagegen verordnet/ vnd geschenckt/ drey  
sondere stercke/ hilff vnd beystand/ Die erst/ ist Gottes  
wort: Dann allain mit Gottes wort kan man widerstand  
thun/ der welt/ welche mit allerlay irrehumb/ Abgötterey/  
Aberglauben/ lügen/ vnd Ketzerey/ sambt allerlay vnges-  
rechtigait vnd büberey/ die Kinder Gottes angreiff/ vnd  
vberwinden wil/ Da ist warlich hoch vonnöten/ das wir  
mit Gottes wort gerüstet sind/ die Bibel in̄ die hand nemen/  
daraus lernen glauben/ vnd beten/ vnd mit Gottes wort vn-  
E sere

tere herren versichern vnd trösten. Die ander Stercke/ist  
der heilig geist / welche durch das eusserliche wort Gottes /  
innerliche zeugnuß/hilff/trost / stercke / mut / vnd freidig-  
keit gibt/den Glaubigen/wider den bösen Feind/Vnd ver-  
sichert sy also mit seinen gnaden vnd gaben / das sy Gottes  
Kinder sind/vnd ewig bleiben werden/wie seer auch der Sas-  
tan wider sy tobt vnd wüetet / mit Mord vnd Lügen. Die  
dritte Sterck/ist die erfahrung vnter dem Creuz: Dann er-  
fahrung bringt hoffnung / zuñ Römern am 5. Hoffnung  
aber lasset nit zuschanden werden/ Da werden vnter dem  
Creuz die glaubigen erfahren / vnd lernen inn sölicher erfa-  
rung/die vätterlichen hand Gottes erkennen / das sy anfa-  
hen mutig/vnd herrenhafftig zu werden/ritterlich hindurch  
zudringen/durch all vnglück / Werden gar vnerschrocken  
wider Tod/ Teufel vnd Hell / Wissen/vnd habens auch  
erfarn / das denen / so Gott lieben / alles zuñ guten hinaus  
geenmus/Zuñ Römern am 8. Also lernen / vnd erfahren  
Sy mit der that / das Gott seine liebe Kinder aus gnaden  
angreiffet/vnd sy züchtiget/Prouerbioꝝ am 3. Hebreoꝝ 12.  
Apoca. 3. vnd 1. Cor. 11. da dann die heilig Schrifft söliches  
reichlich anzaigt. Söliche drey puncten aber/hab ich et-  
was weitlenfftiger anzaigt vnd gehandelt / in diesem Büch-  
lein / vom Christlichen Ritter / auf das / so wir vnter dem  
Creuz etwa lang streben müssen / wissen vnd erkennen sö-  
len / das Gott der Herr söliches nit aus zorn vnd vngnaden  
thät/wie die vernunfft schleufft/ sonder aus trew vnd lieber-  
Lasset vns auch ( der trew Gott ) nit versuchen / vber vnser  
vermögen/sonder macht / das die ver suchung so ain end ge-  
winne/

winne/ das wirs können ertragen/ 1. Cor. 10. Derhalben  
kombt vns Gott der Herr bald im leiden zuhilff/ wann wir  
zu im ruffen. Erstlich/ so er vnser senslichen ruffens vnd  
seuffzens gewar wirdt / so sendet er vns seine heiligen geist/  
der tröstet vns durch Gottes wort / etwa eusserlich / so wir  
Gottes wort hören/ in gegenwird/ vnter dem Creuz / da er  
vns herz damit aufrichttet / tröstet / sterckt vnd versichere  
der gnaden Gottes / Oder innerlich / so wir etwa im leiden  
allain sind / vnd drinnen so tief stecken / das wir von aussen  
Gottes wort nit mer hören können/ da tröstet der heilig geist  
vns ynnertlich/ durch das vorige gehörte wort/ so wir zuuor/  
aus der Predig gefasst haben / dasselbig machet Er inn vns  
ferm herzen lebendig / zündets an / das wir inbrünstig wer-  
den/ alles dultig zutragen / vnd zuleiden / was vns Gott zu  
leiden auferlegt hat / Da wirdt dann die Burde ring vnd  
leicht / Matth. am 11. Bis so lang/ das Gott der Herr/ zu  
legt/ wann er sein stund erschen hat/ vns gar zu hilff kombt/  
vnd das Creuz aller ding von vns aufhebt/ ergetet/ vnd er-  
stattet vns widerumb alles leidens / Wie dann söchs alles  
zu sehen ist in disem Christlichen Ritter/ wie Gott der Herr  
auch zeitlich vns erhöret / vnd hilfft / Bis so lang / das wir  
zu lezt ewiglich erlöset werden von allem vbel/

durch vnsern Herrn Jesum Chris-  
tum/ wer das begert /

o sprach von  
herze

A M E N.

INTERCOLLOCVTORES.

Personen die zesamen reden.

Baalzebub. Der HERR Zebaoth. Ritter.

Nomina Viciarum.

Nomina Virtutum.

Namen der Laster.

Namen der Zugende.

1	Incredulitas.	Unglaub.	1	Fides.	Glaub.
2	Superstitio.	Aberglaub.	2	Perseuerantia.	Beharrung.
3	Idolatria.	Abgötterey.	3	Eusebia.	Gottseligkeit.
4	Voluptas.	Wollust.	4	Continentia.	Mäßigkeit.
5	Inobedientia.	Ungehorsam.	5	Obedientia.	Gehorsam.
6	Præsumptio.	Vermessenheit.	6	Humilitas.	Demut.
7	Hæresis.	Ketzerey.	7	Constantia.	Beständigkeit.
8	Hypocrisis.	Gleichnerey.	8	Alithia.	Wahrheit.
9	Inimicitia.	Feindschafft.	9	Charitas.	Liebe.
10	Blasphemia.	Gotteslesterung.	10	Eucharistia.	Dankbarkeit.
11	Impacientia.	Ungedulde.	11	Pacientia.	Gedulde.
12	Murmuratio.	Murrung.	12	Longanimitas.	Langmut.
13	Dubitatio.	Zweiffelung.	13	Plerophoria.	Gewißheit.
14	Pusillanimitas.	Kleinmütigkeit.	14	Magnanimitas.	Grosmüetigkeit.
15	Tristitia.	Traurigkeit.	15	Consolatio.	Trost. (Zeit.)
16	Desperatio.	Verzweiflung.	16	Spes.	Hoffnung.

# Vom Christlichen Kitter.

Ein wunderbarlicher Kampf der  
Hellschen Bestien / wider einen Euan-  
gelischen Christen / Vnd wie dagegen der heilig  
Geist / mit seinen Gaben vnd Tugenten / solchen  
Christen tröstet / stercket / vnd endlich im  
streit erhellet.

## Der Hellsch Tract / oder Be- elzebub.

**S**X meine Lieben / vnd Getrewen / der  
ganken Hellschen Pforten / Versamlet euch  
eylents / vnd kombt meinem fürnemen vleissig  
nach: Dann es ist mir ein herrlich stuck Wild  
aus meinem Forst / vnd nech entgangen / Damit ich solchs  
wider bekommen möge. Darumb tritt fone an die spizen /  
du getrewe liebe Incredulitas / sey du Jegermaisterin / Vnd  
du Superstitio / stee in die Lucken: So halt fest Idolatri-  
a: Zuech zu ruck Voluptas: Spreisse dich Inobedientia:  
Stürg das Wild vber den Fels ab / Praesumptio: Aber du  
E iij vleissig

Forst:  
Wer glaubig  
wirdt / der en-  
tritt dem Sa-  
than aus sei-  
nem Reich.

vleißige Hæresis / ergreiffest du das Bild / so laß nit aus  
 der hand: Hypocrisis verstecke dich hinder den Busch: Inis  
 micitia halt bey den andern an / das sy fortfaren: Blasphes  
 mia scheuß vleißig auf das Bild zu: Impacientia felle es  
 zu boden: Murmuratio nimm den jeger spies in die hand:  
 Dubitatio mach das Bild im lauffen jrr: Pusillanimitas  
 mache es feig vnd flüchtig: Tristitia scheue es von der ebne  
 dem holt zu: Vnd du mein sonder geliebte Desperatio / halt  
 mit sonderm vleis an / im hinderhalt / damit es entlich erlegt  
 werde.

## Der Himlisch Fürst / Der HERR Zebaoth.

psalm. lxxx:  
 Der HERR  
 Zebaoth / ist  
 Christus Jes  
 sus.

**D**erweil ich bin ain Gott / vnd HERR der  
 Heerscharen / So gebürt mir ampts halben / das  
 ich meinem getrewen Christlichen Ritter ainem /  
 zu hilff komme / der sich in meinem gnadenreich vnter meis  
 nen Creussfanen ergeben hat: Dann ich sihe dort / freuel vnd  
 gewalt mit im oben / Die Hellischen Bestien haben in gar  
 vmbgeben / Darumb / komme ich Im mit meinem heiligen  
 Geist nit zu hilff / so ist es aus mit im / Sy werden im entlich  
 vberlegen sein / Derhalben vonnöten ist / das ich mein ge  
 trewes Hofgesinde im bald zu hilff / vnd rettung / von him  
 nen sende. Ach geliebte vnd sonder vertraute Fides / si  
 he / was sich die schendliche Incredulitas vntersteet: Perse  
 uerantia hab acht was Superstitio fürhab: Eusebia laß nit  
 aus der acht Idolatram: Du Continentia halt am Zügel /  
 damit

damit Voluptas nit vberhand neme: Obedientia lege dich  
 mit gwalt in weg / damit Inobedientia nit fort dringe: Hu-  
 militas ducke dich fein nider / damit Praesumptio den halß  
 stürze: Constantia lasse dich kainen wind erschrecken / damit  
 nit dieweil Haeresis klawen einschlag: Du fromme Alithia  
 bleib in weg steen / damit Hypocrisis zuschanden werd: Cha-  
 ritas zünde das feur an / damit Inimicitia vom Rauch ges-  
 blendet werde: Eucharistia blasß das horn / damit Blasphes-  
 mia stumf werde: Pacientia lasse dich den grossen hauffen nit  
 abschrecken / damit Impacientia nit raum gewinne: So gee  
 du ymmer fort Longanimitas / sonst richt Murmuratio  
 nichts guts an: Plerophoria sihe das du der sachen gewisß  
 seyest / damit Dubitatio meinen Christlichen Ritter nit in  
 ein finstern wald füre: Magnanimitas mache in mütig vnd  
 fraidig / damit Pusillanimitas ain hasenherz vberkomme:  
 Consolatio ruff mit heller stimm / vermane das er vnerschrock-  
 en sey / dann Tristitia wirdt in nit schaden können: Spes/  
 mein trewe Kemererin / verware bey nacht meinen Ritter/  
 damit Desperatio in nit nach dem leben greiffe / vnd wo dir  
 Desperatio zu mechtig sein wurde / so wil ich dir bald mei-  
 nen heiligen Geist zu hilff senden / der sölle neben euch allen  
 herumb sein / vnd euch alle miteinander füren vnd regieren/  
 damit jr meinen Ritter widerumb an meinen Hof bringet /  
 vnd bey mir in meinem himlischen Reich bleibe ewigklich.

Incredulitas. **Unglaub.**

**W**as machstu doch hie / du ellender / armer /  
 vers



i. Cor. vj.  
Gala. v.  
Exo. xx.

Matth. xxv.  
Marci xvj.

Psal. cx.

verlassner mensch/wie langwilt du in deiner tothait verhar-  
ren/Du sihest/das du von yederman verlassen bist/niemand  
achtet dein/Es ist dir niemant holt noch gunstig/Gott vnd  
die wellte sind dir feind/Alle Creaturen streben wider dich/  
Sihe doch/vnd bedenck dem gankes leben/von jugent auf/  
wie schentlich du gelebt/vnd gehauser hast/in allem wollust/  
mutwillen/vnzucht/schwelgerey/vnd vngerechtigait/hast  
du dein gankes leben schentlich zubracht/Nu waißt du aber  
wol/das die vngerechten das Reich Gottes nit ererben wer-  
den/Wer böß vnd gotlos ist/den wirdt Gott hie zeitlich/  
vnd dort ewigklich straffen/Darumb ergib dich nun drein/  
du bist doch ganz vnd gar mein/Du bist des vnglaubens so  
wol/das du mir nit entgegen wirst können/Dieweil du dann  
so ain vnglaubigs hers hast/vnd aines so schentlichen got-  
losen lebens/Wainst du auch das sich Gott deiner werde  
annemen/sich vber dich erbarmen? Dnain/du müstest an-  
ders gesinnet sein/frömmter/heiliger/vnd gleubiger/dann du  
dich erzaigest/Wo sind deine gute werck/die du ye gethan  
hast? Hast du etwo ain mal was guts aufgericht/so hast du  
dagegen wol hundert mal mer böser stuck/mutwillen/vnd  
büberey gestiftet.Nun wolan/mir nach/der Hellen zu/es  
ist zeit/man wirdt dir nit ymmer also zu sehen/vñ deinen mü-  
willen treiben lassen.Gott ist ain gerechter Gott/darumb  
wil Er dich inn abgrunde der Hellen stärken/Darumb bin  
ich hie/das ich dich mit mir ziehen sol in ewige verdammus/  
Wol auf/es ist nit anders dran/Sihe dich nun nit vil vmb/  
es ist doch niemant verhanden der dir helfen werde/Eyle  
bald/vnd komme mit mir.

Ritter.

## Ritter.

**A**ch Gott / wo sol ich hinaus / wo sol ich  
mich hinwenden / Wie zapplet mein hertz in mir /  
wie ist mir so angst vñ wee / wol bin ich so schwach  
in glauben / Wie truckt / nagt / vñ plagt mich die scheneliche  
Bestia / der vnglaub / Wie bin ich so gar irdisch / das ich  
mein hertz vñ gmüt nit vbersich heben kan / zu Gott meinem  
Herrn. O Herr Jesu Christe / du lebendiger Son Got-  
tes / komm mir zuhilff in meinen grossen nöten / mit deinem  
heiligen Geiste / komm meinem vnglauben zu hilff / mere mir  
meinen glauben / stercke vnd erhalte mich / sonst mus ich zu  
grunde geen / sterben vnd ewig verderben: Dann diß greulich  
Thier hat mich seer erschreckt / es ist gewißlich ain Behe-  
moth / dauonder heilig Job schreibt.

Roma. xliij

Matth. xvij

Marci ij  
Luce xvij

Job xl

## Fides. Glaub.

**A**lt vesse / frömmer Christlicher Ritter / sey  
vnterzagt / dein sach steet ausdmassen wol: Dann  
Gott dein Herr vnd Erlöser steet auf deiner se-  
iten / der wil dich nimmermer verlassen / Darumb hat er mich  
zu dir gesant / dir beystand vnd trost zuerzaigen. Derhal-  
ben streit Ritterlich / als ain frömmer Christ / Bis nit vn-  
glaubig / sondern glaubig / Kanst du glauben / alle ding seyen  
möglich dem der da glaubt / Laß nit ab mit bitten vnd glau-  
ben / bis so lang das du erhört werdest: Dann dein Herr vnd  
D Hailand

Johan. iij

Marci ij

Marcel xvij.  
Joha. iij.

Marcel xvij.  
Luce xvij.

1. Cor. ij.  
Esaie lxvij.

Psalm. cxlvj.

Hailand / verspricht dir gewisse erhörung / Marcel am 11. da  
Er also sagt: Alles was jr bittet in eurem gebet / glaubt nur  
das jrs empfangen werdet / so wirdts euch werden / Ich bin  
darumb zu dir kommen / das ich dich mit mir vber sich ziehe /  
richte / vnd zu Gott bringe. Die verfluchte Incredulitas  
wolte dich gern zum Teuffel in die Hell ziehen: Dann Sy  
ist ain solche schedliche Bestia / das / wo sy ainen menschen  
recht besiget / ewigklich verdammet / in ewig qual vñ pein brin-  
get: Dann wer nit glaubt der ist verdambt. Dagegen aber /  
so bin ich so ain edle tugent / vnd so ain trewe Schwester / das  
wo ich des menschen herz recht besiz vnd einnime / das durch  
mich der ganze Mensch / an Leib vnd Seel erhalten wirdt /  
Sintemal / wer da glaubt vnd getaufft ist / der ist seelig: Ich  
bringe den menschen in Abrahams schoß / ins Paradies / vnd  
ennelich ins Himmelreich / in das ewig Vatterland: Durch  
mich erlangt man solche freud vnd wonne / die so wunder-  
barlich groß ist / welche kain aug nie gesehen / kain oz nie ge-  
hört / noch in kaines menschen herz gestigen ist. Sibe nun /  
solcher ewiger freud / wolte dich gern berauben die vermal-  
te Incredulitas: Derhalben bis ain Man / nim ain glau-  
bigs herz an dich / halt dich Ritterlich / vnd folge jr in sum-  
ma / in dem aller geringsten stück nit / So bald sy dich nur ain  
wenig anwehe wil / wende dich alsbald von jr / damit sy kain  
giftigen lufft an dich wehet: Dañ all jr athem ist vergiffet.  
Sy hat manchen tapffern Helden in der Wästen / vnter den  
Kindern von Israel / darnider geschlagen. Heb. 3. Herwi-  
derumb / so sind durch mich gewaltige Heiligen erhalten  
worden / vnd haben trefflichen sig erlangt. Heb. 11. Durch  
mich

mich hat Daud den grossen Risen Goliath umbgebracht/ 1. Reg. xvij  
Darumb so nim mich in diesem streit zum Schildt für dich/  
Wie dich Sanct Paulus leert zum Ephesern am 6.

## Incredulitas. Unglaub.

**W** Ein trewe liebe Schwester Superstitio /  
Ich hab vnserm beuelch nach / trewlich gehan-  
delt / Aber ich kan bey dem stolzen Ritter nichts  
ausrichten / Vrsach / die schedliche Fides ist mir hinderlich /  
legt sich mit allem gwalt wid mich / Sterckt vnd erhellt den  
Man / das ich jm nichts abgewinnen kan / Dieweils dann  
auf diesem ort nit von stattē wil geen / so müssen wir die sachs-  
en anderstwo angreifen / Derhalben ker vleis an / ob du die-  
sen Ritter in ainen neben glauben / oder in ainen aberglau-  
ben bringen möchtest / damit er auf ainen frembden falschen /  
vnd vnrechten glauben gebracht möcht werden / So wolten  
wir in fein gemacht vom rechten glauben gentslich abwendē /  
Als dann würde die prechtige stolze Fides / wenig bey Im  
schaffen mögen. Ker vleis an / damit wir nit leer haim kome-  
men. Du wirst jm aber auf der rechten seiten nit bey kōn-  
nen kōmen: Dann Er hat ain starcken Schildt vor jm / da-  
rumb schleiche hinden hinzu / auf der linken seiten / gib Im  
gute wort: Dann ich sihe / das Er sich mit bösen Worten nit  
schrecken lasset / Er ist wol gerüstet / vnd mit weer verwart.

## Superstitio. Aberglaub.

D ij Höre

**H**öre mir ain wenig zu / fromer lieber Rit-  
ter/ Ich hab etwas mit dir zu reden/ Ich gänne dir  
guts/wolte gern das dirs wolgieng/ist mir laid das  
durs so vbel geet/Aber gleichwol kan ich zu guter maß abnes-  
men/vnd erkennen/was d' feel ist/ das du so vil mal leer stro-  
trischest / so manchen guten selgriff thust / vnd ymer anhin  
in deinem jamer bleibest/bis du der mal ains drinnen verder-  
ben wirst/ Das ist alles miteinander die vsach/ das du der  
ellenden blossen Fides/zu vil vertrawest/ Lassst dich ymer  
zu auf sy/vñ sy verlasset dich doch für vnd für/gibte wol gu-  
te heele / glatte wort/aber kain nachtruck ist dabey/ Sperret  
dir das maul auf / vnd lasset dich dierweil in allem vnglück  
stecken / Mußt lang glauben/bis dir ain bratene Taub in  
maul fliegen wirdt/Mainst du auch/das Gott nach deinem  
glauben vil fragen werde/ Ach Gott/du mußt die sach and's  
angreifen/mußt dich anderswo hin vmb hilff wenden / sonst  
bist verdorben. Darumb were mein entlicher rat/das du dich  
anderswo vmb hilff vmbsehest / so würde dir doch entlich  
ain mal geholffen. Folg meinem rat / ich maine dich von  
herzen/will dich nit betriegen. Sihe/etwa wirst du vnuer-  
sehens krank / da mußt du lang ligen/vnd glauben / das dir  
Gott von stundan helfen werde / mainstu das Er vmb dei-  
ner krankheit willen ain Mirakel thut werde / vnd dir ain  
nen Engel vom Himmel schicken/ Ich wais ain alte Fettel  
die kan ain schönen Segen/wen sy segnet dem wirdt geholfe-  
fen. Sy kan auch ain wunderbarlichs Bettlein / das lernet  
dich/Mußt etlich tag fasten/vnd gibte dir etwas das legst inn  
dein Bett/vnser dich / so gemisset du. Item so du arm bist/  
nötig!

nötig / vnd bedrengt von deinen Schuldner / kanst nindere  
kain gelt bekommen / weder mit arbaiten / noch auf borg / so wil  
ich dir ain guten Rath geben / Ich wais ainem / der kan die  
Schaz beschwören / vnd graben / da kombst du aus aller deis  
ner not. Item / so dir yemand feindt wirdt / das du möche  
test von jm be schediget vnd verwundet werden / So wais ich  
ain guten gesellen / der hat ain wund segen / das man dich nit  
verwunden kan / Henckt dir auch etwas an den hals / das dir  
niemandt kan feind sein. Item / du bist vnglück hafftig /  
geet alles zu ruck was du anfahest / Da wil ich dir ainem bring  
gen / der gebe dir etwas / das alles glück mitbringet. Darumb  
laß ain mal von deiner tothait / volge der Fides nit jmer als  
so nach / Sy betreuget dich doch entlich / vnd bleibst jrnthalb  
wol lang ain armer stümpfer.

### Ritter:

**B**Ehüte mich Gott / wie ain schedlicher  
Scorpion ist mir hie fürkommen / wie gibt Er so  
seltsame grillen für / wie ain tödeliche gifft hat Er  
in jm / Hilff mir lieber Gott / vor solchen Teuffels Staren /  
das Sy mir nit auf meinen kopff nisten. Wie ist der Teuffel  
so seltsam vnd anherig / Wamit kombt Er da her für / maine  
er dann ich well mit Kröten seggen vmbgeen / Hat mir doch  
noch nie so seltsam getraume / wie Er mir hie wachend gerät  
eingegeben wolt: Pfeu dich du schentlicher Teuffel. Aber  
Herr Gott hilff mir / das ich nit vergiffet werde.

Scorpion tre  
get in seinem  
schwanz tödt  
lich gifft.

Perseuerantia.      **Verharrung.**

**S**hriftlicher frommer Ritter / Fides sendet mich eilents zu dir / lasset dich vermanen / das du bestendig bleibest / vnd solt dich nit an die heile glatte wort keren / so dir Superstitio eingibt / Sy ist ain seer heile Rak / hat wol ain glatten Balg / Sy hat aber scharpffe negel darhinder / damit sy dich entlich krasert wirdt / Darumb bleib bestendig im glauben / Meine trewe liebe Schwester Fides wirdt dich nit verfahren lassen: Dann wer ist ye zuschanden worden / wer jr angehangen ist? Lass dich darumb nit abwendig machen / das du im anfang so bald das werck mit jren Worten nit spürest. Ir nam heisset darumb Fides / das man das jenige / so man noch nit sibet oder greiffet / auch mit der vernunfft nit erlangen kan / dannoch festiglich glauben sol: Glauben aber sol man nit in wind anhin / sonder auf Gottes gnedige zusagung / wort / vñ warhait / Vnd dabey also bleiben / verharren / bestendig / sicher / vnd gewis / das du entlich erhöret werdest / vñ erlangen was dir Fides fürhelt: Dann glaub mir / Fides ist nit so schlecht zuachten / wie die glaublosen mainen. Es ist ain edle / herrliche / schöne Gab des heiligen Gaists / Welche gegründet ist / nit wie Superstitio auf aberglauben / narrenwerck / vnd Zenfels gestanck / Sonder Sy ist gegründet auf das ewig wort Gottes / auf Gottes zusagung / vñ warhait: Darumb wer Fidem ergreiffet / vnd auch fest an mir helt / sich dauon nit wendig lasset machen / der wirdt auch ewig / wie Gottes wort ewig ist / bleiben. Er wirdt auch in ewiger warhait / bey  
Gott /

Roma. vi  
Roma. ix.

Hiob xi:

Esate xl:

Gott / der die Warhait selber ist / erfunden: Dann die  
gewisse zusagung Gottes wirdt dir nit felen werden. Nun  
hat dir aber Gott versprochen / Er welle dein / Dein Gott Exodi 23.  
sein / dich nitmer verlassē: Wann du in ihm rechten glau- Psalmo 1.  
ben anruffest / so well Er dich erhören / wo du mir ands trew  
haltest / vnd bestendig bleibst. Darauf must du aber gut acht  
tung haben / was die vnterschied vnd eigenschafft entlich sey /  
zwischen der Fides / vnd der Superstitio: Dann Fides rich-  
tet sich dahin / das Sy etwa lang innen hellt / vnd nit bald  
inns werck füret das so man begert / Verzeucht wol etwa  
lang / aber Sy kombt doch entlich aus dermassen wol / Br-  
sach / Fides ist so ain freuntliche Schwester / das sy sich her-  
lich gern / ain gute lange zeit erlustiget / bey den glaubigen /  
kombt nit gern von inen / bis so lang / das sy der glaubigen  
herz wol erwermet vnd gesterckt hat / Da lasset sy mir dann  
in des raum / nimbt mich zu jr an die hand / damit ich meinem  
Namen nach / den glaubigen in der bestendigkeit des glau-  
bens befestige / in glauben veste zuuerharren / Auf das wir  
bald wider hernach in andern vnfall / Creus vnd leiden /  
angenehm seyen / platz vnd guten raum / in herzen einnehmen  
mögen. Sonst wo du gleich von stundan allweg so bald  
erhöret wurdest / nach deinem begern / so wurden wir zwo  
Schwestern nitmer dir so bekant vnd angenehm werden:  
Dann wo die hilff vnd erhörung so bald gelaiestet wurde / vñ  
in werck oder der that vollstreckt / so wurde man vnser nit  
nicht achten / noch so wenig glauben als bestendigkeit er-  
folgen. Nun kan man aber on vns Gott nit gefallen: Zeb. 1.  
Dann wer zu Gott nahnen wil / der mus glauben / Sinte-  
mal die augen des HERRN den glaubigen ansehen. Es



Hier ev.  
Roma. 8.  
Wartch. xxiiij.

ist/in summa/vnmöglich/Gott gefallen on glauben: Dann  
durch den Glauben erlangt man rechte ware frömbkait vor  
Gott/ Vnd wer bestendig darinnen bleibt bis an das end/ der  
wirdt seelig werden. Hierauff lerne in diesem kampf/ vn-  
ser eigenschafft/ thun vnd wesen / wol vnd grümtlich erkens-  
nen/ so wirdstu deste bestendiger bleiben in glauben. Vnd  
das halt ungezweiflet/ Je lenger die hilff aussen bleibt/ wann  
du vestiglich glaubst vnd bestendig bist/ je gewaltiger du zu-  
lest erhöret wirst: Dann es ist doch vnmöglich/ das ain  
glaubiger nit entlich solt erhöret werden/ Es müsten ehe  
grössere wunderwerck geschehen/ als sy noch nie geschehen  
sind/ ehe das ain glaubiger solte verlassen werden. Das ist  
wol war/ der glaub erlangt nit allwegen das / vnd zu der zeit  
wie wir nach flaisch vñ blüt gern haben wölten/ Aber Er er-  
langt es doch auf ain and weis / die vil besser ist / nütlicher  
vñ hailfamer/ Also/ das wir hernach in kainen weg woltē/  
das es nach vnserm beger gangen were. Herwiderumb/  
die Superstitio/die alt Bnhold vnd wettersegnerin/kombt  
wolt etwa bald in anfang / vnd erzaigt sich als well Sy dir  
helffen/mit irem Krotensegen/ Aber es ist nur ain göst oder  
schäum auf dem Bier/ Ist ain wenig ain geschmack vñ hilff/  
aber doch entlich kain rechte bestendige hilff. Vnd ob schon  
Superstitio nach dem leib vnd zeitlichem güt / bald hilfft /  
durch iren Fürsten den Teuffel/ so thüt sy doch tausentmal  
mer schaden an der seel. Fides aber hilfft leib vnd seel: Dast  
der gerecht lebt seines glaubens/ zeitlich vnd ewiglich. Dar-  
rumb hüte dich bey leib/ vor vñ giftigen schedlichen schlangen  
die Superstitio haist/ Sy schleicht wol leib vñ sanfft daher  
aber sy tregt vil gifft in schwank.

Saba. 8.  
Roma. 8.

Idolas

**W**oher lieber Ritter/du bist mir gleich ain  
 seltsamer Gast worden / gedencck wol der zeit/das  
 du mich vleissiger hainsuchtest / vnd in grössern  
 ehren hieltest. Wer hat dich von mir abgewendt/ Er hat  
 dir freilich nit wol gewellt/das er ferest du dann selbs mit der  
 that/wie es dir senther gangen ist/nachdem vnd du mich ver  
 lassen hast: Dañ da du mich in hohen ehre hettest/da giengs  
 dir auch wol/war glück vnd hail verhanden/ Die welt lobet  
 dich: Grosse Herrn hielten dich in hoher wirde: Alle werck  
 heiligen preiseten dich: Inn summa/ es gieng nach allem des  
 nem wunsch von staten/wannit du nur umbgiengest/ So  
 bald du dich aber bereden hast lassen/Winkelmeh hören sey  
 vnrecht/vñ von Gott nit beuolhen: Vigilien/Ablas/Hei  
 ligen anruffen/walsarten/hab kain ansehen vor Gott: Der  
 Päpstlich ertichtet Gottesdienst sey Abgötterey vnd Gots  
 lesterung: Helest kain Yartag mer: glaubst nit das ain Feg  
 feuer sey: stifttest nit mer Seelmeh/ Gotsheuser/ Bilder/  
 vnd Tassen: richtest nit mer auf / schühest vnd verthedigest  
 nit mer meine getrewe liebe Diener vñ vnterthanen/nimbst  
 ain neuen Gottesdienst vnd glauben an dich / Ich gilt gar  
 nichts mer bey dir/ stellst allenthalben verloffne böse büben  
 auf zu predigen/ die machen mir den gemainen pöfel gar ab  
 fellig/ Dienen mir nit allain nimmer / sonder treiben auch das  
 Gespödt aus mir / hin vnd wider inn allen zechen: Wellen nit  
 mer opffern/beichten/ die heilig ölung vnd firmung nit ne  
 men:

men: Welten das ganz Sacrament haben/wie die gaisstlich  
en/hören teutsch Mess / sind selber Chorschüller worden/  
singen newe teutsche Lieder inn der Kirchen / geben den ab  
trinnigen Pfaffen ire Töchter zu Eweibern: Deine Predi  
ger tragen müher platten/sonder bårt/sind nit gesalbet vnd  
geweihet/ In summa/wer kans alles erzelen/was für scha  
den du mir in meinem haus zugericht hast/ Ich gilt weniger  
mer dann der teutsch Michel. Dieweil du mich dann/sambt  
den deinen/so hoch veracht hast/ So hab ich mein hand von  
dir auch abzogen/ vnd lasse dich ys also waten vnd schwim  
men. Vnd dieweil du so vil newer Euangelischer Prediger  
wider mich geheset hast/ So hab ich auch dagegen so vil ge  
waltige leut in der welt wider dich bewegt/die dir vngünstig  
sind/verachten dich/ vnd wo sy dir schaden thun könnē / das  
beweisen sy gar treulich. Darumb/dieweil du mir so gar  
vrlaub geben hast / vnd ain neuen Gotsdienst angenommen/  
welchen meine getrewe diener die Lutrisch kesherey schelten/  
So far ymer hin/ Ich wil dir alles zu laid vnd schaden thun  
was mir ymer möglich ist/ Dazu an dich setzen vnd hehen  
lassen mein beste Wanschaft/deren ich in der welt ain grosse  
anzal hab / Darüber gesetzt sind meine größte Handleut/  
Zürcken vñ Antichrist/Wie wiltu vor ainer solchen macht  
bestene? Wo wilt du bleiben? Sy sollen dir Land vnd leut  
nemen/dich von dem deinen vertreiben / leib vnd leben muß  
du drüber inn gefahr setzen / yederman zu feind haben / nie  
mand sol dir weder raten noch helffen. Vnd ich wais / das  
meine getrewe liebe Diener / lust / freud / vnd gefallen dazu  
haben. Sy werden vnuerdrossen sein/dir alles laid zuthun/  
in die

in die fauß lachen/waß dir vbel geen würde. Aber doch/ in  
dem allen/ lere wider/ ihue rechte puß/ ergib dich mir wider/  
vnd diene mir mit aller Abgötterey/wie zuuor/ So wil ich  
nit allain all diß vnglück von dir abwenden/ sonder dich zu  
grossen ehren im Bapstumb bringen/ Du solt ain grosser  
herr werden/ Will yederman anrichten/ das man dir wider  
günstig vnd genaigt werde/helff vnd rathe/ damit du wider  
rumb bey grossen herrn hoch dran seyest/wil dich all deins  
laids ergehen. Darumb so nim meinen Gottesdienst wider  
an/rüffe mich an/verlasse dich auf mich/ so wil ich thun als  
ain trewe Schwester/will dich bey dem deinen erhallten/ Es  
wirdt dir yederman helffen vnd rathen/ Vnd kanst entlich  
dein sach glücklich vnd wol hinnauß bringen/ deinen stand  
ehrlich vnd wol stieren. Die meinen werden ain freud ab die  
haben/wann du widerkerest/ Sonst ligt du da verachtet/  
niemant frage nach dir/ Vnd ob du schon etwa wenig aiß  
anhang hast/vnd dir dieselbigen gern helffen wolten/so ha-  
ben sy mit jnen selber gnueg zuschaffen. Derhalben bedenck  
die sach wol/vnd gib mir ain gute antwort.

### Kitter.

**A**ch mein Gott vnd HERR/wie ist mir  
das nek so hoch gespannt/ wie sol ich hinüber  
springen/ Wie ain wunderbarliche Bestien hat  
sich an mich gerichtet/ Ich halt entlich es sey ain Crocodil/  
Wann ich yn auf dem Meer färe/ so schwär ich aiß ayd/ es  
E is were

Crocodilus/  
ain Thier aiß  
fuß Nile in

Aphica/wan  
es ain mensch  
en ansichtig  
wirdt/wainer  
es / vñ begert  
in doch vmb  
zubringen.

were ain Syren / so wunderbarlich hat sy zulest gefungen.  
O mein herzlieber Herr Jesu Christe / du mein trewer Er  
löser / sende mir hilff vom Himmell herab / das ich von diser  
Bestia nit verschlucket werde / wol bin ich so schwach in die  
sem kampf worden.

Eusebia.

Gottseligkait.

Proteus,  
ain son Oces  
am/welcher  
sich in manch  
erlay gestalt  
verwandlet.

**A**In Göttlich erkänntnus wünsch ich dir /  
mein trewer Ritter / Der heilig gaist vom himmel  
herab / sendet mich zu dir / das ich dir vnterrichtüg  
gebe / was dir hierinnen zuthun vnd zulassen sey / damit du  
dich nit wider deinen Gott vergreiffest / sonder dich Gött  
lich vnd Christlich hierinnen erzaigen mögest. Zum ersten  
hab achtung auf dise Bestien: Dann sy hat ain art an jr wis  
ain Proteus / kan sich in mancherlay form verstellē / dadurch  
sy die leut betriegen möge. Mein frommer treuer lieber Rit  
ter / du must den Teufel recht lernen kennen / sihe jm wol vñ  
ter augen / Er hat ain seltsame Laruen angezogen: Dann er  
ist nit allain ain scheusslicher / grober / tölpischer / schwarker  
Teufel / der mit der faust dran wil / mit dröwen / pochen vnd  
polttern / mit Büchsen vnd mit stangen / Sonder Er ist auch  
ain solcher Teufel / der sich in ainen Engel des Liechts vñ  
terweilen verstellen kan / Da zeucht Er aus dermassen heele  
saiten auf / gibt glatte gute wort / verhaisset vil / vñ locket dich  
gern zu jm / mit den aller süßesten Worten. O Er ist alsdann  
ain heele Kan / Aber hüte dich / hüte dich (sag ich) bey leib vor  
Im. Zum ersten dröwet Sy (nemlich die Idolatria) dir  
heftig!

heftig/mit irem Hofgesind/mit der ganken welt/ als welle  
Sy mit dir ober vnd ober/ Da lerne des Teufels weiß vnd  
art eigentlich wol erkennen: Dann Er pflegt allweg in er-  
sten angriff heftig einzubrechen / vnd zustrürmen / als welle  
Ers alles zu grundt reissen/ Machet in anfang ain grossen  
Sturmwind/vnd solche grausame Wellen/das ainer daz  
verzagen möchte/Aber wer ain wenig harren kan/Gott an-  
rüffen/vnd bestendig bleiben/So wirdt Er gewar/das nur  
ain rauschender/fligender Wind / vnd plakregen gewesen  
ist/der bald fürüber gerauscht ist. Darumb / ob schon die  
kinder Enakim/die grossen Rissen in der welt/an dich sehen  
wellen/so bis vor inen vnerschrocken: Dann der in vns ist/  
ist grösser dann der in der Welt ist / Christus dein HErr /  
hat die Welle überwunden. Darumb sprich mit David/  
Der HERR ist mein lecht/vnd mein Hail / vor wem solt  
ich mich fürchten? Der HERR ist meines lebens krafft/  
vor wem solt mir grauen? Darumb so die bösen/meine wis-  
dersacher vnd feinde/an mich wellen/mein flaisch zu fressen/  
müssen sy anl auffen vnd fallen. Wann sich schon ain heer  
wid mich legt/so fürchtet sich dannoch mein herr nit: Wan  
sich kriegwider mich erhebt / so verlasse ich mich auf Gott  
Darumb so ist der HERR mein Sterck / mein Fels / mein  
Burg / mein Erretter / mein Gott / mein Hort / auf den ich  
trawe / mein Schildt vnd Horn meines Hails / vnd mein  
Schus. So wais ich nun fürwar/das Sy mir disen mei-  
nen HERRn/mit aller freer macht/ aus dem Himmel herab  
nie stürzen werden. Wo aber der HERR bleibt/dableib  
ich auch: Dann wer vnter dem schirm des Höchsten siset/  
E iij vnd

Nume. xiiij.  
i. Johan. iij.  
Joh. xvi.  
Psalm. cxviii.

Psalm. cxviii.

Psalm. cxi.

vnd vnter dem schatten des allmechtigen bleibt/ Der spricht  
zu dem HErrn/Mein zunicht/ vnd mein Burg / Mein  
Gott auf den ich hoffe. Also must du dem schwarzen  
Teuffel vnter augen treten/dich Ritterlich wider in setzen/  
Vnd wann schon sein feind seelige Vnhold/ die Idolatria/  
vil geiffer vnd gespenus treibt/vast droet vnd zürnet/ so las  
se sy pñier einhin machen/bis sy müd wirdt. Man mus dem  
groben Teuffel erstlich keck vnter augen treten/Vnd wann  
Er sich stolz vnd hochmütig erzigt/ so ducke vnd diemütig  
ge dich fein nider/so fladert Er vberhin wie ain grosse hum  
mel:Dann du hast ain guten vortail auf deiner seiten/Erst  
lich Gott den Herrn selber/ der die feinen nit verderben las  
set/Darnach hast du im vorrat sein wort/ die ewig warhait  
selber:Darumb dieweil du seinem wort, dem Göttlichen be  
felch nachkommest/den rechten glauben/leer/vñ Gotsdienst/  
in Gottes wort gegründet/annimbst/bekennest/ deinem be  
felch nach/alle Abgötterey abschaffest/verlassest / vnd irris  
ge leer nit duldest / So hast du gewisslich Gott den HErrn  
auf deiner seiten/ der wirdt dir treulich beystet/dabey erhal  
ten/Tros dem Teufel vnd der ganzen Welt.Begegnet dir  
aber vñ halben ain klainer schaden drüber/das kan Gott nach  
seiner gnedigen verhaissung hundertfeltig erstatten/ Wer  
im vertraut/hat wol gebaut/Er kan bey den feinden des E  
uangelions/das glückrad umbwenden/Er haist/Deposuit  
potentes de sede/Kan die welt die frommen Christe durchzech  
ten/so kan Er sy auch wol plagen / Er kan wol ain grossen  
Hansen zum Land ausziagen vnd schlagen / vnd ain andern  
darein setzen/Er kan wol ain stolzen herin das haubt legen/  
vnd

Roms. viij.

Matth. xix.

Luc. ix.

vnd ain frommen Gottseeligen Herrn / an die stat einsehen /  
der sachen hat Gott bisher in der welt vilmals erzaigt: Wie  
dann Gott der Herr den König Saul vertilget / vnd den  
fromm Dauid an sein stat einsetzet. Also thet Gott auch dem  
König Herode Actoz am 12. Darumb vnuerzagt / kan die  
Welt nemen / so kan Gott geben / vnd herwiderumb / kan die  
Welt geben / so kan Gott nemen / Wer wil seiner gewaltis-  
gen hand widerstehen können? Wer ist so hoch vnd gros / so  
mechtig vnd erschrocklich / das Gott nit vil höher / grösser /  
mechtiger vñ erschrocklicher sey / Darumb so Gott mit vns **Roma. viij.**  
ist / wer wil wider vns sein? Zum andern / So kombt der **ij. Cor. xi.**  
Satan in aines liechten Engels gestalt / gibe grosse verhaiss-  
ung für / vnd stellet sich fromm vnd heilig / main es gut vnd  
freuntlich. Da must du sehen / frommer lieber Ritter / das  
du dir die Gottseeligkeit weder mit lieb noch laid nemen las-  
test / Bleibe bey der warhait / bey Gottes wort bestendig / fe-  
re dich nit an die Syrenen: Dann es leibet sich wol ain weil /  
aber es seelet sich zu lezt vbel / Das ewig gut sol vns mer  
gelten dann die irrdischen güter. Also thet im Moses in  
Egypten / der erwelet vil lieber mit dem volck Gottes unges-  
mach zuleiden / dann die zeitliche ergekung der sünden zuhas-  
ben / Vnd achtet die schmach Christi für grösser reichthumb  
dann die Schatz Egypti / Dann er sahe an die belonung.  
Also sagt auch Dauid / Ain tag in deinen Vorhöfen ist bes- **psalm. lxxvij.**  
ser dann sonst tausent / Ich wil lieber der thür hüten in meis-  
nes Gottes haus / dann lang wonen in der Gottlosen hütten:  
Dann der Herr ist Sonn vnd schilt / der Herr gibe gnad  
vnd ehr / Es wirdt kein guts mangelden frommen. **HERR**  
Behaorch / Wol dem menschen der sich auf dich verlasset.  
**Was**



Apo. xij. 1.  
i. Timo. ij.

ij. Thes. i.  
Esa. lxxj  
Roma. ij.

Was schadet es allen frommen Gotsseeligen Christen/ das  
Sy von Christi vnd seines Wortes wegen etwas verlassen  
habens nichts vberal/ Ire belohnung folgt inen nach: Dañ  
die Gotseligkeit ist zu allem ding nutz/ vnd hat die verhañ-  
fung dises/ vnd des zukünfftigen lebens/ Das ist ye gewis-  
lich war/ vnd ain theur werdes wort. Sölches haben wir  
ain trefflichs Exempel an dem heiligen Steffano Actoz 7.  
Deshgleichen an den dreyen Männern im feurigen Ofen/  
Dani. 3. Item die siben Sön 2. Mach. 7. Was nützet es  
allen Feinden des Euangelions am Jüngsten tag/ das Sy  
irer Schwester der Idolatria/ so hoch angehangen sind?  
Nichts vberal nützet es inen: Dann ob sy schon ain zeitliche  
leibliche/ augenblickliche ergehung haben/ nach dem leib/ so  
verderben sy zulest damit leib vnd seel ewigklich. Wie wer-  
den Sy so kalt besteen/ wann Christus offenbar wirdt vom  
Himmel/ sambt den Engeln seiner krafft/ vnd mit feurflam-  
men rach zugeben/ vber die so Gott nit erkennen/ vnd vber  
die so nicht gehorsam sind dem Euangelio vnseres HERN  
Jesu Christi/ Welche pein leiden werden/ das ewige verder-  
ben. Darumb hab dir die wal/ vnd wele selber/ Wilt du  
lieber frid/ gemach/ ehr/ gunst/ reichthumb/ güter/ herrlig-  
keit/ hic in diser welt/ ain klaine zeit/ mit vnruigem gewissen  
haben/ wider Gott/ vnd zu lezt mit Idolatria in abgrundt  
der Hellen gestürzt werden? Oder wilt du ehe/ hic ain klain-  
ne weil/ feintschafft/ vnehr/ vor der Welt/ schaden an leib/  
gut/ vnd zeitlicher wolffart/ vmb Gottes vnd seines Christi  
willen/ dulden vnd leiden/ mit gutem Gewissen/ vnd zu lezt  
mit Christo emgeen/ ewige güter/ freud vnd herrligkeit ge-  
niesen

niessen ewigklich. Sol ich dir sagen wer dise Ydolatria ist  
 Höre ich wil dir in der Schrift anzaigen / Es ist der listig  
 Versucher / vnd schöne Teuffel / welcher Christum in der  
 Wüsten versuchet / vnd / da Er Im alle Reich der Welle / Matth. iii.  
 vnd ire herrligkait zaiget / sprach Er zu Christo: Das  
 alles wil ich dir geben / so du nider fellest vnd mich anbetest.  
 Was sagt aber Christus dazueder vorhin ain HERR war  
 Himmels vnd der Erden / Heb dich weg (spricht Er) von mir  
 Sathan: Dann es steet geschriben / Du solt anbeten Gott Deut. vi:  
 deinen HERRN / vnd im allain dienen. Wie nun Christus  
 ain Son Gottes ist / also sind alle Glaubigen auch Kinder  
 Gottes. Vnd wie Christus vom Vatter empfangen hat Matth. xviij  
 alle gewalt vnd herschafft / Also empfangen auch die glau- Psal. ii. et viij:  
 bigen von Gott / in Christo / solchen gewalt / das Sy herren  
 sind / vnd bleiben werden / in himmel vnd auf erden / Darumb  
 kan in die Welt nichts nemen: Dann Christus ist zu stark / i. Cor. iij.  
 So künden sy inen auch nichts geben: Dann es ist zuuor als  
 les jr / in Christo / das merck eigentlich wol.

Voluptas. **Wollust.**

**W**her du ellender armer Ritter / wo sind  
 deine Diener / Hoffierer / gute gesellen / Wo blei-  
 bet dein schöne gestalte / dein guter mut / panckes  
 tierñ / Wo ist dein vorige gesuntheit / lust vnd gefallen zu als  
 ler freud / Wo ist nun dein hers / mut vnd sin / zu aller zeit-  
 licher ergesligkait / Wo ist dein pracht zu weltlicher yppig-  
 keit? Ist im nit also / seyt der zeit du mich verlassen hast / vnd  
F mich

mich so liederlich vbergeben / so hast du weder freud noch  
Lutzweil mer. Da du mir aber/wie ain weltmensch/ vleissig  
dientest/ mit reimen / stechen / zechen / spilen/ tanken/ mit  
schönen freulein sangest vnd sprangest / da war dir wol / da  
hettest du auch was dein herr begert / Da war die welt dein  
vetter/ guter gesell / Yst sihet niman nach dir vmb / Bist  
gleich wie ain Einsidel oder Carthusier worden/ Dieweil du  
nit mer in sauf lebest / so helle dich yederman für ain gar-  
tenbruder / Aber es geschicht dir nit vnrecht/ klag mirs nur  
nit/ dieweil dich alle welt also verlasset vnd aufgibt/ das hast  
du dir selber zugericht/ Hast lang darnach gestrebt/ bis dir  
ain mal zutail ist worden / Hettest wol gemecher thun mö-  
gen/ Were noch zeit gnueg gewesen/ mich also zuübergebē/  
wann du alt vñ franck werest worden/ Aber on not also von  
mir weichen/ dunckt mich ain tōrichte sach sein: Dann  
dieweil du mich inn die freye schans geschlagen / So hast du  
mich nit allain erbittert vnd erzürnet/ sond alle dein gute ge-  
sellen. Waist du auch wie sy dir oft gesungen haben/ Guter  
mut ist halber leib. Yst singen sy dir/ Nimmer guter mut/  
nimmer guter gesell. Darumb geen yst dein beste gesellen  
für vber/ vnd wenden das angesicht von dir ab/ verbergē sich  
vor dir/ stellen sich nit anderst / dann als hetten sy dich jr le-  
benlang nie gesehen. Darumb lasse doch wider von deiner  
torhait/ bis nit so ain aigensinniger kopff / dem inn der welt  
nichts mer gefallen wil / Sondern geselle dich zu mir / Ich  
wil dir ain trewe Schwester sein/ wil dich ins Paradies füh-  
ren/ in ainen schönen lustgarten/ haisset Mundus / ist meis-  
ges obersten Fürsten des Lucifers Spilhaus/ komme eilents  
mit

mit mir/ist ain schöner Thiergarten drinnen/ vnd ain köstlicher Labyrinth.

## Kitter:

**W**E ain ellender jamer ist es auf Erden/ Dewiger Gott/wol ain schwerer streit ist es/mit dem lebendige Teufel selber kempfen/ Ich main das kein Teufel mer inn der Helle sey/sonder sy sind alle heraussen in der welt/vn lauffen mich an/Wie ist der Satan so vnmissig/wol hat Er so ainen grossen vortail wider mich zukriegen: Dann er nimbe all sein Hofgesind/die arge böse welt/die hehet Er hauffen weis an mich/mit spotten/verachten/lachen/hönen/verliessen/ausrichten/vnd mit allerlay schndden worten/das mirs in herren wee thut/rucket mir auf/alles was ich etwa in der jugent aus vnwissenheit vn vnuerstand gehandelt hab/Da kan Sy mir das wappen dermassen visieren vnd austreichen/das sich ainer darob verwundern mus. Dieweil ich mich aber/mein Gott vnd mein Herr/dir gar ergeben hab/mein leib in zaum zuhalten/vnd dir beger zuleben/ vnd von sünden abzusterben/ So ruff ich dich von ganzem herzen an/stehe mir treulich bey/errette mich/das ich diser Bestien nit mer zu tail werde/ Ich halt es sey ain rechte Hyena: Dann ich sag dir ewig lob vnd danck/das du mir meine vorige sünden aus gnaden verziehen hast/ vnd mich von der Welt abgerissen/ in deine zucht genommen/das ich also der welt geerentset bin worden. Hast bey mir an/sar fort/haye/stich/brenne

Hyena ist ain Thier in Egipten/das leidet ain hund raffen bey seinem namen/wie ain mensch vnd frisset in.

Augustinus:

S ij plage/

plage hie zeitlich wie du wilt / allain verschone mein dort es-  
 wiglich / Es ist doch nur alles hie augenblicklichs leiden ge-  
 gen dem ewigen. Aber o HERR mein Erlöser / mein alter  
 Adam ist schwach / Ich hab noch ain stuck von der Welle an  
 mir / mein flaisch vnd blut das krencket mich vnterweilen / vñ  
 begert in den vorigen stampff zutretten / Darumb reisse mich  
 ab von der argen wellt / sintemal Sy mir vil ergernus stellt /  
 anraiset / vnd mich bewegt / jr nachzuhotten / Sende mir  
 vom himmel deine hilff / damit ich dise mutwillige / starcke /  
 fette vnd yppige Bestia vberwinden / vnd von mir verzei-  
 ben möge: Dann sy kombt offtmals an mich / schnell vnuer-  
 warteter sachen laufft sy mich an / henckt sich mir an hals /  
 vmbfacht mich auch mit den allertlieblichsten armen / das ich  
 der schentlichen Bestien mit lieb nit kan abkommen / on deine  
 Göttliche hilff / gnad vnd barmherzigkait / Sy hat so vil  
 strick / die sy mir jmer an hals werffen wil / das ich gnug auf-  
 zusehen hab. Darumb hilff lieber HERR / das ich nit  
 von jr werde verstricket: Dann Sy mich offtmals lieblich  
 anblickt / raiset vnd locket on vnterlas.

Continentia.

Messigkeit.

psalm. xxxv.

**W**e so ainig vnd vnnutig / fromer ge-  
 trewer lieber Ritter / Las dein herz vestt hall-  
 ten / vnd bis vnuerzagt / Ich bin zu dir gesant /  
 das ich dich ain wenig vnterriechen vnd erhalten solle / damit  
 du der gotlosen Bestien nit volgest. Höre jr mit vil zu / sehe  
 jr nit nach / volge jr nit in allerwenigsten: Dann sy ist so ain-  
 fältige

fischige Bestia / das wo man Sy leicht ain wenig stupffet / so  
 gumpet sy / Man mag jr leicht ain wenig hosiern / so wil Sy  
 tanken. Wer aber mit jr wil hupffen vnd springen wil / den  
 füret vnd felleet Sy bald in ain gruben / darinnen ainer bald  
 verdirbt / vnd nit mer leichtlich herauß kan kommen / Volge  
 jr in kainen weg / sondern volge dem heiligen Petro / der sel-  
 big haist dich aus Gottes beuelch / das du mir nach solt vol-  
 gen / da Er vnter anderm also sagt / Seyt messig vnd nüch- *i. Petri iij*  
 tern. Vnd der heilig Paulus spricht dergleichen also / Laß *Roma. xij*  
 set vns ablegen die werck d' finsternus / vnd anlegen die was-  
 fen des liechto / Lasset vns erbarlich wandeln / als am tag / nit  
 in fressen vnd sauffen / nit in Kammern vnd vnzucht / nit in  
 hader vnd neid / Sonder zihet an den Herrn Jesum Christ /  
 vnd wartet des Leibs / doch also / das Er nit gail werde.  
 Item zu Coloffern am 3. Tödtet nun ewre glieder die auf  
 Erden sind / hurerey / vnraimigkait / lüste / böse begird / vn-  
 keuschait / vnd den geiz *ic.* Also lernet Er dich deinen al-  
 ten Adam im zaum zuhalten / zu Ephesern am 4. zu Rö. *i. Petri iij*  
 am 6. Ca. Also spricht auch der heilige Petrus / Es ist ges-  
 nug / das wir die vergangne zeit des lebens zubracht haben  
 nach Haidnischem willen / da wir wandleten in mutwillen /  
 lüsten / trunckenhait / freßerey / saufferey / vnd grewliche ab-  
 göttereyen. Also spricht auch Paulus / Gott hat die zeit *Act. xxij*  
 der vnwissenhait vbersehen oder verschonet / Nun aber ge-  
 beut Er allen menschen an allen enden busz zu thun. Was ist  
 aber Busz thun anderst / dann von den vorigen Sünden ab-  
 treten / vnd sich in ain new Gottselig leben zubegeben / Sich  
 mit Christo creuzigen lassen / im Grab mit jm ruhen / Gott

Esai. lvij:  
Zeb. iij:

still halten/ vnd In mit dir machen lassen/nach seinem väterlichen gefallen. Das ist dann die recht Christlich feir/da du von sünden absteest/ ruceest vnd feireest. Das ist auch die recht Christlich Fasten/vmb Gottes willen ain abbruch leiden/hunger/kummer/durst/frost einnemen / vnd mangel haben. Da die weltkinder dagegen im sauf vnd aller yppigkait schwelgern / wie ain wildes Schwein / in allem vnflat/ Wie der Reiche Man Luce am 16. Vnd dargegender arme Lazarus hunger vnd kummer leiden muste. In summa/ Wer von wegen des wort Gottes mit Christo in die wüsten geführt wirdt / den wirdt Gott wol speisen werden.

Joha. vi:

Inobedientia.

Ungehorsam.

**S**ch sihe dir an deiner gestalt an/ trawri-  
ger lieber Ritter / das du ain nagenden wurm hast/  
Du bist mittler der vorige fröliche vnd stolze Rit-  
ter/ Deine augen sehen ganz trüb/ deine wange blaich/ deine  
har wellen graw werden/ hast vil kirchoffblumen drinnen.  
Aber ich kan wol erachten was dein anligen ist: Dañ du bist  
yenit so alt/ als dich deine hessliche gestalt machet / Sonder  
das wirdt endlich sein / das du so ain gehorsams Sönlain  
worden bist deines Euangelions. Was zepchst du dich aber  
selber/ das du mir nit mer folg thust/ Bist mir gar mit ein-  
ander vngheorsam worden/ Du volgest dem allerheiligsten  
Vatter dem Babst nit mer/ Du verlassest die Mutter der  
Christlichen Kirchen/ die heiligen Concilia / die frommen  
Vätter/ vnd dem ganszen heiligen Babstum wider sprichst  
du,

du. Wainst du auch/das ain geringe sach sey: So vil heiliger leut verachten: So vil Mandaten der Römischen kirchen vngehorsam sein? Sihe/vomb deines grossen vngehorsams willen/kombst du inn den allerhöchsten Ban/ Man wirdt dich zulezt in die acht thun / dich bannen vnd vermaldeien. Wilt du so vil Cardinal / vnd den ganzen Geistlichen Stand vber dich laden / das Sy wider dich handeln müssen/vor Gott vn aller welt/ als vber ain vngehorsams kind der Christlichen kirchen / Du bist ain abgeschnittens verdorbens vnd verfaulets glid worden/ Man hat dich schon dem Teuffel vbergeben mit Bannen. Wainst du das so vil heiliger leut/ so vil hundert Jar her/vnrecht geleert/glaube vnd gehandelt haben/Vist du allain der wigigest/der geleertest vnd der heiligest. Wainst du vnser liebe Eltern seyen zum Teuffel gefaren? Solte die ganz Christenheit so lang Geirret haben? Die Christliche kirch kan nit irren. Du aber kanst wol irren vnd vngehorsam sein/ Darumb kere wider zur kirchen/vnd laß dein vngehorsam faren. Sihest du nit / wie souil feiner gewaltiger vnd geleertter leut bey der Römischen kirchen steen/vnd daran hangen. Wer ist aber in eur neuen Euangelischen kirchen anderst/dann hailose verdorbne/vnd liederliche leut/der gemaine pöfel. Derhalbent laß deinen tollen aigensinnigen kopff fallen/ Vnd gedeneck der sachen baß nach / so wirdst du haben frid vnd gemach: Dann man wirdts in die lenge weder leiden oder dulden können/ das du in disem deinem vngehorsam verharren wilt/Vrsach/dein vngehorsam gibt raum vnd fug/ andern willen/der Christlichen kirchen vngehorsam zusein: Dann  
Pfaffen



Pfaffen / Mönch vnd Nonnen / oberheben sich deines vns  
gehorsams / werden mir abfellig vnd widerspennig / lauffen  
aus den Elöstern / verlassenden gelobten gehorsam / nemen  
männer vnd weiber / macheft vil Elöster öde vnd wüft / Der  
heilig Gottsdienst kombt inn verachtung / das niemant mer  
will Pfaff / Mönch vnd Nonne werden vnd bleiben / Ir seit  
rechte Hussiten worden / O der Türck wirdt kommen / vnd  
wirdt euch mores leeren / vnd eurn vngheorsam straffen.

## Ritter.

**D**as kan mir abermal ain kōner / dürstiger  
stolker Teuffel sein / der das maul nit gnueg wider  
mich aufsperrn kan / Wol ain lügenhafftiger  
gaist / wie schemet Er sich so gar nichts / dürstiglich redet er  
greiffliche lügen / Zeycht mich das yemige / das Er selber ist  
vnd thut. Nun erfare ich mit der that / das war ist wie Chris-  
tus sagt: Wann der böß gaist vom menschen aufsert / so  
nimbt Er hernach sibn Gaister zu sich / die erger sind dann  
Er selbs. Also geets auch schier mit mir zu / Das ist yet der  
fünffte Teuffel der mich listiglich anlaufft / Ich glaub aber  
genßlich / das noch wol fünff / vnd aber fünff vorhanden seyn  
en / es ist wol ain sölech nusterñ vnd gereusch vmb mich. All-  
mechtiger Gott wo sol ich hin / Wan wills doch ain mal ain  
end haben / Ich wais schier nymmer wo hinauf : Dann der  
Teuffel ist listig / trifft mir vnterweilen das lebendig / Sagt  
daher / das etwa gleich ain schein hat der warhait. Ich bes-  
kennemich / das ich dem Satan nit geschickt vnd glerit gnug  
bin /

bin / Er macht mir des krummens so vil / das ich schier nit das  
durch kan kommen / Berede Er meine widersacher solches /  
wie Er vor mir geiffert / so bin ich des Tods aigen: Dann  
glauben vnd halten Sy mich für ain solchen vngheorsamen  
menschen / wie mir der böse feind zuredet / so ist's mit mir aus /  
So werden sy mich alle plag anlegen / vnd mainen / sy thuen Johan. xvi:  
Gott ainen dienst daran. O Gott mein Herr / komme mir  
abermal zuhilff: Dann ich leide freuel vnd gwalt / Berant-  
worte mich / tröste vnd stercke mich in meiner gerechten sachs-  
en / vnd erledige mich von diser wilden Stuten vnd Panter- Panthera ain  
wild gefleck  
Thier in hit  
canis.  
thier.

Obedientia.

Gehorsam.

**W**AS höre ich da für ain jämmerliche klag /  
wer ist wider dich / mein frommer treuer Ritter /  
Lassest dich die verdambte gotlose Inobedientiam  
also betrüben / kereß dich an jre giftige / neidische / zornige /  
rachsige wort / Kenst du dann den Teuffel nit / wie Er die  
zeen bleckt / wann man in gus der ban treten wil / Lerne sein  
giftige zeen kennen / wann Er den Rachen aufsperrt / vnd  
stellet sich als well Er dich verschlucken / Aber Er kannit  
mer dann zeenblecken / beissen kan Er nit / Bisach / Christus  
dein Herr hat in vberwunden / durch seinen gehorsam / den  
Er dem Vatter gelaißt hat / Las dich nit so bald erschreck-  
en / Er rhümet vil / du seyest dem Babst / Cardinälen / Con-  
cilien / Vätern der Kirchen. abgefallen / vnd vngheor-  
sam worden / Frag in aber wer der Babst sey? So mus Er  
G ye bes

ne bekennen/Er sey ain Mensch/ vnd nit Gott/wie Er sich  
 rühmet. Was ist aber ain mensch? Haisse dirs David sa-  
 gen/der spricht/ Dimnis homo mendax. Sind dann nun die  
 menschen lägner? So ist der Pabst hie nit aufgenommen/  
 Wer wil im dann trawen vnd glauben/ wann er Statuten  
 ordnet/ setzt vnd gebeut etwas aus aignem durst/on Gottes  
 wort vnd beuelch. Was sind die Concilia? wo Sy etwas  
 schliessen on Gottes wort. Was ist die Kirch/wo sy nit an  
 frem haubt Christo bleibt/ vnd Im den höchsten gehorsam  
 laisset. Dagegen was ist Gott? David sagt/ Er sey war-  
 hafftig. Nun wer kan hie irren vnd feelen? Ain mensch/der  
 ain lägner/falsch/ vnd betrüglich ist/ Oder Gott/ der die  
 ewig warhait selber ist: Wem soll man nun billich volgen?  
 Wem kan man hie gewisslich vertrawen? Warlich Gott  
 dem Herrn selber/nach seiner Göttlichen warhait/billicher  
 dann den betrieglichen menschen. Hicraus volgt nun/das  
 man Gott mer gehorsam sein mus/dann den menschen Act.  
 am 5. Folge ich nun Christo/Gott meinem Herrn / seinem  
 wort/ der ewigen warhait / so volge ich der rechten Christ-  
 lichen Kirchen/den rechten glaubigen Vätern/Patriarche-  
 en/Propheten ꝛc. Folge ich nun der selbigen Kirchen Gots-  
 tes / so bin ich ne der Christlichen Kirchen nit ungehorsam/  
 sonder bin wol dem widerchrist ungehorsam/das ist aber vor  
 Gott der höchste gehorsam/Vnd bin/vnd bleibe also im ge-  
 horsam der heiligen rechten Christlichen Kirchen. Diueil  
 dann dem allem also ist/vnwiderprechlich/ So laß dich nit  
 schrecken/ob du schon von solches ungehorsams wegen ver-  
 folgt must werden/ Ob man dich schon in Damm thut: Dann  
 Gott

Gott spricht/Er welle segnen vnsern fluchen. Vnd an ai- Malachie. 3.  
nem andern ort/ HERR/ fluchen Sy/ so segnest du. Item/ Psalm. cix.  
Wer euch antastet/ der tastet meinen augapffel an. Darumb Zacha. 3.  
vnerschrocken: Christus spricht/ das wir die nit sollen fürch- Matth. 23.  
ten/ so den leib können tödten. Item/ Seelig seyt jr/ spricht Matth. 23.  
der Herr Christus ferner/ Wann euch die menschen vmb  
meinent willen schmechen vnd verfolgen/ vnd reden allerlay  
vbels wider euch/ so sy daran liegen/ Seyt frölich vnd ge-  
trost/ es wirdt euch im Himmel wol belonet werden: Dann  
also haben sy verfolget die Propheten/ die vor euch gewesen  
sind. Da fasse disen Trostspruch vleissig vnd wol. Erste-  
lich bistu selig/ wann du schmach vñ verfolgung leidest vmb  
der warhait willen: Dann die Welt leugt daran/ sagt der  
Herr. Zum andern/ so haist dich Christus frölich vnd  
getrost sein/ Wann dich aber d. HERR haist frölich sein/  
warumb wolest du dann traurig sein? Zum dritten/ solt  
du nit vmb sonst dulden/ jr schmach vnd schaden/ Sonder  
es solle dir wol belonet werden/ Wo nicht hie auf Erden/  
doch entlich im Himmel. Zum vierdten/ So bistu nit allain  
so solches leidet/ sonder du hast auf deiner seiten zum vortail i. Petri 3.  
vil frommer heiliger Propheten/ treffentliche grosse heilige  
Leut/ die haben ain zeitlang/ von der vermainten Kirchen  
solches auch leiden müssen: Als sonderlich herhalten muste  
der heilige Steffanus Actoz 7. Der heilige Iacobus Act.  
12. da die vermainte Kirche Sy felschlich verklagte/ vñ hin-  
richten ließ. Wie ergieng es dem heiligen Propheten Hie-  
remia/ Amos/ vnd dergleichen? dise alle mussten vngheorsam  
vnd aufrärsch sein/ Kecker vnd abtrinnig von der Kirchen.

Aber yst sind sy an der warhait/in grosser freud/Dagegen  
aber ire feind an der lügen/in ewiger peen vnd straff. Also  
kombst du an die zal der heiligen Propheten/kombst weit  
hinfür/zufoderst vnter dem himelischen Hofgesind/wirdst  
ain hoher trefflicher Ritter im Reich Christi sein/Was neh-  
mest du wol nit dafür am Jüngsten tage? Aller Welt güter  
nemest du nit dafür/gegen solchem trefflichen Himlischen  
schatz/der dir ewiglich bleibt. Das ist dann der grosse schad-  
den dir die Welt thun kan/ Sy fädert dich bester mer das  
durch gen Himmel/ Erhebt dich nur deste höher ins Him-  
melreich. Darumb frölich vnd getröst/ das Reich mus vns  
doch bleiben/ Tross dem Teuffel vnd der ganzen Welt.

### Præsumptio. Vermessenheit.

**D** hinaus Ritter gut/wo bleibt dein  
stolzer müß/ vnd weltliche freud/kurzweil/  
vnd der jrdische hochmut/Wer hat dich als  
so gedemütiget/traurig vnd vnmütig ge-  
macht. Wer hat dir ain solch Joeh aufgelegt/das du so zer-  
mig vnd messig bist worden? Hierinnen lob ich dich nit we-  
nig/das du dich des weltlichen prachts abthust/das du als  
lerlay yppigkeit diser welt vbergeben hast/ Vnd bedenckst  
nun fortan/nit was dem leib wolthut/wie vorhin/sonder  
was der Seelen müßlich vnd fädertlich ist: Dann du bist yst  
vberaus ain feiner waidlicher Christ worden/ain rechter  
aufbund vor andern/Du bist nit wie die andern/Panck ethie-  
rer/Hoffierer/seuffer/spiler/rauber/hurer/ Eigest nit wie  
welle

wellkinder/tag vnd nacht in allem lude. In summa/du  
bist außdermassen fromm worden/ ain rechter lebendiger Hei-  
lig/ Gott solte dich billich krönen/ alle Engel solten dich auf  
den henden tragen/ Die Erd darauf du geest/ ist nit werd  
das sy ainen solchen frommen Man tragen soll/ Du werest  
werd/ das du auf eitel Rosen im Paradies selber geen sol-  
test/ Es ist immer schad/ das die verfluchte welle umb dich sein  
soll/ Sy ist nit werd das du mit jr reden sollest. Ach/ wann  
solcher kinder Gottes vil auf Erden weren/ so regnierte nit  
sonil plag vnd vnglück darinnen/ Gott wirdt dir umb deis-  
ner frömbkait willen / nit allain nur den schlechten Himmel  
geben/ Sonder wirdt dich in der höchsten Thron ainen setz-  
en/ neben die allerheiligsten Leut im Himmelreich/ Darumb  
komme mit mir auf die Zinnen des heiligen Tempels / lasse  
dich auf vnd ab / es widerfert dir kain laid / du kanst nit hart  
fallen: Dann du fellest nur auf dein frömbkait/ heiligkeit vñ  
gute werck/ Die lieben Engel tragen dich auf den henden/ es  
kan dir kain laid widerfaren. Wolauf/ wir wellen mit vn-  
sern aignen flügeln ober sich bis an Himmel faren/ Ich will  
mit dir faren/ volge mir/ es sol dich nit gerewen/ Was wilt  
du hieniden in der tieffe aufrichten / es siber dich niemandt /  
Schwinge dich ober sich/ thu ain mal ain that / so wirst du  
gerhümet/ so kan dich yederman loben vnd preisen: Dan ain  
solcher dappfer Kerel / vnd frommer heiliger Man/ der ist bey  
Gott wol dran/ in grossent ansehen seiner heiligkeit/ vñ gu-  
ter werck halben: Dann du thust vil vnd grosse thaten/ du  
hilffst das Himmelreich gewaltig mehren/ Wann du nit wes-  
rest/ so wer die Welle toll vnd blind/ Aber Gott siber deinen  
G iij verdienst

verdienst an/dein kunst vñ geschickligkait gillt vil vor Got/  
darumb lasset Er die welt nit vntergeen/Dein grosses all-  
müsen/hilff vnd steur der armen leut/ so du jnen so reichlich  
erzaigest/das ist giltig/vnd in grossem ansehen vor Gott.  
Jnn summa/deins gleichen ist nit jnn der gangen Christen-  
hait/ Du bist der fürnemeist im Himmelreich/darumb thue  
dich herfür/vnd setze dich zu foderst an/ dann deines gleichen  
ist nit auf Erden/Du bist ober den Enoch/du bist ain rechter  
morgenstern/alles himilisch heer sibet dich gerü/ Du wirst  
zu lezt in den obersten Thron im Himmel erhaben werden.  
Darumb folge mir nach / ich wil dich bey zeit hinauf für  
Gott selber führen / damit sich Gott ergehe an deiner heilige-  
kait/alles Himilisch Heer wartet/vnd freuet sich deiner zus-  
kunfft.

## Ritter.

**R**etlicher Gott vom Himmel/komme mir  
armen Sünder abermal zuhilff/ Wie ain heele  
linde/zarte Bestia ist an mich kommen/ Sibet  
wie ain Camel/begert ich sölle auf Sy steigen/  
vnd ob jr reiten/damit sy mich dester ehe kündte abwerffen/  
vnd den hals stürzen. Sy schleicht mir so tieff in mein hert  
vnd gmüt/damit sy mich ye gedenckt hoch vber sich zu fürn/  
Sy ist vber ain Adler/so hoch kan sy fliegen. Darumb vol-  
ge ich jr/so wirdt es seer ferlich vmb mich stehen/ Wolg ich  
jr nit/so helle niemant nichts von mir/ yederman verachtet  
mich/ vnd helle mich für ain ainseltigen schlechten menschen/  
en/

en/der ich in der welt vor andern nichts sey noch gelte. Darumb mein H. E. X. I. Jesu Christe/kome mir zuhilff/regiere vnd laite mich mit deinem heiligen Geist/ Verleihe mir ain rechte ware Christliche diemut/dadurch ich in der nidrigkeit bleibe verharren. Beware mich vor disem stolzen greiffen/das Er mich nit vbersich fure/Vñ wann Er mich am aller höchsten in die luffte hinauf furet / mich schnell vnuersehens fallen las / stürze mich alsdann herab / vnd werffe mir den hals ab. O H. E. X. I. nimm mich vnter deine flugel/das mich diser Arbey mit seinen klawen nit ergreiffe.

Humilitas. Diemut.

**R**onne eilents herab / lieber Ritter/wo wilt du hin klettern/wem steigest du da nach? Ich main du woltest dich gern in gfar geben. Sprach am 3. ca. sagt / Wer gfar liebe/der verderbe zuletzt drinnen/Darumb wirdstu dich hie bald verffigen haben. Waiss du nit/das die am aller tieffesten fallen/die am höchsten steigen. Wer auf dem Sail wil gehen/da Er ain gute Erden hat/felle leichtlich/ Felle Er dann vñ bricht ain bain ensway/so spottet yderman sein/vnd geschicht jm auch recht:Dann Er hats also haben wellen/jm geschehe wie Er begert hat. Darumb eilents herab/vnd komme zu mir/deiner trewen Schwester/ Halte dich nahet an mich/damit ich dich wol fassen vnd halten könne / es thut seer not. Falle aber nit schnell herab / dann du hast ain gute stiegen vor dir/ halt dich wol an/las dir der welt / Ledige dich fein sauberlich von



Luce xxij.

vonder Bestia/die dir zwischen die füß kommen ist/damit sy dir kein bain schrencke. Ach Gott/das sind nit Reitros für dich/gehe jr müßig/ In der wellt ist's wol der brauch/Wer zu Hof wol dran wil sein/hoch vnd theur gehalten wil werden/der muß sich wartlich hinfür thun/auf hohen Hengsten reiten/vnd vil Ros hinden vnd forne haben/ so gilt er etwas vnd wirdt hoch gehalten. Aber in vnserm himlischen Reich gehet es anders zu/ Wer der höchst im Himmel sein will/der muß der aller niedrigst werden / jedermans Knecht sein / vnd dienen. Komme mit mir/ich wil dir zaigen/añ meines Herrn Hof/das die aller teuresten/werdesten vnd liebsten Ritter am Hof / zu fuß einher gehen / hat etwo kainer kain stüffel / oder sporn an/ Ja Sy geen wol etwa durch eitel dorn/man achtet des weltlichen geprengs nit añ vnserm Hof. Darumb welcher Ritter wol dran wil sein/hoch vnd theur geachtet werden / der halte nur gar nichts von seiner Ritter schafft / treib kain stols noch hoffart / vberhebe sich nit im dem aller geringsten: Dann wer bey vns erhöhet will werden/der die müttige sich auf das aller niedrigest. So sihe nun auf/vñ kommen wir wider zur Himmels pforten/ Sihest du dort das klain/eng/niderig thürlin/welchs dort zur rechten offen stehet / wilt du mit mir hinein / so must dich wol ducken/allen stols vñ hochmut von dir werffen: Dañ mit solchen Pfawenfedern / vnd Bockshörnern kanst du nit hinein kommen/ Leg alle deine Bettel sack von dir hinweg / darinnen du die partacken tregst aller deiner frömbkait vnd heiligkeit / man wirdt dich sonst nit hinein lassen geen/dein stolkes klaid / das mit du angezogen bist / must du ablegen / es ist nit die rechte hoffart

Matth. xx.  
Luce xvij.

Matth. vñ.

hoffarb dises Herrn vnd Königs. Dort ligt ain schlechtes  
Köcklin/ das ist die rechte Hoffarb / welches haist die vn-  
schuld Christi. Derhalben leg eilents dises klaid Christi *Gala. iij.*  
an / in welcher die Hoffarb eingeneet ist/ vnd der Reim das  
rein gemacht / der haist/ Durch vil trübsal müssen wir ein- *Act. xij.*  
geen in das Reich Gottes. Lerne hie mit aigner erfahrung/  
das / Wer sich selbs ernidriget/ der wirdt erhöhet werden / *Luce xij.*  
Vnd wer sich selbs erhöhet der soll ernidert werden/ Der  
halben habe achtung auf die Gaister: Dann es sind zwayer *i. Joha. iij.*  
lay Gaister/welche die menschen erhöhen/ Der erste gaist/  
ist der heilige Gaist/welcher ain sondere art/weiß vnd aigen  
schafft an im hat/die seinen zu erhöhen/Wann Er dich will  
erhöhen/vnd gen Himmel führen / so thut Er solchs nit von  
stundan/sondern Er füret dich zuvor in die hell/in die tieffe/  
nidere/ in todt/Creus/in allerlay vnglück vnd plag / Vnd  
wann Er dich tieff genug darein geführt hat / das du dich wol  
erkenntest/vnd waisst wo vnd wer du bist/ so kombt dann der  
heilig gaist / vnd so tieff Er dich zuvor hinunter hat geführt/  
so hoch füret Er dich wider vbersich vom Creus / in freud/  
Vom Tode ins leben/aus der Hell in den Himmel / vnd auß  
der verdammuß in die ewige seligkait. Darumb singet die *i. Reg. ij.*  
fromme muter Samuels rechte vnd wol/ Der Herr tödtet  
vnd gibe das leben/füret in die hell vnd wid herauf/Solchs  
es nur/kan/vnd thut der heilige gaist. Darumb lerne seine  
weiß wol erkennen / so ist dir nit so frembd / wann erß also  
mit dir farnimbt/vnd ain ersten das widerspil erzäigt.  
Der and gaist aber/ist vbose Gaist /welcher Christum/vn-  
ser haubt/erstlich hoch hinauf/auf die zinnen des Tempels/ *Matth. iij.*  
H mit

mit grosser heiligkeit vnd andacht/ füret. Darnach auch  
auf ainen seer hohen Berg/mit grossen pracht vnd herrlig-  
keit/ damit Er jm gerü von dannen den hals gestürzt hette:  
Dann es ist ein sondere weis vnd monier/ das Er den Men-  
schen bald am ersten hoch vbersich füret / auf das Er in de-  
ster tieffer herab möge werffen. Er füret dich nit drumb in  
die höhe/ das er dich droben welle lassen / sondern das du mit  
jm aus der höhe ainen Lucifarischen fall thuest/in abgrunde  
der Hellen. Herwiderumb / der heilig Geist füret dich nit  
darumb am ersten mit jm inn die tieffe vnter das Creus / das  
Er dich darinnen welle stecken vnd verderben lassen/ sonder  
das Er dich mit jm vbersich schwinde gen Himmel / droben  
bleibest ewiglich. Darumb weele hie / mit welchem geist  
wilt du lieber faren? Hab dir selber die wal. Darumb wann  
dich der heilig Geist angreiffe / vnd dich in seine Schul fü-  
ret vnter das Creus/ das Er dich vnter das kalt Eys ducken  
will/ So bleib inn ainer feinen diemut / steige alsdann auf  
mich/will dich nider gnug tragen/du solt nit harzt fallen:  
Dann ich trage dich darumb so herzlich vnd treulich / sihe  
auch gern wann dich der heilig geist auf mich setzet: Dann da  
kannst du dester bas erhalten werden / das du der hofferigen  
vermesnen Præsumptio nit zutail werdest/ Gott der Him-  
lische Fürst thut dirs zu gut / das Er dich also diemütiget/  
damit du dich nit in deiner frömbkeit / deines glaubens vnd  
guter werck vberhebest / vnd der gnaden nit achtest: Dann  
die sich auf ire verdienst verlassen / die achten der gnaden  
nicht/ spricht der Prophet Jona am 3.ca. Inn summa/es ist  
ain ferliche Bestia/die Præsumptio/ Sy hat manchē stolze  
Ritter

Kitter darnider gestürzt / Wo sy vberhand nimbt / da treibe  
Sy alle tugent vnd gaben Gottes aus / es sey in gaislichen  
oder pollitischñ sachen. Derhalben bleibe in der forcht Got-  
tes / vnd diemütige dich vor Gott deinem HERRN allzeit /  
Ich Humilitas will dein fusschemel vnd ploeklein sein / da-  
rauff steige wann du wilt erhöhet werden / vnd vber ander *Luce xix*  
Leut erhaben sein. Steige mit Zacheo auf ainen nidern  
Baum / d ain Maulbeerbaum ist / so kanst du Christum vor  
dem andern volck in der nehe sehen / vnd in der nidere erkens-  
nen / Steig auf kainen Ederbaum in Libano: Dann die fels-  
bigen Beum sind zu hoch / vnd der Berg zuferne / vnd dem  
himelischen Jerusalem. Christus dein HERR vnd König  
ist darumb nit auf ainem raisigen Pferd / mit ainem grossen *Matth. xxi*  
reisigen zeug zu Jerusalem prechtiger weiß eingeritten / son-  
der auf ainer schlechten Eselin / nit auf ainem hohen mit sa-  
mat bedecktem Maulesel / wie etwa grosse herrn diser welt.  
Also sollen die seinen jm auch nachreiten / auf das aller die-  
mütigest / so werden Sy mit Christo zulezt erhaben / vnd als *phil. ii*  
nen Namen vnd Titel erlangen / der vber alle namen ist auf  
diser Erden. Darumb so halte vestt an der diemut / vnd reite  
nit auf der yppigen Superbia / welche hinden vnd fornen  
auffschlecht vnd gumpet.

Harefis.

Kezerey.



Wber Euangelischer Man / wann  
wilt du ain mal die sach recht angreifen / Du  
fürest den namen des Euangelions wol mit  
worten / aber in der that bist du noch fern das

H ij uon /

uon. Ach Gott deines Euangelions/wol steckest du noch so tieff in der finsternuß/Wie hast du noch so ainem flaischlich en verstandt der Schrifft / das Euangelion ist noch bey dir nie recht an tag kommen / Aber ich weiß wol/waran es dir feelet/deine Prediger sind flaischprediger / heuchle noch immer zu dem Bapst/wellen die hend nit verbrennen: Zuech mit mir inn mein Land / da wirst du recht vom Euangelio hören predigen/Du ligst noch zu hart auf dem tödtlichen buchstaben/du mußt dich im gaisst vbersich schwingen / vnd recht in die tieffe der Gottheit sehen / da wirst du nur ain ainig Göttlich wesen/herrligkeit vnd Maiestat finden. Gott/der ain ainiger Gott ist/gibt sein Ehr kainen andern / Mainst du das Christus Gott sey/Er ist wol Gottes son/vn wurde inn der Schrifft Gott genennet / aber es hat vil ain andere mainung / du hengest dem Buchstaben zu vil nach / der betreugt dich/Volgemeiner Bloß / die ist der rechte lebendig machend gaisst. Zum andern/ Mainst du das Christus ain warer mensch von Maria geborn sey/ Ach nait/woltest du ain geschöpf aus der waren menschait Christi machen? Sein leib ist vom Himmel kommen/ auß der Substanz des Vatters. Zum dritten/So ist Christus nit mer hiend in auf Erden/Er siset zur rechten Gottes im Himmel droben/Darumb ist Er nit im heiligen Abendmal des HERN. Aber damit ich dich nit mit vergeblichen worten zulang halte/hab achtung auf dise meine wort / so will ich dich bald weiter bringen / Ich hab ainem ganzen sack vol newer leer/die will ich dir alle offenbaren vnd mittailen. Darumb gehe der Lutherischen Duben müßig / sy verführen dich / machen  
amen

ainen halstarrigen Kezer aus dir / Sind mir bitter feind /  
 geben mir seltsame Namen / haissen mich Arrianer / Kottens-  
 gaist / Schwermer / Widertauffer / vnd ich sey ain newer  
 Eutiches / Darumb volge mir / kere dich nit an Sy / können  
 nichts dann nur schmehen vnd schenden. D wann Sy nit  
 weren / wie wollt ich allenthalt so lieb vnd werd sein / Aber  
 da beschreyen sy mich vberal / kan nindert vor jnen hinkom-  
 men / Hüte dich / hüte dich vor jnen / das rate ich dir treulich.  
 Folge mir / ich bin sanfftmütig / gib keine / gute / süsse / lieb-  
 liche wort / vnd stelle mich freuntlich gegen den meinen / vnd  
 den ainfeltigen / so ich hoff zugewinnen.

## Kitter.

**S** Allmechtiger Gott erbarme dich mein /  
 wie ain giftige Schlang ist der Sathan / wie  
 mancherlay pfeil hat Er / die gedencke Er alle in  
 mich zuschiessen / damit er mein hertz verwunde /

Wie schwer vnd sehrlich ist es in diser letzten zeit / da d Teu-  
 fel allenthalt sein höchstes versucht. Wie kombis doch  
 ymmermer / das mir armen Sünder der Sathan also heff-  
 tig zusetzt / so vleissig auf mich lauret / vnd bitter feind ist.

Was ist doch dis für ain greulich Thier / Ich main es sey ain  
 Hydra / hat wol so vil seltsamer Köpff am leib stehen. D  
 Herr Jesu Christe / erhalte vnd errette mich mit deinem hei-  
 ligen Gaist / damit ich von deiner warhait / der rainen Leer  
 des Euangelions / nit abgewendet werde / Amen.

Hydra ist ain  
 Schlang mit  
 vil haubtern /  
 vnd so aines  
 abgehawen  
 wird / so wach  
 sen ande mer  
 an die stat.  
 Est figmentū  
 Poeticum.

**W**acht mein fromer lieber Ritter/ mit  
 wem du redest vnd handelst: Dann die dein aller  
 besten freundt sein wollen/ die sind deine aller ergo  
 sten feind/ Sihe/ das dir nit har vnter woll geschlagen wer  
 de. Wille du Euägelisch sein/ v' Zensel kans im schein auch  
 ain zeitlang sein / Wille du geleert sein/ vnd dich mit ernst  
 der Schrifft annemen / Der Fürst diser Welt kan auch  
 mit d' Schrifft vmbgehen/ Er ist ain seer geleerter Doctor/  
 Sihe dich wol vor jm für: Dann Er macht dich sonst alls  
 zu vil Euangelisch / Du sihest wol wie Er dir zusetzt / wie  
 neme Er dir deinen Christum so gerü aus deinem herzen/ es  
 ist jm alles vmb den ainigen Christum zuthun/ Wan Er dir  
 denselbigen abdringt / dich darumb bringt / so ist alles aus/  
 so bistu ganz vnd gar verlorü. Derhalben bleib bestendig/  
 stehe steiff vnd vestt auf deinem fels/ Christo deinem Herrn/  
 Hallt vestt an seinem wort / laß dir dieselbigen nit felschen  
 oder glosierü/ Kere dich nit an die schentliche Heresis / Sy  
 ist ain seer giftige Bestia / hat drey wunderbarliche Jag  
 hund bey Jr / damit Sy dich in jr garü treiben wil. Der  
 erst greuliche hund hat ain groß bellen/ haiffet vnglaub. Der  
 ander ist ain Laithund / haiffet Fürwis. Der dritt ist ain  
 Jaghund/ haiffet Vernunfft. Dise drey treiben dich lieb  
 lich zu der Heresin / die verschlickt dich in ainem huy. Hal  
 te dich an deinen Catechismum / hallt auch vestt an den Ar  
 tickeln vnser heiligen Christlichen Glaubens/ Vnd bleibe/  
 als ain ainseftiger / bey dem ainseftigen wort Gottes.

Christus

Christus warer Gott vnd mensch/ ist dein ainiger Erlöser/  
Seine heilige Sacrament hat Er dir zu gut vnd nutz ver-  
ordnet vnd aufgesetzt/ Seinen waren leib hat Er dir im heil-  
igen Abendmal/ dazue sein theures blüt zuniessen vñ zuems-  
pfahen verordnet/ zu auffenthaltung des ewigen lebens/ da-  
bey bleibe bestendig/ vnd lere dich nit an die spizigē fürwitz-  
gen köpff. Darumb lasse dich nit irr noch abwendig mach-  
en/ mit sölichem vnd dergleichen schein/ Sy seyen Euange-  
lische Leerer/ Sy predigen Christum/ Schweren theur dar-  
zu sy habenden gaist Gottes/ Beruffen sich auf das Jüngst  
gerichte/ Verfolgen vnd widerstreben auch den Secten/ wie  
die Juden den Christen widersprechen. Der heilige Pau-  
lus warnet dich treulich vor jnen Acto. 20. Aus euch selbs/  
(spricht Er) werden aufstehen Männer/ die da verkerte leer  
reden/ die Jünger an sich zuziehen. Item 1. Thes. 5. Prü-  
fet alles/ vnd das gut behaltet. Item der heilige Johannes  
1. Joha. 4. Glaubet nit ainem yslichen Gaist/ sondern prü-  
fet die gaister/ ob sy von Gott sind. Item Christus Mat-  
thai am 7. Sehet euch für vor den falschen Propheten.  
Derhalben hab grosse achtung auf die stimm deines Hirtens/  
als aines rechtschaffnen Schefleins Christi/ vnd volge dem  
Wolff vnd Mietling nit nach. Joha. am 10: Dann d Sa-  
tan kan sich verstellen in ainen Engel des liechts. Darumb  
ist es nicht ain grosses/ ob sich auch seine Diener verstellen/  
als Prediger der gerechtigkeit/ Welcher end sein wirdt nach  
jren wercken in der 2. Epistel zuñ Corinthern am 11. Cap.  
Item in der 2. Epistel zuñ Cor. am 2. Ca. Wir sind nit wie  
etlicher vil/ die das wort Gottes fellschen/ Wir gehen auch  
nit



mit mit schalckheit vmb / fellschen auch nit Gottes wort. 2.  
Cor. 4. Item zuñ Römern am 16. Ich ermane euch lieben  
Brüder / das jr auffsethet auf die da zurtrennung vnd erger-  
nus anrichten / neben der leer die jr gelernet habt / vnd weich-  
et von denselbigen: Dann solche dienen mit dem H&X&N  
Jesu Christo / sonder jrem bauch / vnd durch süsse vnd prech-  
tige rede / verfüren sy die vnschuldigen herzen. Solche vnd  
dergleichen Göttliche warnungen / werden dir darumb so  
vleißig fürgehalten / auf das du dadurch gerüstet vnd ge-  
sterckt werdest / wider die grosse ergernus / der Spaltung  
halben in der Christlichen Kirchen: Dañ ob schon der Sa-  
tan vil Kottengaußer erweckt vnter dem schein des Euan-  
gelions / so wirdt darumb die reine leer von Jesu Christo nit  
vnrecht sein / Der böß feind wolte dir das Euangelion ver-  
tunkeln / vnd verschlagen / mit souil vnd mancherlay Köt-  
terey / auf das Er dich jrr möchte machen / vnd anffengst zu-  
zweifeln / welches die rechte leer wer / wann Er dich dann so  
ferñ bringt so erlaidet Er dir das Euangelion zulezt gar /  
das du es faren lassst vnd verachtest / Wie dann yst vil zu  
vnsern zeiten thun. Darumb hâte dich / Christus warnet  
dich / sambt seinen Aposteln / gar treulich / darumb bleib be-  
stendig.

Hypocrisis.

Gleisnercy.

**B**itt grüsse dich seer freuntlich / zu tau-  
sent mal / mein lieber frommer treuer Man / Ich  
kan warlich nit vnterlassen / ich mus mich ain  
wenig

wenig mit dir besprachen / vnd in ainer stille dir auß treuem  
herzen etwas eröffnen / Ich hab bisher warlich nit ain we-  
nig deinet halben grosse sorg getragen / Vrsach / du wilt als  
zu gut Euangelisch sein / Ach Gott es darffs nit / das du dich  
also herfür wilt thun / vnd dich so liederlich in so grosse gfar  
begeben / Lass dise Euangelische sach andere auffsechten /  
halt dich dieweil inn ainer stille / must du doch nit alles offen-  
lich an tag legen / was du heimlich in deinem herzen stecken  
hast / Thu sein gemacht vnd seuberlich / Lasse dir der weil/  
vbereile nit die sach / Bis nit du allain der Wagenhals / Lass  
andere zuuor auch zu dir kommen / so sind eurer dester mer /  
Wilt du dann allain / vor allen / so keck vnd fürwichtig sein?  
Halt ain zeitlang hinder dem Berg / Erharre aines Concl-  
liums / so vergreiffest du dich nit / wilt du Land vnd Leut als  
so in gfar setzen? Was gehet dich doch ymmermer not an?  
Stelle dich sein von aussen / wie ich thue / als haltest du es  
mit yderman / so darffest du kain gfar bestan / Du kanst den-  
noch wol in deinem herzen glauben / was du wilt / Bleibe  
dieweil ain heimlicher Expectant / vnd ain guter frommer  
einfeltiger neutral / ders mit niemant helle / vn doch niemant  
vnrecht gibt / Wilt du so eben allen hader auffsechten / Wan  
du bey den Bapstlichen bist / so heule mit / stelle dich als sey-  
est du gut Bapstlich / so bleibst du bey dem deinen / vnd ge-  
neusstes seer wol vmb Sy. Höre vnterweilen mit inen  
Winkelmeß / opffer / vnd hilff inen ire Begengnuß beegen /  
bist dennoch wol der du bist. Kommest du dann vnter die  
Luterischen / so höre vnterweilen zu irer predig / sing mit inen  
teutsch in irer Kirchen / schadet dir alles nit / Allain sihe vnd

nehme das Sacrament nit vor jnen/sonst heuchle fein ym-  
mer mit/ so kombstu etwa bey jnen hinder ain gut anpft:  
Dann Sy werden mainen Sy haben dich gar auf jre seiten  
bracht. Auf söliche weiff volge mir fein feuberlich nach/  
stelle dich andechtig vnd ernstlich/ Ich will vor anhin zie-  
hen/hab nur auf mich vleissig achtung / du wirdst mein wol  
genieffen/Lasse dich niemant jrr machen.

## Ritter.

**A**ch Gott vom Himmel/wie ist mir gesche-  
hen/ wo bin ich doch ymmermer hinkommen / Ich  
kan mich hie an disem ort/vnd in diser gegent/nit  
erkennen: Dann dis ort ist nit ain schlechte Wüste/da nur  
ain Teuffel wonet/sonder es dunckt mich / ich sey gar in A-  
phrica dahinde/da mancherlay seltsame giftige Thier sind/  
Ich waiff warlich nit / was nur das für ain seltsames wun-  
dbarlichs Thier ist/ Ich habß für ain grosse giftige schlän-  
gen/vnd hat doch vier füß: Mit zwayen füßen wil sy mich  
disen weg füren / vnd mit den zwayen andern wil sy dort hi-  
nans / villeicht ist Sy ain Aphricanische Maus/oder sonst  
ain scheusslichs Monstrum. O lieber Gott/behüt mich vor  
disem wilden Thier / Mir hat noch nie so seer graust ob ai-  
nem vnflätigen Thier/als eben ob disem:Dann mein natur  
entsetzt sich gar darob. Darumb mein Gott vnd HERR/  
sende mir hilff / vnd füre mich ain mal aus diser Wüsten/  
damit mich dise holznatter nit verfüre/ Wol kan Sy jren  
Schwanz so wunderbarlich krümmen/ Verlasse mich el-  
lender

lenden menschen nit / das ich ye hie nit so sämerlich zu grunt  
gehe vnd verderbe.

Alicia.      Warhait.

**W**AS höre ich da für ain klägliche stim /  
wer rüffet so ernstlich zu Gott / vnd begert mein  
so ynniglich / Sihe mein lieber Ritter / ligt es  
dir so hart. Halle feste an der warhait / lasse dich nichts ab-  
wendig machen / Hab wol sorg gehabt / Hypocrisis sey bey  
dir gewesen: Dann Sy ist mir erst begegnet / aber schnell wi-  
der verschwunden: Dann sy kan nit bleiben wo ich hinkom-  
me / Ich mach Sy vberal zuschanden / Sy muß sich trollen  
wann sy mich ersihet / Darumb lere dich nit an jr ynnig ge-  
wesch vnd vergeblichs plaudern / Sy kan dir wol gute ge-  
schmirbte wort geben / kan sich auch gleichnerisch gnueg dazu  
stellen / Aber hute dich / es ist eitel betrug mit jr / Im anfang  
sollt du wol mainen / sy wer die schönest vñ holdseligest frau  
auf Erden / Sobald du aber ain wenig omb sy bist / so wirst  
du gewar / das Sy die aller vnstetigest mes ist auf Erden.

Vnd wer ain wenig ains aufrichtigen gemüts ist / der werde  
jr zuhand feind: Dann sy will yederman allain nun mit gu-  
ten Worten bezalen / vnd mit jrer heuchley vergnügen. Das  
rumb Christlicher Ritter gut / lere dich nit an den lügenhaf-  
tigen Teufel / welcher sein affenspiel gern auf allerlay weiß  
vnd weg / mit dir treiben wolte / Er haiffte nit omb sonst / mit-  
le artifex / ain Tausentkünstler. Bleib du bey der ainfelti-  
gen warhait / on allen betrug / Schlecht vñ recht behüte dich

psalm. cxvii

J ij      Gott

Deut. iij.

Gott / Lasse dich nindere auf kaine seiten neben auß füren /  
Bleib ymmer aufrichtig in ebner Ban / dem rechten Pfad zue  
gen Himmel / Far fein eben anhin / gehe fort / du bist ober die  
helffe kommen / wirdst bald alles vberwunden vnd zu rück  
gelegt haben / Alsdann wirdt dich Gott dein Herr alle deins  
vnglücks vnd laids wol ergehen / Wielerweil hab gut ach-  
tung auf die Feldteufel / vnd Nebenteufel / so dir noch aine  
zeitlang begegnen werden / wilt du ain himilischer Ritter sein  
vnd recht zu Ritter geschlagen werden / so must du zuuor ehr  
einlegen: Dann so yemant kempffet / wirdt Er doch nit ge-  
krönet / Er kempffe dann recht / Es lauffen wol frer vil im  
dem schrancken / aber ainer erlange das klainat. So ergib  
dich nur keck in kampf: Dann es ist doch nit anderst dran / es  
mus gestritten sein / Du bist bissher etlich mal / von ersten auf  
der lincken hant / angefochten worden / Darnach zur rechten /  
Zum dritten von oben her / da man dich allzuuil vbersich  
hat wellen ziehen. Noch hast du etliche Kaspalgerin / die  
werden sich vntersehen / dich allzuuil vntersich zuziehen / bis  
in die Hellen hinein. Es gehet dir / in summa / wie ainem  
Kauffman auf dem Meer / in ainem Schiff / da kombt auf  
der lincken seiten daher etwa ain starcker vngestümer wind /  
Bald aber auf der rechten hand kombt ain grosser plakegē /  
oben herab kombt hagel vnd schaur / vnten auf aber kommen  
seltsame Meerwunder / wolten das Schiff gerū vmbwerf-  
fen vnd versencken. Also ist der Kauffman ringweis vmb-  
geben mit mancherlay vnfall / gleich also gehet es dir auch.  
Darumb bleibe bey mir / bey der warhait / handle aufrichtig /  
Volge der warhait on betrug / vnd on heuchley / Bekenne  
deinen

4. Thim. 4

1. Cor. 13.

deinen Christum vnerschrocken vor der welt / damit du mit Matth. 23  
 deiner heuchley niemant aufhaltest / versürest od betriegest /  
 Was dich die warhait haist das thue vnerschrocken / so hast  
 du Gott auf deiner seiten / ain gut Gewissen / vnd alle from-  
 me Christen helfen dir mit irem Gebet hindurch / das du zu  
 letzt vor der ganzen welt bestehen kannst. Darumb wann du  
 bey der aufrichtigen warhait bleibest / so bleibst du bey Gott  
 selber / Sintemal Gott selber die warhait ist / Wer aber in  
 der warhait bleibt / der bleibt in Gott / vnd Gott in jm / vnd  
 kan nicht felen / auch von niemant betrogen werden. Gott  
 aber hat ain groß abscheuhen ob der gleichnerey / vnd ist Ir  
 vnd Iren kindern ausdermassen feind / Das hast du in vilen  
 Exempeln heiliger Schrift zusehen / als am König Saul / i. Regum xv  
 Achab / Anania / Saphira / dem Phariseer im Tempel 2. ii. Regum xx  
 wie sy so greulich gestrafft sind worden. Widerumb / wie vnd xxij.  
 hat Gott den frommen Samuelem / Heliam / Hieremiam / Act. v.  
 Danielem 2. so lieb / theur vnd werd gehabt / von wegen ires Luce xvi.  
 aufrichtigen gaissts vnd gemüts. Ob aber nun die Heuch-  
 ley ain zeitlang den fůrgang hat / vnd kan sich schmucke vñ  
 herfür thun / in ainem grossen ansehen / So bleibts doch in  
 die lunge nit vnerkant noch verborgen / Sonder so balds an  
 das liecht vnd warhait gefůre wirdt / so mus sy alsdann mit  
 allen schanden bestehen. Dagegen / ob schon die warhait  
 ain klaine zeit verschlagen vñ vnterdruckt wirdt / so schwim-  
 met sy doch entlich empor / vnd bleibt in ewigkait. Diweil  
 dann Christus dein HERR / die ewig warhait selber ist / so Johan. xiiij.  
 bleib bey Im / volge seinem fustapffen nach / wie der heilige  
 Petrus vermanet / vnd Er / Christus der HERR selber /  
 I iij spruche

Luce xxi.

Matth. vi.  
Matth. xxiii.  
Luce xvi.

spricht/ Hütet euch vor dem saurtaig der Pharisæer/welchs  
ist/ spricht Er selber die heuchley/ So waißt du auch wol  
wie Christus der Herr die heuchley tadlet/ straffet vnd ver-  
dammet/añ vilen orten im Euangelio/ Wie Er dann im  
sonderhait selber sagt Matth. am 7. Es werden nit alle die  
zu mir sagen/ Herr Herr/im das Himmelreich gehen/sonder  
die den willen thuñ meines Vatters im Himmel. Item Hiob  
am 13. spricht/Es komie kein Heuchler für Gott. Derhal-  
ben so volge Ir in kainen weg nach/ Sy füret dich nit zu  
Gott: Dann sy darff Gott nit vnter augen treten/Wo die  
helle Son Götlicher warhait leuchtet/ da verkreucht sich  
Hypocrisis/vnd schleicht nur geru im tuncel omb/da Sy  
die leut betriegem kan. D hute dich/ dann es ist seer ferlich  
mit jr umbzugeen.

Inimicitia.

Feindschafft.

**W**E kanst du doch so ain hailoser Man  
sein/ wie magstu dir doch ymermer selber so feind  
sein/vnd so vbel thun / das du niemand kanst zu  
freunde behalten/ Du hast ain rechten Peterskopff / yeder-  
man solle sich nach deinem tollen kopff richten/vnd dir in die  
hend sehen/ Halts doch ain mal mit ander leute/ lege dir selb-  
ber nit so ain schwere bürden auf deinen hals/ Wie wilt du  
thun/wann dir alle welle feind werde/ yederman von dir ab-  
felle/deine beste freund dich zu lest auch verlassen / da wirst  
du weder gunst noch freuntschafft mer haben/weder anhang  
noch zusucht nindert mer bekoffen/Wie kanst du doch ym-  
mer

mermer so ain feind seliger Man sein? Du mainest ja/wann  
dir schon die welt feind sey/so habst du doch Gott zu freund/  
Ja lasse dich drauff/vnd gee also anhin/so wirst du gewar  
werden/das dir nit allain Gott feind ist/sond auch das ganz  
himelisch Heer ain misfallen hat ob deinem hartneckigen  
kopff:Dann wann Gott auf deiner seiten / vnd dir genaigt  
vnd günstig were / So liesse Er dich nit also anhin waten  
vnd schwimmen/wie kan Gott dein freunde sein/so dich alle  
welt hasset/dir vbels will/vnd alles arges von dir redet/vñ  
dir all vnglück vnd plag wünschet/ Mainst du auch es gfa-  
le drumb alles Gott dem Herrn wol/ was deinem tollen lie-  
derlichen kopff gefelle? Nain/Er ist nit ain Gott dem gotts  
los wesen gefalle / spricht David. Darumb stehe ain mal  
ab von deiner tozhait/komme mit mir/ich wil dich mit Gott  
vnd der Welle wider versöhen vnd verainigen/ Du mußt  
aber am ersten alles das thun / darob die welt ain wolgefals-  
len hat/mußt jr sein können hosteren / nachgeben / vnd sy in  
frem thun nit tadlen noch straffen/ Wann wir dan die welt  
haben zu freunden/so wellen wir etwa zu lezt sehen/ wie wir  
mit Gott dran sind / Ich merck wol das dir Gott seer feind  
mus sein/sonst ließ Er dich nit also geplagt werden. Da-  
rumb mußt du sehen / wie du die Welle auf deine seiten brin-  
gest / so volget alsdann die freuntschafft des Gottes diser  
weltt auch fein hernach/ Sonst bleibst du dein lebtag in als-  
lem vnglück ligen / wirst müssen darinnen verderben und  
sterben. Darumb kofte mit mir/ich wil frid machen zwisch-  
en dir vnd der welt.

psalm. vii

ij. Cor. iiii.

Ritter.



## Ritter.

Satyri sind  
walthier mit  
vier füßen/  
vnd mensch-  
licher weibs  
gestalt.

**H**ilff Allmechtiger Gott / wie ain heßlich  
feindselig vnd vngestalltes thier ist mir da begeg-  
net/wol hat es mich so vbel erschreckt/ Ich halt ge-  
wisslich es sey ain Satyrus/ es hat wol so ain greulichẽ form  
Ists kain rechtes Thier/ so ist gewisslich abermal der leben-  
dige Teufel/ Doch stellet es sich freuntlich zu mir / so heß-  
liche gestalt es doch sonst hat/ Es gibe mir wol nit ain bösen  
rat/wann jm also entlich wer/ Wer wais aber ob jm also zu  
lest sein würde: Dann es leibet sich wol ain zeitlang / aber es  
seelet sich vbel. Darumb mein HErr vnd Gott / gib mir  
weiß vnd leer/das ich nit betrogen werd : Dann ich wollt ye  
allzeit gerñ thun/was dir angensem vnd gefellig ist/ Behüte  
mich auf rechter ebner ban/ damit ich nit verführet werde:  
Dann der Teufel ist anherig / vnd blaset in die feurigen ko-  
len.

Charitas.

Liebe.

**D**ie liebe Gottes sey mit dir allzeit/ mein  
frommer lieber Ritter/ Du kennest on zweivel  
dieses schentlich weib nit/du wärdest jr sonst nit so  
lang zugehört haben / Hüt dich vor jr/sy ist ain rechte wet-  
termächerin/ Sy ist ain grosse Vnhuld/hüt dich vor jr/  
Aber Sy kan dir kain schaden thun/ du sehest dann jr bester  
freundt/Darumb gesellet sy sich so freuntlich zu dir: Dann  
allweil du jr feinde bist/ vnd bleibst / so lang kan sy dir kainern  
schaden

schaden thun/ Darumb nim̄ schlechts mit jr kain freunt-  
schafft an / Sy ist ain schedliche bittere böse Warfagerin /  
Sy weissagt dir entlich nichts guts/ Was sy dir sagt/ so ge-  
denck allweg das widerspil sey war. Wie dann selchs der  
heilig Jacobus bekennet: *Wisset jr nit (spricht Er) das der* *Ja. iii.*  
welle freuntschafft/ Gottes feindschafft ist? Wer der welle  
freund sein will/ der wirdt Gottes feind sein. Da ligt es als  
les miteinander/ Vnd wele hie gar eben: Dann vnter disen  
zwayen must du ainen zum̄ feind haben/ Dise zween Herrn  
leiden sich nit beyeinand / Darumb wirstu zweyen her̄  
miteinander nimmermer dienen kōnden/ sonder wirst den ai- *Matth. vi.*  
nen lieben/ vnd den andern hassen. Keredich nit an̄ die alten  
Schlangen / welche im̄ Paradeis zwischen Gott vnd den  
menschen hat feintschafft angerichtet. Dieweil dann der  
ain mus verlassen vnd vbergeben werden / So biß hie vns  
nerzagt/ mache dich zu deinem rechten lieben Herrn/ Gott  
geb / wie der ander Herr/ die welle/ dagegen murre vnd saur  
sehe: Darumb lasse die welle bey dir schabab sein/ Laß Sy  
faren. Wann ich (spricht der heilig Paulus) den menschen *Gala. i.*  
noch gefellig wer/ so were ich Christi Diener nit. Wann du  
die sach recht bedencken wilt / so ist tausentmal besser Gott  
dem Herrn dienen vnd gefellig sein/ dann der welle: Vrsach/  
Gottes will/ dienst vnd Gebot/ stehet alles in zweyen punctē  
begriffen/ nemlich / Liebe Gott deinen HERN von ganzem *Matth. xxij.*  
herzen/ vnd deinen nechsten als dich selber/ In disen zweyen  
Geboten hangt das ganz Gesaz vnd die Propheten. Hie-  
raus waisse du Gott deinem HERN vollkommenlich zu die-  
nen: Dann durch die liebe erfüllet man das ganz Gesaz.

*Roma. xij*  
K Wer

Wer aber der welt gefallen will/dienen/ vnd sy lieben/d kan  
jr nimmer gnueg noch recht thun. Die welt lonet auch zulezt  
seer vbel/wann man Jr schon vil gehoffert hat: Dann es  
sind so vil seltsamer aigensinniger kopff in der welt/das ain  
ainiger kopff jr nimmermer gnueg kan thun/ noch jr iren willē  
machen. Thust du etwas/da du mainest/ es sey gleich wol  
ausgerichtet/habest vil lieb vnd danck vmb die Welt verdie-  
net/so ist es doch nit ainem ysllichen kopff angenehm. Vnd  
wann du disem aigensinnigen kopff etwa zu willen wirst/  
vnd mainst du habsts gleichwol troffen vnd ausgerichtet/so  
gefelle es etwa darneben ainem anderū tollen kopff ausder-  
massen vbel. Vnd wann du dich beflieffest ainem ainigen  
aigenwilligen kopff ain genügen zuthun/ so ver scherest du  
dagegen wol zehen andere lese kopff. Vnd in dem /das du  
mainest/ durch dein fürnemen der welt außdmassen wol zu-  
dienen/ So verdienstu etwa eitel neid/has/feindschafft vnd  
schaden. Vnd wann du dich gleich vntersteest/der welt mit  
trewen vnd rechtschaffen zudienen/ so ist es doch zulezt alles  
verloren/Kan doch Gott dein Herr selber der welt iren ge-  
fallen nit machen. Vnd in dem/das Er sy liebet/ alle trew  
vnd wolthat erzaigt/ erlangt Er nichts anders dagegen/  
dann grosse vndanckbarkeit/ feindschafft vnd Gottsleste-  
rung. So dann der liebe Gott/der welt nach irem tollen  
kopff nit angenehm vnd gefellig ist/ wie woltest du dan dich  
dürffen vntersehen/ iren gunst zu erlangen/ vnd behalten?  
Darumb Welt/wie du wilt/Wilt du nit/so will Gott/ich  
frag ye lenger ye minder nach dir. Also must du zulezt zue-  
lenden/vnd vor der welt vnerschrocken sein/ Sy sehe saur/  
murre

murre/tob vnd wüte h̄m̄er anhin: Dann so Gott mit dir ist/ Roma. viij:  
wer wil wider dich sein? In summa/ Denen die Gott lieben Roma. viij:  
mus alle ding zum besten dienen. Höre hie / den liebhabern  
Gottes mus alles dienen/ spricht der heilig Paulus/ Das  
rumb so müssen dir auch deine feind dienen/ vnd solches nit  
zu deinem schaden/ sondern zum besten. Dieweil dann die  
liebe Gottes aufgegoßen ist in dein hertz/ durch den heiligen Roma. viij  
Gaißt/ welcher dir gegeben ist / Wer wil dich dann schaiden  
können von der liebe Gottes? trübsal? oder angst? oder verz Roma. viij:  
folgung? oder hunger? oder blöße? od ferligkait? od schwere  
ze. Aber in dem allen (spricht der heilig Apostel) überwin  
den wir weit/ umb des willen der vns geliebt hat: Dann ich  
bin gewiß/ spricht Paulus ferner/ das weder todt noch leben/  
weder Engel noch Fürstenthumb / noch gewalt/ weder ges  
genwertigs noch zukünftiges / weder hohes noch tieffes /  
noch kein andere Creatur / vns mag schaiden von der liebe  
Gottes/ die in Christo Jesu ist vnserm Herrn.

Dabey bleibe mein frohner Ritter/ Folge mir/ deiner trewe  
en Schwester/ halt dich durch die liebe an mich / Bedencke  
vleißig der grossen trew vnd liebe/ so dir Gott teglich bewei  
set/ vnd noch teglich beweisen wirdt. Was ist gegen solch  
er liebe Gottes/ alle lieb/ trew vnd freundschaft der ganken  
welt? nichts dann nur ein eiteler schatten. Bleib du bey dei  
nem fürnemen / verharre auf dem Fels der warhait vnd der  
liebe Gottes/ vnd frag nit was dagegen die welt leugt/ vnd  
über dich schreiet/ Sy wird ainmal auch außgeschryen vnd  
aufgefroloct haben / das waiß ich fürwar / alsdann wird  
spot vnd schand gnuég über die Welt gehen werden. Vnd

Matth. v  
i. Cor. xij.  
Roma. xij.

Deu. xxxij.

zwar es rinnet Ir auch bereit schon teglich in Irren buesem/  
wann sy es nur wolte erkennen/ In des verharre bestendig-  
lich. Vnd wie du durch mich / dich haltest vnd erzaiGEST /  
gegen Gott/in aller danckbarkeit/Also gebrauchte dich auch  
durch mich/der Christlichen liebe/gegen allen menschen/  
Wie dich dein Herr Christus leeret/das du auch deine feind  
lieben sollest/ vnd lasse dich nit erbittern / suche nit das dein/  
vertrag alles/dulde alles / vnd erzaiGEST dich also / das du ge-  
dultig seyest in trübsal/ Vergilte niemand böses mit bösem/  
Reche dich selber nicht: Dann es stehet geschriben/ Die rache  
ist mein/ich will vergelten/ spricht der Herr. Beweise dich  
also allenthalben ainen recht schaffnen Diener Christi/ vnd  
laß Gott wallten / der wirdt zu lezt deiner sachen ainen se-  
ligen ausgang machen/der frid Gottes sey mit dir/Amen.

### Blasphemia. Gottslesterung.

**G**ott will dir gern zusehen / wie lang du  
doch wellest Gott den HErrn lesteren/Du beredest  
dich selber/vnd ander leut mit dir/ du seyest ain kind  
Gottes/ du habst den heiligen Gaist / du seyest ain lebendis-  
ger Heilig/vnd der Himmel stehet dir offen/Die Engel ha-  
ben ain groß auffsehen vñ huet ober dich/ Gott sey dein vater  
/ Sein Son sey dein Bruder / du seyest auch der rechte  
werckzeug ainer des heiligen gaissts/ Ja du seyest der Tempel  
des lebendigen Gottes / vnd Gott wone in dir / vnd erhöre  
dich/helffe dir/vnd errette dich aus aller not/ Betest den ge-  
kreuzigten Gott an/vnd gibst warlich grosse gotslesterung  
für/

für/ Bist nit allain vermessen / sonder auch ain Gottsester-  
rer: Dañ ist das nit ain grosse Gottsesterung/ das du Gott  
dem allmechtigen zu grossen hohn spot / schmach / schand/  
vnd lesterung/ dich für ain Son Gottes dargibst/ Item/  
Gottes Son sey dein Bruder / vnd dergleichen obenerzelte  
stück mer/ Wer bist du doch? Was machst du doch aus dir  
selber? das du deinen mund in Himmeln darffst legen/ vñ Gott  
lesteren/ Woher bistu ain kind Gottes? Was erscheinet doch  
Göttlichs an dir? Wo hast du Christum in der Tauff an-  
gezogen? wie du dich rühmest. Were Gott dein Vatter/ wie  
du lesterst / so hett Er dir langst auß deinem jammer geholff-  
fen: Bist du so Euangelisch / thue an dir selber ain zeichen/  
hilff dir selber/ Bitte selber für dich/ das du deines vnglücks  
loß werdest. Ach scheme dich doch in dein herz hincin/ der  
grossen frechen Gottsesterung/ Darumb stehe ab von sol-  
chem rhum/ es ist doch verlorñ / vnd ain vnnützer troß / das  
du dich so vergebens auf deinen Gott so lang verlassest/ Du  
hast bissher mit öffentlicher that wol erfahren/ wie Er dir ge-  
holffen/ wie treulich Er dich mainet/ Werest du ain kind  
Gottes/ die Engel vom Himmeln weren langst zu dir kommen/  
Gott hett bissher mer dan ain Mirakel mit dir gethan/ Aber  
nun bist du aller ding von jm verlassen/ Ich wollt mir aines  
solchen Gottes nit wünschen: Dañ wo ist dein Gott/ der dir  
helffen sol? Es ist / in summa/ verlorñ mit dir/ Er hilfft als  
lain frommen heiligen Leuten/ Aber die bösen erhöret Er nit.  
Darumb laß von deiner tohait / vnd ergibe dich mir/ Ich  
wil dich füren an ain ort/ da dir geholffen sol werden/ Der

Fürst diser welt hat alle schäck in seiner gewalt / dem ergib dich / so kanst du etwas vberkommen / vnd so reich vnd gewaltig sein / als ain anderer / Ergib dich dem reichen Gott diser welt / Er hilfft dir in ainer kurtz aus aller not.

### Ritter:

**B**ehüt mich der Allrechtig barmhertzige Gott / was ist abermal für ain greulich Thier verhanden / wie schnell ist es auf vnd ab / mit seinen füßen / Ich glaub gencklich es sey etwa ain seltsame Gembs / Sy steigt wol so hoch vber sich / Ich maint sy wer schier im Himmel droben gewesen / vnd hett gesehen was Gott in seiner Maiestat machet / so wunderbarlich redet sy von Gott / Wie ist mir so seltsam worden / von jrem lesterlichen reden / Sölte dann Gott kein acht auf mich haben ? sondern mich wellen lassen willigklich verderben ? Ach Gott wie würde mir geschehen ? Darumb mein Gott vnd H<sup>E</sup>Xr / hilff mir abermal: Daß solch Gembsensteigen ist mir zu wunderbarlich / Ich kan mich nit wol wagen / Hilff mir / das mich diese schentliche Gembs / oder der seltsam Faunus nit so hercklich betrübe mache / Komme mir mit deinen gnaden zuhilff / vñ errette mich von diser Besien.

Eucharistia. **Dancckbarkeit.**

**S**Ob vnd dancck sey Gott im Himmel gesagt / mein lieber Ritter / das du ain rechter Christ worden

den bist / vnd in solchem Creus vnd leiden bekant worden / als  
ain rechtschaffen Kind Gottes / das wirst du auch bleiben  
ewiglich / Darumb bist frölich vnd guts muts / lob vñ danck  
deinem Gott von himmel / das Ers also vätterlich mit dir für  
nimbe / lere dich an dise listige Bestien nit / Lasse dich nit bes  
wegen / vnter deinem Creus / zurz Gottsflesterung: Dann ob  
schon Gott nit von stundan mit seiner hilff kommet / so bleibe  
Er doch entlich nit aus / Sage Gott lob vnd danck / das Er  
dich also mit seiner Hoffarb beklaidet vnd verzaichnet / Las  
se die Bestien scharren vnd bellen / Zanck dich bey leib nit mit  
jr / sond schweige zu solcher Gottsflesterung aller ding still /  
wie dein HErr am Creus darzu still schweige / Zancke dich  
nit mit jr / disputir auch nit mit diser schentlichen Gembsen:  
Dann sy ist nit ain rechte Gembs / sonder sy ist ain Gembs /  
gleich wie ain Aff ain mensch ist / Las dich nit so leicht bewes  
gen vnd vnnuetig machen / Es ist alles des Teufels arbeit.  
Darumb verstopff die ohren vor solcher gotsflesterung / höre  
jr nit zu / gehe dauon / Widerfert dir aber etwa ain zeitlicher  
schad. so sprich mit dem frommen dultigen Hiob / Der Herr Hiob. i.  
hats geben / der HErr hats wider genommen / gelobt sey der  
Name des HErrn. Er kan so vil nit nemen / er kan noch zes  
henmal mer geben / Wie Er dan dem Hiob solches hernach Hiob vltimo:  
reichlich bewisen vnd erzaiht hat. Derhalben lasse dir disen  
rhum auß deinem herzen nit nemen / sonder halte vnd glaub  
vestiglich / Gott sey dein Vatter / vnd werde dein Vatter  
bleiben in ewigkait: Dann dieweil dir geboten ist / das Vate  
ter vnser zubeten / So hastu ainen trefflichen anspruch durch  
Christum / das Gott dein Vatter ist / dieweil Er dich also  
durch



Matth. xxiij.

Eph. iij.

Rom. viij

i. Joha. iij

durch seinen Son hat haiffen beten. So ist's ain Artikel  
des Glaubens / das du vestigtlich halten / glauben vnd be-  
kennen sollest / Ich glaub an Gott Vatter allmechtigen ꝛ.  
So spricht Christus Matthei am 23. Es ist ainer / eur vater  
ter der im Himmel ist. Des gleichen der heilige Paulus zum  
Ephesern am 4. spricht / Es sey ain Gott / vnd Vatter vn-  
ser aller. Dieweil dann Gott dein Vatter ist / so volget das  
raus vngezweiflet / das du sein kind bist / wie schwach du auch  
bist / vnd mit sünden besudlet. Dein kind dahaim im haus /  
so es in ain yfziken fellt / darinnen vnsetig vn besudlet wirdt /  
ob es nun wol yst etwas vngefallt ist / nichts destminder so  
ist's dein kind / Vñ ob du es vor dir im vnflat nit sehen magst  
so lasset du es doch seubern vnd rainigen / alsdann so gefelle  
es dir gleich so wol als zuuor. Also gehet es auch mit dir zu /  
Darumb vnuerzagt / laß dir dise götliche kintschafft niemāt  
nemen: Dañ ob schon noch etwas mangels vnd gebrechē an  
dir erfunden wirdt / so will doch Gott dein Vatter dich das  
rumb nit verstoffen / sond erst recht in gnaden annemen vnd  
ben. Darumb spricht der heilige Johannes recht / Meine  
lieben / wir sind nun Gottes Kinder / vnd ist noch nit erschi-  
ren / das wirs sind / Wir wissen aber / wann es er scheinen  
wirdt / das wir im gleich sein werden: Dann wir werden in  
sehen wie Er ist / Vnd ain ystlicher der solche hoffnung hat /  
der rainiget sich / gleich wie auch Er rain ist. Hie hörest du /  
das wir Gottes Kinder sind / wie wenig es auch yst scheineet  
vor der welt / vnd bey vns selbs. Zum andern / so werden  
wir Gott vnserm Vatter nit hie / sondern dort gleich wer-  
den. Zum dritten / Wer nun solche hoffnung hat / der rainiget

niget sich. Dife hoffnung haben die kinder Gottes / das sy  
heilig / rein vnd vnstreflich in yenem leben erscheinen werde /  
Derhaben reinigen sy sich / glauben vergebung der sünden /  
Also werden die herzen rein durch den glauben / Darauf Act. xv  
volget / das die Glaubigen ain gewisse hoffnung haben / der  
kinschafft Gottes. So du dann ain Kind Gottes bist / so  
wonet Gott in dir / erhoret dich / hilfft dir / der heilig Geist  
wirckt durch dich. Solchs aber alles hast du nit aus dir  
selber / oder deiner frombkait / sondern aus Gottes gnaden.  
Darumb du jm billich dancken sollest / Vnd ist nit vnrecht  
wam du bekennest / vnd entlich glaubest / du seyst ain Kind  
Gottes: Dann solcher glaub vnd bekantnus bringt dich zu  
mir / das du Gott darumb von herzen danckbar bist / schreie  
best mit deiner wirde / sonder v gnaden Gottes zue / welches  
ain seine gute tugent vnd göttlich werck ist / Gott danckbar  
sein / vnd in vmb seine gaben loben vnd preisen. Wie v from-  
me Prophet Daniel thut / Danielis am 9.

Impacientia. Ungeduldt.

**A**n wolan / du kombst mir recht Ritter  
gut / wir müssen noch ain mal ain Hofrecht mit  
einander haben / Wie ofte hab ich an deiner thür  
anklopfft / vñ hast mir nie recht audients wollen geben / noch  
mich gar zu dir hinein lassen / vnd hab dich offtmals aufs be-  
girlichst ersuchet: Dann ich hab allzeit ain guten braten des  
alten Adams bey dir gerochen / denselbigē wollt ich dir lengst  
gerñ haben helfen auffressen / Aber du bist allweg ain stolz-  
er Ritter

er Ritter gewesen / hast nach solchen Zankfrawen nit ge-  
fragt / wie ich aine bin / Ist kombst du mir aber eben recht / hie  
an diesem weiten ort vnd wilt nus / Ist haben dich deine gute  
gesellen verlassen / hast nimmer freud vnd nit / bist der stolze  
Ritter nimmer / der du gewesen bist / Darumb sehe auch die  
wellt nit mer nach dir vmb / Allain ich arme magd trag das  
Creuz mit dir / vnd hilff dir zur vngedult: Dann es ist doch  
sonst alles verlorñ. Derhalben siße auf meinen Sattel /  
vnd erquicke dich ain wenig / so kanst du dester vngedultiger  
sein. Vnd es ist auch nit wunder / Lieber / wer wolt dirs doch  
vor übel haben / wann du schon ain mal inn meinen armen  
schlaffest du bist wol so ain armer schwaiß worden / Deine  
beste freund verlassen dich / dieweil sy dein nimmer künden ge-  
niessen / Dein beste freund verhindern dich / dieweil sy nichts  
mer von dir hoffen zugewarten / Yederman schlegt dich auf  
Maria Magdalena seld / spilen der blinden kazen mit dir /  
Dein liebster gemahel verachtet dich / verlasset dich / Hasset  
dich / verlachet dich / vbergibt dich / veruntrewet dich / vn̄ ver-  
spottet dich / gleich wie die Reichol den frommen David ver-  
lachtet. Deine kinder verschmehen dich / deine höchste freunde  
werden dein größte feind / was sy dir zu laid thun mögen / das  
ist inen ain freud / schlagen den giel vber dich / spilen der vn-  
trew mit dir / verhindern dich an deinem besten frommen vnd  
fürnemen / Yederman froloeket vber dich / als vber den grö-  
sten vbeltheter / Yederman wünscht dir den Todt / werest du  
hinunter / so sengen deine besten freunde / für ain Requiem  
das Te Deum laudamus. Darumb wundert mich seer / wie  
lang du doch in deiner narreten ainfallt / vnd kindischer ges-  
duse

dult bleiben wellest/ Wann es mir also gieng wie dir/ Ich  
 wolte mit allen Worten donnern vnd blihen/ fluchen vñ mar-  
 terñ / das der Staub dauon gieng/ Sollt ich mich souil vn-  
 glücks nieten müssen/ Darumb komme mit mir/ ich wil dich  
 fein leeren vnd vnterrichten/ wie du mit deinen Feinden sol-  
 lest ombgehen/ Sy lachen teglich dein in die faust hinein/  
 noch lassst du es gut sein/ lassst fünffe gerad sein/ Ain spieß  
 wollt ich drein stecken/ vnd ain mal so vngedultig werde/ das  
 mich niemant bey jm leiden kñdt/ wollt scharren vnd pol-  
 derñ / seuffzen/ vnd so vngeschlacht sein/ das niemant kein  
 gut wort solte von mir bringen.

### Kitter.

**D**u gnediger vnd barmherziger Gott/ ste-  
 he mir treulich bey/ vnd verlass mich nit/ in disen  
 meinen grossen nöten vnd leiden/ Wie gar ainig  
 vnd verlassen bin ich worden/ wie gehet es mir so vbel / wie  
 plagt mich die schentliche vngedult in meinem leiden/ wie bin  
 ich so vnwirß/ wie kan ich meinen alten Adam so gar nit zur  
 gedult bringen/ So plagt mich vber das dise schentliche Be-  
 stia/ Ich halte gesslich es sey ain Basilisk/ ist wol so ain giff-  
 tig böses thier. Ach Gott erledige mich dauon/ sende mir  
 abermal deine gnedige hilff von Himmel herab/ vnd erhalte  
 mich in warer geduldt.

Pacientia.

Geduldt.

£ ij

Gedult

Basiliscus  
 hat ain weiß  
 mal auf dem  
 haubt/ gleich  
 wie ain Dia-  
 dem/ damit  
 gesiert/ hat  
 ain spitzen  
 kopff/ vñ rote  
 ange schwere  
 zicht etc.

**G**edult sey mit dir/ mein freuntlicher lie-  
ber Ritter / Was fürest hie für ain wildes vnge-  
zambtes thier an der Hand / was zeuchst du dich  
ymmermer / das du mit so wilden/ vngedultigen Thieren hie  
fürüber ziehen wilt / kennest du die vngestüme Impacienti-  
am nit? So wild vnd vngedultig Sy ist/ so gerā wonet Sy  
bey gedultigen leuten. Dise Bestia hat ain selkame art an  
jr/ Fasset sy dich auf Ire hörner/ so wirfft sy dich wo sy hin  
will/ Darumb nur weit vnd disem vngheuren waldochsen/  
so stoffet Er dich nit. Lerne von mir / geselle dich zu mir/  
waist du nicht / was dich der heilige Paulus leeret. Wir  
wissen (spricht Er) das trübsal gedult bringet / gedult aber  
erfarung. Was sagt dir dein H<sup>err</sup> Christus/ Fasset eur  
seelen (spricht Er) mit gedult. Gedult ist ain sondere gab  
des heiligen gaists/ vnd ain edle frucht des glaubens. Wie  
sagt d<sup>er</sup> Prophet Esaias/ Durch still sein vnd harren (spricht  
Er) werdet jr stark sein/ Das ist ain sondere sterck der Chri-  
sten/ mit welcher sy all vnglück tragē / vñ vberwinden kün-  
den / nemlich so Sy gedultig sind im leiden / gleich wie dein  
Herr vnd haubt gedultig ist/ wie ain schlachtschesslin zum  
Creuz geführt worden/ Gedult vberwindet alles/ Sy duldet  
leidet/ meidet alles. Wie war der heilig David so gedultig  
in seinem leiden / da Er von seinem aignen Son verfolgt  
ward/ Wie spricht Er im leiden/ werd ich gnad finden (sagt  
Er) vor dem H<sup>errn</sup> / so wirdt Er mich widerholen/ vnd  
wirdt mich die laden Gottes / vnd sein Haus sehen lassen.  
Spricht Er aber also/ Ich hab mit lust zu dir / Sihe hie bin  
ich/

Roma. vi:

Luce xxi:

Gala. v:

Esate. liij:

ij. Regum xv.

ich/Er machs mit mir wie es Im wolgefellt. Desgleichen  
da Simei mit steinen vnd grosser verachtung zu David  
warff/spricht Er zu seinen Dienern/Lasset in fluchen: Dasi  
der Herr hats in gehaissen/fluche David. Hie lerne ges  
dult /vnd folge dem heiligen David. Nimm mich an die hand q. Regum. xvi  
wann du zur vngedullt geraihet vnd bewegt wirst/ Vnd  
ruff Gott vmb ain ware gedullt an. Wie hat sich v froms  
me Prophet Hieremia leiden vnd dulden müssen?

Murmuratio. **Murrung.**

**D**Einer tozhait kan ich mich nit gnueg ver-  
wundern/vnd wann du schon noch so ain strenger  
Ritter werest: Ainer wirdt darumb ain Ritter ges  
nannt/das Er Ritterliche thaten bewisen hat/ Lieber/was  
hast du doch sonders ausgericht/Welchen Hector od Achil-  
lem hastu erschlagen/welche Stat hast du vor dem Tureken  
errettet / Alle deine Ritter schaffe hat den krebsgang gewon-  
nen/Man versihet sich bey dir nun mer kainer sondern Rit-  
terlichen that: Dann alles wamit du nu vmbgeest/das gehet  
les von statten: Alle deine anschleg feelen dir/Niemant helle  
etwas sonders mer von dir / Ich gedenck wol v zeit/die Ro-  
sen gab/ysit bringts nichts dann eitel distel vnd Dorn/ Das  
werck deiner hend ist gar verflucht: Du hast wed gluck noch  
heil mer/alles gehet dir zum allerboeste hinaus/man scheucht  
dich zwar nit vmb sonst also / Du bist ain rechter vnglucks-  
man worden/Wer dich ansihet/v entsetzet sich ab dir/Wan  
man dein nur in gedenck wird/so fluchet man dir/ Du bist

nur zu allem schaden vnd verderben geboren/ All deine feind  
frolocken das dir so vbel gehet/ Haben ain wol gefallen ob  
deinem vnfall. Du sihest zwar selber/wie es allen deinen  
feinden/vnd mißgünnern so wol gehet/ leben inn allen freu-  
den/grossen pracht vnd hochmut/schweben empor/werden  
herfür gezogen/ in grossen wichtigen sachen vnd hendeln ge-  
braucht/kommen zu grossen ehren/werden gewaltige leut aus-  
jnen/kommen in hohe ämpter. Inn summa/das glück ste-  
het jnen allzeit willig vnd bereit vor der thür/haus vnd hoff  
ist alles vol/ Sy haben alles was nur jr herzk wünschen vnd  
begeren mag/ Jederman hoffert jnen/ehret sy/ Dich lasset  
man dagegen hinder der thür stehen/ Ach wie lang bleibst du  
in deiner tothait so verstockt? Du hast gut recht vñ fug/ das  
du darüber murrest vnd fluchest/ wie lang bleibst du auf deis-  
ner vermainten frömbkalt / willt ymmer hoffen vnd harren  
ainer besserung / Ja wer des Jüngsten tags erwarten will/  
dem wirdt zu lest etwa geratten werden / Du willst warten  
bis die halb Welt der mal eins ab stirbt / alsdann verhoffest  
auch etwa durch glück ain Erb zuerlangen / Ja harre hie/  
harre da/ Du sihest wol/dz dir die weil niemand nichts vmb  
sonst gibt/wie plagt man dich nun teglich deiner armuet hal-  
ben / jederman will grecht an dir werden / die Heken ob dir  
schieffen/vnd ain feder ziehen. Komme mit mir/ verharre ain  
weil vnter meinem obdach/bis das vnglück fürüber rausch-  
et / Hast bissher deiner sachen wenig geholffen mit gedulle/  
versuch ain mal vngedulle/vnd murren/wider Gott vnd die  
Menschen/ Es ist doch sonst alles verlorn/ vergebens vnd  
vmb sonst/ Bete ain zeitlang mit mir die Horas / Metten/  
Vesper/

Vesper/Non/vñ brumbe so lang/bis ain mal bösser wirt.  
Verfluche dich selber/du bist darumb nit verlorñ/ Ich wais  
wol ainen der hat dich gerñ/komme zu jm wann du wilt/so  
bist du jm angeneh/Er haiste Pluto: Dann Pluto mein  
Herr/hat ain tieffe/weite wonung vnd behausung/Er gibt  
dir raum vnd platz gnueg / ob er schon zuuor sölicher gesellen  
vil bey jm hat/die sacht sol dir wol belonet werden/ Er ist ain  
grosser Herr/hat seer vil Besauner / Trumeter vnd Pau-  
fenschläger an seinem Hof/Es ist ain sölich gedon/prümen  
vnd murren bey jm/das vber alle mass ist / Er hat ain gross  
gfallen daran / wann du vil murren / fluchen / scharren vnd  
poldern kanst/Sölche gesellen sind jm seine liebsten Hofie-  
rer an seinem Hof vnd Regiment/ Ich wil dirs versprechen  
das er dich zu ainem Diener annemen wirdt. Wol auf eilents  
mit mir danon/was wilt du hic so lang stan/ Es sind gute  
gesellendort die begerñ dein.

### Ritter.

**W** Ein Gott vnd mein Herr/wieuerz bin  
ich von dir: Dann entlich hab ich dafür/ Ich sey  
vor der Hellen thür/Was ist doch ymermer das  
für ain wild rostig Thier gewesen/ so mich aus disem tieffen  
loch/vnd finsterñ hültn hat angeloffen/ meines crachtens so  
ists ain grausamer wild Beer gewesen/oder gar ain schwar-  
zer finsterer Teuffel / Wie brumlet Er so zornigklich / vnd  
heet mich gerñ in seinen sumpffigen pfuel gefürt/Sondlich  
dic weil ich hic in der jrre gehe / vnd schier etwas vngedultig  
bin



bin worden. Ach Gott von Himmell verleihe mir langmü-  
tigkait / damit ich nit hornig / vngedultig / vnd vnwirß auf  
meine widersacher werde / Wie ist es so ain schweres Creuz /  
so lang vnfall haben / vnd gleichwol langmüetig dazu köns-  
nen sein / Ich kan vnd waiß es schier nimmer / weder zu dul-  
den noch zutragen. Darumb komme mir / mein Gott vnd  
Herr / gnediglich zuhilff / das ich wider dich / meinen Erlös-  
ser / nit murre / sonder alles vnglück außstehen / vnd deiner  
hilff erharren möge.

Longanimitas. Langmuet.

**M**IT so vnmutig vnd schwermütig / mein  
lieber Ritter / was redest du mit dir selber also  
murrend / wer hat dir doch ymermer gethan / das  
du gleich wie ain Einsidler also einher brumlest / Lasse dir  
die weil nit lang sein / Ergere dich nit ob der wellt lauff / das  
der wellt so wol / vnd dir dagegen so vbel gehet / Es wirdt  
sich das blat ain mal umbwenden / das Gott / zu denen so inn  
allem sauß / wollust vñ freud / yppiglich leben / sagen wirdt /  
Gedencket / das jr eur gutes empfangen habi in eurem leben /  
mein armer Lazarus aber hat dagegen böses empfangen /  
Nun aber wirdt er getröstet / jr aber werdet gepeiniget / Ach  
Gott / alsdann nemest du die ganze Welt nit dafür. Was  
wirdt es dir am Jüngsten tag schaden werden / das du hie  
ain zeitlang vngemach / armuet / verachtung / franckheit /  
angst vnd not hast gehabt / vnd alsdann dagegen ewige / ym-  
merwerende freud genießten wirst / in aller volkomenhait.  
In summa

In summa / all diser zeit leiden ist der herrligkait nit werde / die  
an dir sol offenbart werden. Derhalben / gleich wie du des  
leidens tailhafftig bist worden / also wirst du auch des trosts  
tailhafftig werden. Darumb sollte du nit laß werden: Dann  
ob wol dein eusserlicher mensch verweset / so wirdt doch der  
ynterliche von tag zu tag vernewert: Item deine trübsal / die  
zeitlich vnd leicht ist / schaffet ain ewige / vnd vber alle maß  
wichtige heiligait / dir / der du nit sihest auf das sichtbare /  
sondern auf das vn-sichtbare. Darumb volge mir deiner  
Schwester / vnd biß langmütig. Lise vleissig das dritte /  
vierde vnd fünffte Capitel im Buch der Weisheit Salo-  
monis / so wirst du mir gerät nachfolgen werden. Besiße  
auch wie es dem frommen Hiob / Daniel / Joseph etc. zulest  
so wol ergangen ist.

Dubitatio.

Zweiflung.

**W**öre Ritter gut / hieher / kere ain mal auch  
bey mir ein / Ich hab ain schöne lustige wonung /  
es ist ain rechte Labyrinth / wann du drein komest /  
so wirstu gleich zweifelhafftig / vñ so jrr / das du nit waist  
wo du hinaus söllest. Ich sihe wol wo du hinaus gedenckest  
zureisen / Du willst der Himmelpforten zueiln / Ja wol / du  
findest hie anhin kain thür zum Himmereich / Ye lenger du  
hinfür kommen wirst / yeminder du darzu komest. Du ge-  
hest da hinaus wol weiter vom himmel dann dazu. Mich  
wundert wer dich doch sölichen weg gefürt hab. Aber ich kan  
wol gedencen / man sey fro das man dein ab sey kommen.

M

Mainst

Wainst du auch das man nach solchen gesellen im Himmel  
frage / Es können wol ander Leut nit darcin / die mer gelten  
dann du. Du hast deine jugent in allem mutwillen zubracht/  
vnd mainst gleich / es gelt schnaps ein in wischens ins him-  
melreich. Ach lieber gesell/thue ain wenig gemecher / Du  
bist der leut noch lang nit die in himmel gelassen werden. Wie  
kannstu doch nur so vermessen sein / das du dich solchs darffst  
vntersehen? Wainstu auch das Gott nach dir vil frage? Ja  
du möchtest noch wol zweiffen / ob ain Gott were / Dieweil  
Er so gar innen helle / dich so lang jrr lasset gehen / dich ver-  
lasset / vnd nie ain mal sich in gnaden gegen dir zuerkennen  
gebe. Aber es ist leichtlich abzunemen / wech die schuld ist/  
nemlich / das du yst ain lange zeit her / so vil jar aneinander/  
für vnd für in sünden gelegen bist / Vnd wann du yst gleich  
dauon hast wellen abstehen / vnd ain guten fürsatz der besse-  
rung gehabt / so bist du gleich wider in den alten stampff tret-  
zen / der vorigen Beygen nach getanst / Ist dir also nie rech-  
ter crnst gewesen zur waren buß / Sihe / die vñ die sünd hast  
du gethan / das ist dir wol wissend / wie offt hast du sy began-  
gen? frag dein aigen Gewissen drumb / wievil Jar her hast  
du dich in solchen sünden gemestet? frag dein aigen hers dar-  
rumb / Wainst du auch das Gott ain gefallen daran hab?  
Wie offt hat dich Gott zu gnaden aufgenommen? Hat dich  
absoluiert / Du hast darauf das heilig Sacrament empfan-  
gen / vnd gleichwol nie gehalten / was du Gott dem HErrn  
versprochen hast / Darumb hat dich Gott den sünden gar  
obergeben / strafft also sünd mit sünd. Dieweil dann dem  
allen also ist / welches du selbs nit laugnen kannst / so komme mit  
mir /

mir/es ist doch alle hoffnung verlorn/ruge in meiner schlaff  
kammer/vnd verharre in solcher zweiffung / bis ich dich amen  
andern weg fure: Dann du wirst doch mit deinem harren d  
sachen weder raten noch helfen können.

## Ritter:

**W**D nun hinaus? wo soll ich mich hinwen-  
den? Ich bin gar irr gemacht worden/ Stehe gar  
in zweiffel/wais schier nit wem ich sol glauben ges  
ben/Aber doch/allmechtiger Gott/erbarme dich mein / vnd  
lasse mich nit irr gehen/erhalte mich auf ebner ban: Dann  
ich bin ain zweifelhaffter Man/dieweil mich dise Bestia/die  
Camelopardel / so wanckelmütig vnd irrig gemacht hat /  
stercke mein hers / vnd machs gewis deiner gnaden vnd er-  
kennnus/damit ich nit verfare.

Camelopar  
dalis/am halß  
ists wie ain  
Ross/ Die füss  
wie ain ochs/  
das haubt  
wie ain Ca  
mel etc.

Plerophoria.

## Gewisheit.

**W**As ist das für ain irrig zweifelhaff-  
tig wesen/ gehört das ainem Christliche Rit-  
ter zu/ Lasse dich nit ain yslichen wind bewe-  
gen/vñ am rauschend blat so bald abschreck-  
en. Far ymer forr/glaub nit ainem yslichengaiß / sondern  
prüfe die gaißer wol / ob Sy aus Got sind. Willt du dich  
an die klesserige/weschenhafftige Dubitation keren/ kennest  
du jr wanckelmütigen siñ nit? Hast du doch Gottes wort  
vordir/das ist ain Lucera deiner füße/Glaubst du nit / das

Ephē. iij:

i. Johan. iij:

Psalm. cvij:

M ij dein

dein Herr Christus das liecht der welt ist welcher im nach  
 Johs. viij. xij. uolgt / der wandlet nit in der finsternus. Wie kanst du ir  
 gehen / vnd vnrecht thun / die weil du deinem beruff nach ge  
 hest / welcher in Gottes wort gegründet ist / Bleibe du be  
 stendig in Gottes wort / Sey der sachen in deinem herken  
 gewis / halte steiff vnd vestt / vnd frage nit / was dir die Du  
 bitatio einblaset / Lasse dich deine vil vnd manchfeltige sünd  
 nit abschrecken. Hörest du nit / was der heilig Johannes  
 i. Joh. ij. sagt von Christo / das Er darumb vnser Fürsprecher sey /  
 Rom. iij. di weil wir arme sündler sind / vnd ymmer täglich schwach vñ  
 gebrechlich sind / Darumb ist der Herr Christus vnser gnas  
 den thron worden / das wir vns daran sollen steets aufrich  
 ten / Er ist darumb vnser Hoherpriester worden / auf das Er  
 Heb. v. vns täglich mit dem vatter versöhne / was were Er sonst für  
 i. Tim. ij. ain Hoherpriester / Was were sein ampt? wann Er nit täg  
 lich mit den armen sündern zuthun hett / Er siket darumb  
 Rom. viij. droben zur rechten Gottes / das Er die armen Sündler ver  
 trette / versöhne / vnd beim Vatter wider zur gnaden vñ huld  
 bringe / Darumb vnuerzagt vnd vngezweiflet / du hast ain  
 Eph. i. iij. gute gewisheit vnd versicherung der gnaden Gottes / nem  
 Rom. viij. lich den heiligen gais / der da ist das pfand deiner Erlösung /  
 der gibt deinem gais zeugknus / das du Gottes kind bist / vnd  
 bleiben wirst in ewigkeit. Darumb vnuerzagt / dein sach  
 stehet ausdermassen wol / allain zweiffe nur nit / sondern laß  
 dein hertz vestt halten / vnd hoffe auf Gott mit fraidigent  
 herken. Du bist yst mit Noah in der Archa / auf dem was  
 ser / zwischen himmel vnd Erden / haben also die greulichen  
 Wasserflus / alles vmb dich hinweg gerissen vnd gefleßet /  
 grosse

grosse Sturmwind haben sich ringsweiss vmb dich erhebt /  
 die Wasserwöllen werffen dich in der Archa hin vnd wider /  
 das gewässer hat zugenommen / vnd ist hauffenweiss oben he-  
 rab vber dich ausgeschüttet / Du hast ain zeitlang das truck-  
 en / die Erden / nit können sehen / das du nur ainen fuß darauf  
 hettest mögen setzen / Alle Creaturñ haben dich verlassen /  
 Ja könne inen selber nit helffen / Die zeit werdt lang / schet-  
 net kaine hilff von oben herab / So siehest du neben zu / vmb  
 dich / nichts anders dann todt / sterben vnd verderben. Vnter  
 dir scheint gar kaine hilff auf Erden / vnter allen Creaturñ /  
 Du mußt du warlich verharren / vnd gedultig / auch besten-  
 dig bleiben / in der Archa mit Nocha / bis das Vngewitter /  
 nach Gottes verhaiffung / abnimbt vnd aufhört. Siehe als  
 laim / das du in der Archa bleibest / vnd nit daraus fallest.  
 Bleib in d' Archa Gottes worts / vñ gnediger verhaiffung.  
 Vnd ob du wol / in des vnterweilen / den Rappen hinauf Gene. viij  
 lasset fliegen zum fenster / vnd siehest / ob du durchs Gesatz  
 hilff vnd trost findest: So fleugt doch der Rapp nimmer zu dir  
 hinein in die Archa / es kombt kain trost von dem Rappen /  
 Es ist kain trost noch freud in Gesatz zu finden / Bis so lang  
 das du durch die Tauben erkündigest / ob sich die vngestüme  
 hab gelegt / vnd das vngewitter deines vnfalls abgenommen.  
 Darumb lasse die Tauben hinaus fliegen / die kombt wider  
 zu dir in die Archa / durch Gottes wort / die wirdt dich aus  
 dem heiligen Geist trösten vnd erquickten / dich erfrewen / er-  
 gehen / vnd die fröliche gnadenreiche botschafft bringen / das  
 dein vnglück fürüber ist / vnd ain end hab genommen. Das  
 ist die rechte Taub / dauon der Prophet Esaias sagt am 60.

Capitel: Da wirdt dir der Regenbogen in wolcken erschei-  
nen/nemlich/glaub/lieb vñ hoffnung / werden dich versich-  
ern/das Gott der H<sup>E</sup>X<sup>R</sup> nimmer mit dir zürnen wölle /  
Sondern seines Regenbogens / das ist des Tods vnd blüts  
seines lieben Sons / inngedenck sein / Vnd dich mit ewiger  
gnad vnd barmhertzigkeit Väterlich erhalten/ Amen.

Pufflanimitas, **Klaimmütigkeit.**

**A**ch das Gott geklagt sey/herz aller lieb-  
ster Ritter mein / Wie bist du also zer schlagen/  
vñ so klaimmütig / wie blöd / forchtisā / erschrock-  
en vnd verzagt / bist du in so ainer kurzen zeit worden. Ach  
das Gott erbarm/deines ellenden wesens. Dich sihe dir wol  
an deiner gestalt an / das du ainen nagenden Wurm wirdst  
haben / Vnd es triegen mich dann alle meine sū / so hast du  
ain grosses anligen / ynnerlich vnd cusserlich / leib vnd Seel  
ist dir beschweret. Aber lieber Gott / es ist nit wunder / wie  
ich dann neulich in gehaim / von dir in deiner Schlaffamer  
vernommen hab / das du etliche schwere treffenliche anligende  
sachen hast stecken in deinem herzen / die dich tag vnd nacht  
vnruegig machen. Vnd wen wollt auch solch groß anligen  
nit von herzen bekümmern / vnd klaimmütig machen da die  
Welt / vnd der Teufel selber zuschüret / hezt / jagt vnd plas-  
get dich vnaufhörend: Dann du must selber sehen vnd erfa-  
ren / wie dir deine feind so hefftig zuesetzt / so bitter feind sind  
vnd so seltsame listige geschwinde newe renck vnd praectiken  
wider dich suechen / dich damit vmbzustürzen / auf das Sy-  
hinder

hinder dein gut / ehr / gewalt / herligkeit vnd eigenthumb /  
kommen möchten. Ach es sind bittere / böse / neidische / gift-  
tigel / schedliche zungen / die dir on vnterlaß zu esehen / sind dir  
bitter feind / vnd trefflich auffsehig / schreyen auch ymmer ober  
dich / Da / da / nu es geet jm an das lebendig / Er mus hinun-  
ter / vnd vor vnsern augen zuschanden werden / Er hats ober  
macht / Er steckt zu tieff / er kann nit mer herauf kommen / Er  
mus vns in vnserer hend kommen / da wellen wir alsdann vns  
fern mit an jm külen / vnd vnsern grimm ob jm auflaffen. Als  
so gedencen vñ reden deine feind / Also handeln vnd practi-  
ciren sy wider dich / damit sy alle mittel vnd weg fürkoffen /  
dadurch dir geholffen möchte werden. Wer sollte nun dar-  
zue still können schweigen? vñ nit klainmüetig werde? möch-  
te doch wol ainem das hertz in leib vor vnmüt zerbrechen /  
Wann Er nun bedencke die geschwinden practicken seiner  
mißgünner / geben wol etwa gute wort / aber es ist das hertz  
weit dauon / Zaigen wol hönig / aber dargegen geben sy gal-  
len zu trincken / speisen dich mit wermut / Gleich wie die Ju-  
den Christo inn seinem leiden / Essig vnd Gallen zu trincken Johan. xix.  
gaben. Darumb so ist dir / als ainem menschen (dann du  
hast auch flaisch vnd blut) vnmöglich / das du solches ertra-  
gen soltest können / du wirst zulest darüber vor betrübnuß  
zu grundt müssen gehen / Vrsach / du kanst dabey kein ruig  
Gewissen haben / kein frölichen mut schepffen / was du issest  
vnd trinckest / in solchem vnmüt / bitterkeit vnd traurigkeit /  
wirdt in dir alles zu Gallen / Gedenckest ymmer zu nur allain  
an deine bittere böse feind / sonderlich aber / wann du ymmer  
täglich ye lenger ye vester erfereest / die geschwinden renck vñ  
poffen /



possen/so Sy dir reiffen. Mein trewer lieber Ritter/wie  
kann doch möglich sein/das du ymer soltest von herren kön-  
nen verzeihen vnd solche tück dultig tragen mögen? Wie  
kannst du ymmermer ain ainige kurtswel haben? ja ain mal  
ain rüigen schlaff thun? Dann du mußt ye ymmer sorg tra-  
gen/deiner feind practick gehe fort wider dich. Vnd darumb  
in des auch wol gedencen / vnd beratschlagen / wie du dich  
wider ain jnen rechen wellest/wie du deinen feinden begegnen  
wellest/damit du jnen auch ain verdruß thuest / vnd dich auf  
deiner seiten dagegen erzaiGEST/damit sy von frem fürnemen  
abstehen / vnd nit ymmer also wider dich toben vnd wüeten/  
wie des Teufels Jaghund. Dieweil aber dein hers also ge-  
gen deinen feinden erbittert ist / gedencst vnd trachtest on vn-  
terlas / wie du dich wider rechen / vnd Jnen dagegen allen  
verdruß vnd schaden zufügen köndest. Ach Gott/wie kanst  
du das Vatter vnser rechtschaffen beten/sonderlich aber das  
stück/Vergib vns vnser schuld/wie wir vnsern schuldigern  
vergeben:Dann so du in solchem zorn / rach / neid/grollen/  
widerwillen vnd feindschafft / bittest/ vñ von Gott begerest  
das Er dir deine sünd vergebe / gleich wie du deinen schuld-  
gern vnd belaidigern /oder feinden verzeihest/ So betest du  
wol ewigen rach/fluch vnd maledeyung vber dich. Darumb  
were es vil besser / das du ganz vnd gar nit betest / dann das  
du mit solchem neidischen herzen betest: Dann Gott will im  
kain opffer/kain Gotdienst / kain Gebet lassen / weder an-  
genem noch gefellig sein / du versonest dich dann zuuor mit  
deinem widersacher/Sodrewet dir auch Christus mit ainer  
harten vnd schweren trewung/das/wo du deinem wid sachs  
er nit

er nit vergebest / so werde dir auch Gott dein H<sup>E</sup> & R<sup>E</sup> deine Matth. vi.  
sünd nit vergeben / So hörest du auch wol im Euangelio /  
das erschrocklich Exempel des knechts / der seinem mitknecht Matth. xviii.  
die schuld nit nachsehen wollt / wie d<sup>r</sup> König mit diesem bösen Syrach xviii.  
knecht so greulich handeln lasset. Derhalben ist mit Gott  
warlich nit zuschernen / Es ist vil weger vnd besser / still ges-  
standen vnd nit gebetet / dann rach / ach vnd wee / ober deinen  
aignen hals gebeten. So ist dir auch in kainen weg zu-  
raten / das du zu dem heiligen Sacrament gehest / vnd den  
Leib vnd das Blut deines Erlösers / in solcher feindschafft  
empfahest: Dañ diß Sacrament ist ain Sacrament d<sup>r</sup> liebe /  
frids vnd ainigkeit / nit der feindschafft vnd des zwitterchts.  
So kanstu auch mit gutem Gewissen nimmer recht beich-  
ten / wed<sup>r</sup> Gott noch dem Priester / vnd d<sup>r</sup> Euangelischen Ab-  
solution empenglich sein / Dieweil du dich mit deinen feind-  
den nit versönest / vnd inen von heren nit verzeihest. Hie-  
raus mus nun dein hertz selber schliessen / vnd dein Gewissen  
bekennen / das du kain Gottes kind bist: Dann so du ain kind  
Gottes werest / so werestu auch barmhertzig / wie dein vatter  
im himmel barmhertzig ist. Luce xvi.  
Dieweil du aber dein hertz solches  
nit bereden kanst / nemlich / das es welle od<sup>r</sup> künde verzeihē / so  
bistu noch ain haid / vñ kain Christ / vnd also noch weit weit  
vom Reich Gottes. Ach mein lieber Ritter / ich hab gleich  
selber ain treulichs mitleiden mit dir / Darumb bleibe hie bey  
mir / Ich wil dich vnter meinen armen dort hin führen / vnd  
ain hertzlichs erbarmen mit dir haben / bis das meiner schwe-  
ster aine hieher kombt / vnd dir dein essend vnd famer weiter  
erzelet / Es ist doch aus mit dir / du kombst alhie dem Himmels-  
Reich

reich nit zue/ Lasse dich nur vnberühret/ Es ist doch all dein  
thun/mühe vnd arbeit verlorn/ Dieweil dich deine feind also  
plagen vnd fretten / Bleibe gleich hie bey mir/ vnd hab dein  
wohnung bey vns deinen schwestern/du bist doch als zu klain-  
mütig/wirdst weiter nit künden kommen: Dann diser alte  
rock/den dir dein Vatter Adam hat angelegt/ der lasset dich  
nit fort wandern/du kanst nichts dariñen schaffen noch auf-  
richten/Es ist gar kein klaid zu diser deiner fürgenommenen  
reys. Summa es ist mit dir alles verlorn / Du bist zum  
Himmelreich nit geboren/ Sondern zu angst/ kümernis vnd  
not/bis vber dich kombt der bitter todt/ Der macht deines el-  
lends gar bald ain end / Dieweil klainmütigkeit dich wol  
kent/ Harre hie bis ich dort hin gang / Lasse dir die weil nit  
so lang sein/ Ich wil bald wider zu dir keren / Vnd dich fer-  
ner weisen vñ leeren/ Wie du dich fortan sollest halten/ Vñ  
mich dein sach verwalten lassen/ Sibe Cristitia kombt dort  
her/ Dann Dubitatio trawret seer/ Die will dich weiter hie  
berichten / Wie du dein handel sollest schlichten/ Folge je  
in sonderm vertrauen/ Es wirdt dich nimmermer gerawen.

## Kitter.

**A**ch meines jamers/ ellends vnd laids/  
wie bin ich armer Man so gar eressen/ wie ist mir  
dise bürden so schwer wordē/ ich waiss sy schlechts  
nimmer zu ertragen: Dann dise Bestia hat sich mit gewalle  
an mich gehcnckt/ wol hat Sy so spitze klawen/das sy mir  
gleich


gleich durch die haut das hertz damit hat getroffen/Meines  
verstands/so ist gewiß ain rechte Meerckas / sy siset wol so  
schwer ob mir/ O wie klammütig bin ich worden / wie ain  
schweren mut hab ich hie empfangen / das mir das hertz in  
leib zittert/ Ach Gott/ es wil mir leib vnd seel verschmach-  
ten / das marck in baim verschmachtet mir vor vnmuet vnd  
klammütigkeit/ Wie ist meiner feind so vil die mir zuesetzen/  
Ich hab gemaint dise Pusillanimitas sey meiner besten  
freundin aine gewesen / so steet Sy mir nach leib vnd lebene  
Vnd hat mich fürwar von herten betrübt / Aber yet sihe  
ich/ das sy es nit treulich mit mir mainet: Dann sy gehet nit  
vergebens dort anhin/ vñ winckt iren andern Gespielen: Sy  
werden mir zuesetzen. Ach Gott ich bin allain/ hab niemane  
auf meiner seiten/ Ich bin von yederman verlassen/ trostlos  
vnd klammütig. Darumb mein Herr vnd Gott/ nimm die-  
se klammütigkeit von mir / ringere mein hertz von diser  
schweren Bürden / sonst mus ich hie sitzen bleiben / vnd vor  
jammer sterben. Sende mir deine Göttliche hilff von him-  
mel herab: Dann vmb mich/bey mir/vnd neben mir/ist nie-  
mant der meine seel errette von solchen fehrlichen stricken /  
Sy haben mir ain netz gespannet / das ich nit wais hindurch  
zubrechen/Es tobt vnd wüetet alles vmb mich/vnd in mir so  
gar/ Ich wais nit wohin/ Hertz mut vnd sin/ist gar dahin/  
wo sol ich mich hin wenden/Ain trawrig gsang/sing ich yet  
lang/dein hilff thue mir Herr senden.

Nun wolan/ ich mus meinem Gott ain traurlied sin-  
gen / damit ich mein hertz ganz vnd gar gegen jm alhie auf-  
schütte.


N ij

O Herr

DISCANTVS. HANS KILIAN.



O Herr mein Gott / aus angst vnd not / fuer mich durch deine gütte /  
 Mein feind der tobt / die welt das lobt / vor vnglück mich behüte / **Das**




Satans haß / hat gar kein maß / **Er** ist ganz vnuerdrossen / **Er** jagt




mitnach / mit grüß vñ rach / hat mir mein hertz durchschossen:


TENOR.



O Herr mein Got / aus angst vnd not / fuer mich durch deine güete /  
 Mein feindt d tobt / die welt das lobt / vor vnglück mich behüte /




Dann Satans haß / hat gar kein maß / **Er** ist ganz vnuerdros sen /



**Er** jagt mir nach / mit grüß vnd rach / hat mir mein hertz durchschossen:

ALTUS.



O Herr mein Gott/aus angst vnd not/ fñer mich durch deine gñ te/  
 Mein feind der robt/die welt das lobt/ vor vnglück mich behñ te/



Dañ Satans haß/hat gar kein maß/Er ist ganz vnuerdrossen/Er jagt mir nach/




mit grñ vnd rach/hat mir mein hertz durchschos fen: q.

BASSUS.



O Herr mein Gott/aus angst vnd not/fñer mich durch deine gñ te/  
 Mein feind der robt/die welt das lobt/vor vnglück mich behñ te/



Dañ Satans haß/hat gar kein maß/Er ist ganz vnuerdrossen/Er jagt mir nach/



mit grñ vnd rach/ hat mir mein hertz durchschossen. q. HEN

HEXX Christe mein/ dein wil ich sein/  
Lass du mich nit verderben.  
Hilff send mir bald/ mich nit aufhalt/  
Vor laid muß ich sonst sterben.  
Ich bin betrübt/ kein freud mir liebt /  
Vnglück hat mich vmbgeben.  
Die welt ist toll/ der practick voll/  
Stellt mir nach meinem leben.

PEINLICHE not/ schrecken vnd todt/  
Hat mich ringsweis vmbfangen.  
Man setzt mir zue/ hab gar kein rue/  
Nach Gott steet mein verlangen.  
Groß ist mein schmerz/ ain glaubig hers /  
Gib heilger gaist aus gnaden.  
Das mein feindschafft / in mir nit hafft /  
Niemand beger zuschaden.

O Herr dis Lied sey dir gesungen/  
Groß not hat mich darzue getrungen/  
Erhöre mich/ o mein Gott/ so bald/  
Vnd für mich aus disem finstern wald.

Magnanimitas. Großmütigkeit.

**G**rad vnd barmherzigkeit von Gott dem  
Vatter/ Frid vn̄ sterck durch Jesum Christum/  
Trost vnd freud im̄ heiligen Gaist / sey mit dir  
allzeit/

allzeit/streitbarer Held/vnd theurer Ritter/Was sihest du  
hie so klainmütig vnd zerschlagen/ Ich maine Pusillanimitas  
meine wider sacherin habe dir ainen Sessel alhie gesetzt/  
vnd dir ain obdach gezimmert/das du nit fort zeuchst/Mit d  
weiß so kombst du heut ( zur gnadenreichen zeit ) nit an den  
himelischen Hof/ wie du dir dann dahaim hast fürgenom-  
men. Wann du dich so leichtlich willt lassen aufhalten / so  
wirdstu nimmer aus disem Fegfeuer ins Paradeis kom-  
men. Darumb bin ich vmb deinet willen hieher gesandt/das  
ich dich sol aufmanen: Dann sihest du nit/wie die nacht da-  
her felle / vnd dort so schwarke finstere wolcken ob dem berg  
daher rauschen / eilen / ob Pusillanimitas sy an sich ziehen  
wöllte. Die erst ist gewisslich Tristitia/die ander aber De-  
speratio/Darumb auf/auf/bald bald/eile eile/es ist hie kein  
bleibende stat/Biß keck/dapffer vnd vnerschrocken / fass ain  
herz / biß ain großmütiger Held / vnd lasse dich ain rausch-  
enden wind nit so bald erschrecken noch feig machen.

Zum ersten / spüre ich wol / das dir deine feind inñ sin ligen/  
die betrüben dich/machen dich klainmütig vñ vnlustig. Nun  
wolan/biß vnerschrocken: Dann alle deine feind sind jr sel-  
ber nit mechtig/ sy sind auch jres lebens nit aine stund sicher/  
Sy können dir nit schaden/ dan all jr thun stehet in Gottes  
gwaltiger/ allmechtiger hand / Er kan jr herz lencken wo er  
hin wil. Darumb spricht Salomo/Wann yemandes weg  
dem HErrn wolgefallen/ so macht Er auch seine feind mit  
jm zu friden. Darumb / wann sy schon dir schaden zuthun  
gedencken/bringen dich auch vmb ehr vnd gut/vnd ensiehen  
dir alle deine Jurisdiction vnd aigenthumb / so können Sy  
dir

Prover. xvi.



dir doch deinen Gott nit nemen / So können sy dich auch ge-  
gen jm nit veruntrewen / nit verliegen noch verfortailen.  
Dieweil dir dann diser Herr / der ain Herr Himmels vnd  
der Erden ist / nit genommen kan werden / So hast du auf dei-  
ner seiten so ainen reichen Gott / der dir tausentmal mer ges-  
ben / dann dir die welt schaden thun kan / Leide du solches ge-  
dultig / für deine person / als ain frommer Christ / vnd Christ-  
licher Ritter / es solle dir wol belonet werden. Dife zeit iff  
kurtz / Gott hat aber ain andere / in ewigkeit / da Er dir alles  
erstattet vnd ergehen will. Darumb so greiffe Gott nit in  
sein ampt / Reche dich selber nit / sondern gib Gott die ehr /  
Eh / Er will vergeben / vnd rach üben. Nachdem du aber  
nit allain für dich / als ain Christ / von Gott zum Christens-  
thumb beruffen bist worden / sondern hast auch nach Gottes  
ordnung / ainen sondern stant vnd ampt zuerwalten / vnd  
dasselb von Gott / als ain göeliche sondern beuelch / empfan-  
gen / So bist du yst nit allain / in der sachen vnd ampt / son-  
dern Gott dein Herr mit dir / iff bey seinem trewen Diener.  
Dieweil dann der handel nit allain dein ist / auch denselben nit  
allain verwalten sollest / noch kanst / sondern von Gott ain  
Schaffner darüber gesetzt bist / So hast du yst disen vor-  
tail / das du Gott zugehilff / als deinen rechten Lehenherrn /  
anruffen / vnd zu dir erfordern kanst / der will alsdann mit  
vnd bey dir sein / Vnd das ist auch gewis / Thust du jm die  
ehr an / das er dir dein sach hinaus helffe führen / begrüßest in  
von herse darumb / bittest jm / suchest rath vnd beystand bey  
Gott. So thut er dir auch widerumb dife ehr an / das Er  
dir treusich beystandt thut / vnd gibt deiner sach / ainen solchē  
gewaltis

Deut. xxxij.  
Roma. xij.

1. Regum ij.

gewaltigen nachtruck / das aller Welt toben vnd wüten das  
wider nichts wirdt aufrichten können: Dann es legt sich nie  
allain die tolle Welt / sambt deinen feinden / wider dich / son-  
dern der Fürst diser welt selber. Noch stehet in allen mitz  
einander Gott im weg / durch seinen Engel: Wie dann Got  
der Herr dem Baal Peor / vnd Balaam thet / Da halff all  
jr ratschlag / fürnemen vnd vermaledeien nichts vberall / wi-  
der das volck Gottes. Also werden auch aller deiner feind  
ratschlagen / practiciern / fürnemen / vnd all jr böse list vnd  
renck / dir nit schaden mögen: Dañ so Gott auf deiner seiten  
ist / wie dann Gott deine sach füret / vnd gewaltig ob dir hal-  
ten wil / wer will dann wider dich sein? dir laid oder schaden  
zuefügen können? Darumb so der / der in dir ist / grösser ist  
dann der in der welt / vnd in deinen feinden / ist. Wer will  
dir dann widerstand thun mögen? Darumb vnerschrocken /  
Gott lebt noch / ist starck gnueg / deinen feinden alle plag anz  
zuthun. **Zuñ** anderñ / Dieweil dann solche deine hân-  
del vnd geschefte / nit deine person vnd aigne ehr / oder güter  
fürnemlich belangen / sondñ es betrifft yet in deinem ampt /  
Gottes ehr / sein wort / den rechten Gottesdienst / die Christ-  
liche ordnung vnd polickey / dein Regiment / deine vnderthan-  
en / dein hausgesind / deine freunde vnd deinen nechsten / So  
ists yet ain werck der liebe / dem feind vnd widersacher zube-  
gegnen / widerstand thun / verhinderñ / zürnen / straffen / vnd  
zuschanden machen / wo du kanst vnd magst / vnd also dein  
ampt / vnd alle deine krefft vnd vermögen / reichlich dazu be-  
brauchen / auf das die ehr Gottes / dein ampt / regiment / vn-  
terthanen / vnd was dir zugehört / erhalten / geschüzt vn re-  
giere

Numeri. xxij.  
vnd xxv.

Roma. viij.

is Joha. iij.

Psalm. cxxi.  
Psalm. cxxvj.  
vnd cxxxix. in  
fine.  
ij. Regum ij.  
ij. Regum ij.

giert werden / Das ist alsdann nit ain böser sündiger zorn /  
rach bitten / widerstand vnd vergeltung / sondern ain Gött-  
licher eyfer / ain herrlich werck der liebe / vnd ain recht Christ-  
lich gut werck / dein ampt / vnd deine verwandten belangen-  
de. Also hat König David gehandelt / gebeten / vnd wider  
seine feind sich gerochen / Wie Er dann in sonderhait bes-  
felch gibt / zurechen vnd zustraffen seine feind / den Joab vnd  
Simei / an welchen sich David erst nach seinem todt / durch  
seinen Son den König Salomon rechen lies / dieweil Er  
solche straff vñ widergeltung / bey seinem leben / an inen mit  
fueg nit rechen kondte. Also haben sich auch an iren feinden  
von ampts wegen gerochen / Samsen / Jehu / Samuel /  
Mose / Helia / Josua / vnd dergleichen / vnd sy reichlich be-  
zalet vnd gestrafft / nach gelegenheit der sachen. Gewis ist  
dann deine feind / nit darumb dir widerwertig sind / das du  
mit inen der welt lauff nachuolgest / vnd allerlay mutwillen  
übest / Sondern darumb sind deine feind wider dich / das du  
dein ampt vñ Regiment / dein standt vnd handel / dahin rich-  
test vnd farest / das Gottes ehr / Nam / Wort / Gotsdienst /  
vnd alle Christliche Ordnung vnd polizey / dahin gerichtet  
werden / das durch dasselbig Gott gepreiset / vnd dem nech-  
sten damit geholffen werde / das kan dan d Teufel nit leidt /  
darumb zärnet Er auch also durch seine laruen mit dir / vnd  
hebet seine schläpen so hefftig wider dich. Solchs geschicht  
aber nit farnemlich deiner sünd halben / wiewols die Welte  
zur beschönung vñ deckel farnendet / vñ ist doch nit jr rech-  
ter ernst / sondern Symainet gewisslich ain anders / nemlich /  
dich von deinem standt zutreiben / vnd etwa ain Teufels die-  
ner

ner darein zubringen/ dadurch der Teufel sein Affenspil wi-  
der möchte aufrichten. Wo es sich aber ye begeben/das  
dein zorn vnd Rach/nach dem alten Adam rüche / vnd der  
flaischlichen anmuetigkeit zuwil nachhengte/ so verthädige  
solche sünd bey leib nit/ sonder bekenne es von stundan Gote  
deinem HERN/begere gnad/vnd bitte vmb verzeihung/  
Sobisz alsdann on alle sorg / dein zorn / sünd vnd Rach / ist  
schon vergessen vnd vergeben. Darumb zörnest du/so sün- psalmistis  
dige nit / vnd laß die Sonne ober deinem zorn nit vnterge- Ephc.iii  
hen. Ach lieber Gott/es ist bald geschehen/das ain mensch/  
nach flaisch vnd blut / vberreilet wirdt zum zorn vnd Rach:  
Dann der alt Adam kombt ymter dem newen menschen vor.  
Wie dann auch die Kinder diser Welt selber(welche nichts  
anders sind dann eitel flaisch vnd blut/vnd Adams Kinder/  
ist kein newer mensch in jnen) vil schneller vnd geschwinder  
sind/dann die Kinder des lichts: Bysach/ Wer lang in der  
übung ist gewesen/ der selb ist deßter hurtiger vñ fertiger da-  
mit. Also ist der alt Adam in sünden auferzogen/ erwach-  
sen/ erstarrket vnd verbainet darinnen / ist auch außdermas-  
sen fertig/ listig vnd geschwind/geübt vnd getrieben/ Vnd  
ist in summa ain alter Ritter seiner Ritter schafft. Darge-  
gen aber so ist der new Mensch in dir noch jung vnd new/ ist  
noch nit so hurtig/geübt vnd erfarn/ Sondern noch etwas  
jung/schwach vnd vngübt: Dañ Er ist kaum zwayer oder  
dreyer Jar alt / hats noch nit lang getrieben / ist der sachen  
noch etwas kindisch/vnerfaren vnd vnuerstendig / das dar-  
gegen der alte Adam wol 30. 40. oder 50. Jar darinnen er-  
faren vnd getriben ist. Dasselbig sihet auch Gott der Herr

an/vnd verschonet dein/ tregt gedult mit dir / vnd vbersiche  
dir offte vil/ von wegen des jungen/newen/vnd angefangnen  
menschen in dir/welchen Gott durch seinen gaist in dir ge-  
zeuget hat/verschonet also Gott der HErr dein/gleich wie  
man ainem jungen kind vil nachgibt/vbersicht vnd verschonet/  
das man ainem alten menschen nit thut oder zulasset.

Darumb Edler lieber Ritter/bis vnerschrocken/es hat kain  
not/Gott ist auf deiner seiten: Er lasset dich wol vnterweil-  
en sincken / vnd den alten Adam hinziehen / auf das du das  
durch dein schwachait / vnd gebrechligait lernest erkennen/  
dich vor deine Got diemütigest/ gnad begereest/vn nit stolz/  
sicher oder vermessen werdest. Also mus Gott der HErr  
etwa sünd mit sünd weeren/steuren vnd vertreiben/ verhin-  
dern vnd fürkommen/nachdem der alte Adam in dir so hart  
verderbt ist. Gott lasset dich in ain klaine sünd fallen / dich  
damit in dein aigen erkantnuß zubringen/dich zu diemütigē/  
vnd in ainer waren forcht Gottes zuerhalten / damit du nit  
dieweil stolz/sicher vnd vermessen wärdest/welche sünd seer  
erschrecklich/vnd vor Gott ain greul sind: Dañ wer stolz/  
frech/sicher vnd vermessen ist/der selb kan vor Gott mit hoch-  
kommen / sintemal Gott die stolzen gaister stürzet. Wer  
aber diemütig ist/den kan vnd will Gott erhöhen: Dann  
Gott gibt den diemütigen gnad / vnd erhöht sy. Darumb  
wann du solche schwachait vnd sünd empfindest / so diemü-  
tige dich/vnd bis vnuerzagt: Dann Gott wil ain zer schlas-  
gen hertz nit verachten/ ain geengsten Gaist nit verwerffen/  
Das glümende tacht will Gott der HErr nit gar auffsehs-  
en/vnd das zer stoffen Noz nit gar zer knirschen. Ja / auf  
wen

Luce i:  
i. petri v

psalm. li:  
Esai. xliij:

wen will Gott anderst in gnaden sehen? Dann auf den el- Esai. lvi:  
 lenden / vnd der zerbrochens gaists ist / vnd der sich fürchtet Psalm. xxxiii.  
 vor seinem wort. Also spricht auch David: Der HERR ist Psalm. xxxiii.  
 nahet bey denen/die zerbrochens herzens sind/vnd hilffte de-  
 nen die zerschlagne gemüet haben. Darumb wann dich  
 deine sünd beissen/nagen vñ plagen/ dein herz ist erschrock-  
 en / vnd dein Gewissen verzagt / So hast du ainen trewen  
 Fürsprecher bey Gott dem Vatter/ Jesum Christum / der  
 vns gerecht macht / vnd der selbig ist die versöhnung für deine Zeb. iii. v.  
 sünd. Du hast Christum deinen Hohenpriester / der sitzet i. Timo. ii.  
 darumb zur rechten Gottes/das Er deiner schwachait auf- i. Johan. ii.  
 helffe/dich vertrette vor Gott vnd versöne täglich / als ain Roma. viii.  
 trewer versöner/Mittler vnd Fürsprecher. Waiste du nie  
 wie Gott der HERR zu Paulo sagt / Sufficit tibi gratia ii. Cor. xii  
 mea/Lasse dir an meiner gnad benügen/ Virtus mea in-  
 firmitate perficitur / Mein krafft (spricht Gott) ist in den  
 schwachen mechtig. Gott hat auf dich gesandt den gaist der Zacha. xii.  
 gnaden/vnd des Gebets. Gott ist dir gnedig/vnd erhöret Matth. xiii  
 dich allzeit. Drumb wann du ain glauben hast nur wie ain vnd xvii.  
 senffkorñ / so will dich Gott nit verachten noch verwerffen:  
 Darumb vnverzagt. Also lernest du damit recht ansteigen/  
 die drey stafflen / so dort aufhin gehen / der Himmelpforten  
 zue. Sihe es sind drey hohe / herrliche stafflen / Vñt sihest  
 du sy / Aber dabey sihest du auch dort / seer vil leut neben aus-  
 geen. Es will schier niemant auf die ersten stafflen treten/  
 die leut sind toll vnd blind / obersehen die ersten stafflen / vnd  
 gehen mutwillig neben aus. Die erst staffel aber / die du an-  
 treten wirst / die haisset Cognitio sui ipsius / das ist / Sich  
 selbs

selbs eigentlich erkennen könden: Dann das ist der erst an-  
tritt gen Himmel. Wer sich nun recht gründlich vnd wol  
selber erkennet / der diemütiget sich / fürcht sich vor Gottes  
zorn vnd gerechtigkait / vnd begert gnad: Aber da will die  
welle from sein / vnd sich nit erkennen lernen / wer sy ist / da-  
rumb tritt Sy auch neben aus / vnd kombt nit auf die ersten  
staffel / scheuhet sich dauor / wie ain scheuhes pferd. Die  
ander staffel ist / *Cognitio patris in filio* / das ist / da du in  
solchem schrecken deiner sünd vnd klainmütigkait / Gott den  
HEX An recht lernest erkennen / nemlich / das Er nit dein  
Richter / recher / straffer noch verdammer sein welle / sonder  
dein trewer lieber Vatter / Beschirmer vñ Erhalter. Chris-  
tus will dein Mittler / Versöner / Fürsprecher / Hoherprie-  
ster / Erlöser vnd Seeligmacher sein: Der heilig Geist will  
dein Heilmacher / Tröster vnd Erleuchter sein: Alle hei-  
lige Engel müssen deine Schützer sein / vor allem vnfall.  
Solches aber alles darumb / dieweil der ewig Son Gottes  
für dich gestorben ist / vnd mit seinem teuren Blut dich vom  
ewigen todt erkauft hat. Die dritte staffel ist *Perseue-*  
*rancia in fide* / nemlich / das du in glauben an deinen Hatz-  
land Jesum Christum / beständiglich verharrest / darinnen  
fortfarest / vnd dich nit abschrecken noch zu rückt treiben las-  
sest / sondern in der selbigen hoffnung bleibest / vnd erwartest  
der gnedigen hilff Gottes: in des aber / Gott lassent walten /  
dieweil er dein Vatter ist worden. Da will aber die Welle  
nit daran / sonder machet jr ain newe Ban / vnd andere stafs-  
sel gen Himmel. Wer aber auf die ersten staffel nit treten  
wil / oder aber darauf kombt / vnd die andern antrittet / vnd  
gleich

gleichwol nit fort vber sich steigt auf die dritten / sondern tritt  
von der andern / wider vnter sich auf die ersten / der wirdt jrz/  
feltt in verzweiflung / kombt also wider von der himmelfor-  
ten / vnd gehet mit dem grossen hauffen den braiten weg der  
Hellen zue. Zum dritten / das dir aber Pusillanimitas  
Gottes wort fürwirfft / vnd dich damit klainmütig machen  
wil / als / Das man schuldig sey dem feind zunerzeihen / sich  
nit begern zu rechenre. Da sollt du recht vnd wol die vnters- 4. Timo. 4  
scheid mercken / zwischen Gottes wort / vnd Gottes wort /  
auf das du nach der leer Pauli / das wort der warhait recht Roma. xij  
wissest zutailen / nemlich / das du das götlich Gesas wol vn-  
terscheidest / von dem wort der Gnaden oder götlicher ver-  
haissung. Das Gesas ist geben / vnd gehört für die hart-  
negtigen / vnbusfertigen vnd vnbendigen köpff / die nit vn-  
recht haben wollen / die Ire sünd nit erkennen wollen / die ain  
vnbusfertig leben füren / vnd ire sünde für recht wollen ver-  
thedigen / Disen gehört solch vnd dergleichen Gesas / trös-  
ung vnd schreckliche Exempel Gottes zorns: Wie dann  
Christus an solchen orten das Gesas recht auflegt / vnd vns  
vnsrer blindhait damit anzaiget / die selben lernen zuerkennen.  
Das Euangelion aber ist ain tröstliche leer / für die zerschla-  
genen / schwachen vnd klainmütigen herten / so ire sünd bes-  
rait schon durchs Gesas erkennet haben / Begeren aber yst  
hilff vnd rath / trost vnd stercke / der sünden los zu werden /  
Sy wissen vnd erkennen auch / das sy Sünder sind / wolten  
aber gern der sünd abkommen. Wie du dann yst wol waiste /  
das dise deine feindschafft vnrecht vor Gott ist / Du woltest  
aber gern der selbigen ledig werden / ain liebreich hert haben  
gegen



gegen deinen feinden: Du spürest aber/ das du solches aus dir selber nit vermagst/ Darumb seufftest du/ vnd rüfftest zu Gott vmb hilff/ vnd verzeihung deiner sünden/ Da gehöre dir warlich yshund das Gefas nit weiter zue/ sondern das Euangelion. Darumb wann dir (der du vorhin durchs gefas erschreckt bist worden) Pusillanimitas wil erst noch weiter Gottes gefas fürhalten / so thut Sy solchs nit aus dem heiligen gaist: Dann derselbig ist ain gaist der betrübten/ Sy zutrösten/ vnd nit weiter zubetrüben. Der Satan aber ist ain gaist der betrübnuß vnd verzweiflung. Darumb wann dich Pusillanimitas schrecken wil / der du zuuor erschrocken bist/ so thut Sy solches nit aus Gott/ durch seinen gaist. Derhalb so mercke dises stuck sonderlich wol/ vnd hab eben achtung darauf. Zum vierdten / so greiffst dir hie die schedliche Pusillanimitas nach dem höchsten stuck deiner seligkeit/ nemlich nach dem Artickel von vergebung der sünden/ Da sihe vleissig auf: Dann so ain geschwinde Rednerin ist Sy/ das Sy dir den köstlichen Tiriack/ vnd hailfame arznei/ das ist die gnedige zusagüg Gottes/ von vergebung der sünden/ aus deinen henden vnd hersen schreyen kan/ vnd dir dagegen eitel gifft vnd Gallen einschwehen. Darumb wann sy dir den hohen Artickel von vergebung der sünden abtringen wil/ so ergreiffe dein Schwert/ Gottes wort/ vnd wöhre dich so lieb dir dein lebē ist: Dañ wo du disen Artickel verleurest/ so hast du Gott den HERRN / Christum selber/ vnd alles verlorñ. In summa/ es ist ain geschwinde griff/ vnd Teufelische practick: Dann gleich wie deine leibliche feind nach deiner herrligkait trachten/ vnd zeitlichem

aigens

Eph. vi:

eigenthumb: Also stellen dir auch deine gaisliche feind nach  
der ewigen himelischen herligkeit vnd eigenthumb. Aber  
biß hie ain dappferer Ritter/ vnd setze dich zur wöhr: dann dei-  
ne feind mainen dich mit allen vntrewen/ kere dich nit daran/  
das dir Pusillanimitas also lieblosen vnd schmaichlen kan/  
es ist darhinder ain falscher böser won/ Sy stellet dir nach  
leib vnd seel/ vnd ist doch mit jren Worten so heel. Aber hü-  
te dich/ das rate ich/ Vntrew gnueg kan sy sein/ fürt dich in  
angst vnd pein. Zum fünfften/ So greiffe dich auch  
vber solches alles/ die Pusillanimitas außdermassen schwer  
an/ in dem das Sy dir das Gebet will erlauben/ wöhren vnd  
vernichten/ das gestehet jr bey leib nicht: Dann das Gebet ist  
dein allerbeste wöhr/ wann es alles vmb dich aus vnd ver-  
lorñ ist/ so hast du noch das Gebet in verrat. Gleich als  
wann ain festes Schloß von feinden erobert ist worden/ so  
hat der Herr des Schloß/ dannoch haimlich in vorrath/  
ainem verborgnen ausgang/ vnter der Erden/ dadurch Er  
den Feinden entrinnen/ vnd zuñ freunden vnd seinen Helf-  
fern kommen kan. Also wann dir deine feind das Schloß stür-  
men/ vnd dir deine Festung abtringen vnd einnemen/ So  
hast du danoch deinen haimlichen ausgang noch in verrat/  
das ist das Gebet/ dadurch du haimlich zu Gott kommen/ vnd  
deinen feinden entrinnen kanst. Derhalben so schrey/ ruff  
vnd bitt zu Gott/ dieweil du ain ader rüren kanst/ vnd lasse  
darumb nit ab/ ob schon dein herz noch etwa feindschafft  
empfindet. Es ist ain seer grosses stück das du begeren vnd  
Gott auch darumb täglich anruffen kanst/ nemlich/ das Er  
dir ain solches Herz doch entlich geben wölle/ das du deinen  
P Feinden

Feinden von Herzen verzeihen können: Dann damit diemä-  
tigest du dich vor Gott / erkennest deine gebrechlichkeit / vnd  
begereest gnad vnd hilff. Ain solch Gebet ist so krefftig / das  
es durch alle himel hinauf dinget für Gottes angesicht / vnd  
Gott deinem HErrn ausdermassen angemem ist. Darumb  
lasse dir das Gebet / welches dem Teuffel das herklaid an-  
zhuet / nit erlaiden / noch dich dauon treiben. Der Teuffel  
spürets wol / was für schaden ain Christ Im vnd seinem  
Reich damit thuet. Ob aber ye etwa aus verletzung vnd  
schaden deiner feind / dein herz so hart nach dem alten Adam  
erbittert würde / das du Gott nit küntest anruffen vnd bit-  
ten / das Er dir sein gnad mittailte / deinen feinden zuuerzei-  
hen. So begere doch souil von deinem Gott / das er dir sei-  
ne gnad doch so verzi mittailen wölle / auf das du ain solch  
wöllen in deinem herzen haben mögest / damit du bitten kön-  
nest / das du deinen feinden verzeihen mögest. Darumb  
sprich also / Mein Gott vnd HErr / ich bitte dich / verleihe  
mir deinen heiligen gaist / durch Christum deinen lieben son /  
das Er mir mein herz doch so verzi rainigen vnd erleuchten  
wölle / auf das ich doch bitten künde omb ain liebreich herz /  
meinen feinden zuuerzeihen. In summa / Wann du nur  
bitten kanst / es sey so schlecht vñ so schwach es ymermer ist /  
so will Gott der HErr solch bitt nit abschlagen / sondern  
gnedigklich erhören: Dañ da erkennest du in solchem gebet-  
lein / dein vnuermögtigkeit / klagest deinem Gott / vnd bite-  
rest omb gnad / damit du starck sein mögest. Allain verthedis-  
ge solche schwachait nit / als sey es recht. Zum sechsten /  
So greiffte dich Pusillanimitas an / des heiligen Sacraments  
des

des Tauffs halben/ denselben will Sy dir zu nichte vnd vn-  
tichtig machen: Dann dieweil der Tauff der Bundt ist/ ai-  
nes guten Gewissens gegen Gott/nemlich/das du durch den  
gnadenbund zu ainem kind Gottes bist aufgenommen wor-  
den/Gott der HErr ist dein Vatter/Christus/dein brue-  
der vnd Erlöser/der heilig gaist dein Tröster worden. So  
hast du auch Christum in der Tauff angezogen/Dist beklai-  
det mit seiner vnschuld/gerainiget vnd newgeborn zum er-  
ben des ewigen lebens. Sölichen trost aber/anspruch vnd  
erbliche gerechtigkeit des Himmereichs/wolte dir die lieder-  
liche Pusillanimitas gern aufreden: Gleich als wann dir ain  
grosser herr/brieff vnd sigel geben hett/darinnen er dir hett  
verschafft ain gewaltige herrligkeit/ Ain loser Schweher  
aber keme/vnd wolte dich bereden es were nit war/Da wür-  
dest du warlich dem grossen herrn/ vnd deinem brieff vnd si-  
gel/mer glauben geben/dann ainem sölichen losen Fischer  
vnd vnnützen schweker. Also ist jm hie auch/gib Gott dem  
HErrn mer glauben/dann der vnnützen schwekerin/die die  
gern Brieff vnd Sigel vntüchtig wollte machen.

i. Petri 1. 12.

Zum sibenden/ So wil dir Pusillanimitas erlauben das heil-  
ig Abendmal des HErrn zuempfangen/darumb das du nit  
volkommenlich glauben/lieben/vnd deinen feinden verzei-  
hen kanst/Da must du warlich sehen/welchen doch diß Sa-  
crament zuempfangen verordnet sey/nemlich den schwachen/  
betrübten/francken/armen sündern: Dann die wort Chri-  
sti zaigen söliches grüntlich an/das Er denen seinen leib vnd  
blut schenkt/die Sünder sind/Dieweil er spricht/Das ist  
mein leib/der für euch gegeben wirdt/zur vergebung d sündt.

P ij Hie

Hie höre/ wem der Leib Christi zu essen gegeben sey/nemlich denendie Sünder sind/ so rechte sünd haben / vnd derselben gerñ wolten loß sein. Darumb / dieweil hie sünde sollen verziehen werden / so müssen Leut da sein die sünd habē. Wie dan die lieben Apostel selber dazumal noch schwach vnd gebrechlich waren / noch scheuhet. Sy Christus nit darumb / sondern gibe jnen eben derhalben seinen leib / damit sy der sünden los werden / vnd starckmüetig im glauben seyen. Also thue du jm auch / ye mer du schwach bist vnd sünd empfindest / ye ehe vnd lieber du zum Sacrament geen sollest / auf das du dadurch im glauben gesterckt werdest / das Christus für dich in todt gangen ist. In summa / bist du franck / vnd empfindest solche franckhait deiner seelen / so gehe hin / nim die arhney / damit du starck vnd gesunde werdest. Vere dich aber nit daran / das dir Pusillanimitas eingibt / du seyest noch zu vngeschickt dazu / habest noch sünd vnd feindschafft bey dir. Wann du warten wilt / bis so lang du on sünd / fromm / heilig / vnd on feindschafft bist / so must du wol ewig daruon bleiben. Aber dis Sacrament gehört den schwachen / francken / vnd betrübten zu. Vnd das ist auch das recht probiern / dauon d heilige Paulus sagt / das sich ain yslicher selber bewerren sol / nemlich / ob du ain durfftige / hungerige seel habest / gebrechlich vnd der gnaden Gottes dürfftig seyest / ob du gerñ der sünden loß werest / ob du gern ain rain / glaubig / liebreich herrs hettest / Gott damit zudienen vnd gesfallen. Druckt dich nun also der last deiner sünden / der selben woltest du gern loß sein / vnd glauben / das Christus für dich gestorben ist / So gehörest du zum Sacrament / vnd  
empfas

empfahest dasselbig rechtschaffen. Auf solches so gehe nun hin zum Sacrament/ vnd stercke dein herz damit: Dann du hast die wort der göttlichen zusagung/ das Christus für dich armen Sünder in todt ist gangen. Christus hat dich so trefflich hoch geliebt/ das Er für dich gestorben ist/ da du noch ein sündler warest/ Wie wilmer wil Er dich yet lieben/ so er dich nun zu ainem kind Gottes hat gemacht. Zum achten vnd letzten / So wollt dir Pusillanimitas gern vernichten vnd erwöhren/ die tröstliche Euangelische Absolution/ das durch du aus Gottes befehl/ durch den Diener der kirchen/ von allen deinen sünden loß gesprochen wirst. Vnd wie du durch deine vorige gethane sünd verwickelt hast / das dir der Himmel zugesperret/ vnd die Hell aufgethan ist worden/ Also wirdt dir yet durch die Absolution der himmel aufgethan / vnd die Hell zugesperret/ Vnd bist gewis/ wie du hie auf erden/ durch die Absolution entbunden bist worden / von allen deinen sünden/ das du auch also im himmel von Gott selber entpunden bist worden. Stehet dir also der Himmel frey offen/ vnd bist ain Himmelfind worden/ vnd erlediget von allen sünden. Sihe/ solchen trost vnd freihait/ wolte dir Pusillanimitas gern aus deinem herzen reissen vnd verhindern. Darumb ye mer du wirst von jr angefochten / du sehest ain Sünder/ habest feindschafft/ neid/ haß / grollen vnd widerwillen/ ye mer du der Absolution sollest begeren: Dann eben darumb sind die Schlüssel des himmelreichs/ der Christlichen Kirchen geben worden / das Sy solle/ nit die frommen/ gerechten/ vnd heiligen/ die nit mit sünden gebunden sind/ vnd der Absolution nit bedürffen/ sondern die armen/ schwache/

gebrechlichen/beschwerten/verstrickten/vnd mit sünden ges-  
 bundenen Sündern/entbinden/vnd frey von sünden sprech-  
 en / aus Gottes befehl Inen verkündigen vergebung aller  
 sünden/es sey neid / feindschafft ꝛ. oder was es sey. Das  
 rumb so halte vesse an Gottes gnediger zusagung/am Be-  
 bet / am glauben / Tauff / Sacrament / vnd Absolution :  
 Dann das sind die herrlichen grossen schätz des himmelreichs/  
 Vnd lasse dich niemant dauon tringen/sondern ye klaimmä-  
 tigger du bist / vnd deiner sünd schwerlich empfindest / ye ehe  
 vnd gerner solt du dich üben in solchen stücken/vnd dieselben  
 gebrauchten zur sterck : Dann solche grosse gnadenreiche ga-  
 ben Gottes/inm Euangelio/nemlich Gottes wort vnd Sa-  
 crament/sind eben darumb für die armen sündigen Christe/  
 verordnet / damit sy dadurch gesterck / getröstet vnd aufge-  
 richtet werden. Die gesunden dürffen des Arztes nit/son-  
 dern die francken. So zeuch nun fort/vnd bis ain großmü-  
 tigger Held/vnd ain kecker fraidiger Ritter/vnd lasse dir sol-  
 che Hurnaussen nit mer auf den kopff nisten/ fliegen sy aber  
 in die nehe zu dir/so lasse sy für über schwermen / Vnd sey  
 angethan mit dem Krebs des glaubens vnd der liebe/vn nimm  
 den helm der hoffnung/zur seeligkait. Damit schaide ich  
 von dir/ Gott beware dich/du streitbarer Held / pffter vnd  
 ewiglich/ Amen.

1. Thessa. v.

Tristitia.

Trawrigkait.

**A**in trawrig hertz / vnd schwerer mut /  
 sambe ainem zer Schlagnen gewissen / sey aller zeit  
 mit

mit dir/trawriger lieber Ritter / wo gedenck est du doch hin/  
vnd was ist yst dein fürnemen/ wañ wilt du nur ain mal zue  
lenden/ Du bist nunmer eben ain alter Ritter worden. Ich  
gedenck dein lang/ bist mir nie so enlich gewesen / als eben zu  
differ stund/ Ich gedenck /das du ain leichten sün/vnd ain ge  
ringen mut hettest / liessest dich nit leicht etwas beschweren/  
warest gar ain leichtfertiger Mensch / machest dir gar kain  
gewissen/sorg oder anligen / vmb ainer yslichen sachen wil  
le/es galte diralles gleich/ Hiessest Hans ich acht sein nicht.  
Aber schlage doch ain wenig ain mal in dich selber / bedenck  
ain mal/wie zornig Gott ist/wie haif die hell ist/wie bitter d  
Zodt ist/wie lang die verdammus ist/wie schwer / gros/vil/  
vñ manigfeltig dein sünd seyen/wie ain vnbusfertiger/rauch  
los vnd gotlos leben du gefürt hast/in allem mutwillen/yp  
pigkeit vnd vngerechtigkait. Du wirst gleich in Himmel  
kommen/wie ain Que in ain meussloch: Aber folge mir/ich  
wil dir ain guten rat geben/das du from vñ gerecht werdest/  
vnd gen himmel kommest. Sibe/wann du gelobest/das du  
all dein gut vmb gots willen wellest geben/ Thust du das/so  
bist du from/frey vnd ledig von deinen sünden. Oder:wañ  
dir nur etwas einfelle / das du es thun solt/vnd thuests nit/  
so bist du des Zuefels: Wann du ja darzu sprichst / so mustu  
es halten/wie dir einfelle zu globen. Darumb gelobest du/  
das du wellest drey mal zur Stubenthür hinaus gehen/vnd  
thusts nit/so hat der Sathan volle gewalt vber dich. Oders  
Wann dir einfelle/du sollest das reden/thun/leihen/geben/  
nemen ꝛ. vnd gedenck est darnach / du wellest thun / so bist  
du schon gefangen vnd verbunden/ Thust du solches nit/so  
bist



bist du verdambe. Wann du betest/ vnd sahest das Gebet an/ vnd vollendest es nicht/ so bist du verlorñ: Yffest du eben zu diser stund/ vnd feller dir ein/ ja wañ ichs thue/ esse/ trinck zc. so welle ich des Teufels sein: Vnd thuest aber solches darüber/ vnd heltest nicht/ so bist du leibhafftig des Teufels/ mit leib vnd seel. In summa/ was dir in gnuet einfelle zu thun/ vnd du solches allain nur gedenckest/ so ist als vil/ als wann du es geredt hettest. Berredest du dich dann von aussen mit Worten/ vnd sprichst Ja darzu / vnd verbringst nit/ so bist du ain kind der ewigen verdammus. Darumb so hab acht auf mein eingeben/ gedanken/ wort vnd werck/ thust du es/ so wirst du deiner sünd los: Thust du es nit/ wie ich dir eingib/ vnd dir in sün kombt vnd einfelle/ so bist du pñter vnd ewiglich verlorren / da richte dich darnach/ es ist nit anderst dran / es wirdt vnwidersprechlich sein. Darumb ergib dich mir ganz vnd gar/ so wirdt dein sach auf dermassen wol von statten gehen.

## Ritter.



Reicher Gott von Himmel/ wo will es noch mit mir hinauf/ was wil mir noch vor meinem end begegnen/ Wol ain seltsame Bestia ist mir aber das/ sihet gleich wie ain Hystrix/ scheusst so seltsam spizige Börst von jr/ das sy mich schier am gangen leib verwundet hat / wie seltsame pfeil vnd gedanken scheusst sy mir in mein gemüt. Ich main der Teufel welle mich mit gewalt zu ainem kind machen/ vnd mich oberreden/ das ich ain

Hystrix hat  
spizige/ lange  
börst / diesel-  
bigen scheusst  
es von sich/  
wañ es erzür-  
net wirdt.  
plinius lib. 11.

ainem strohalm angebunden vnd gefangen sey. Hilff mir o  
reicher Gott in deinem höchsten thron / wie bin ich so trau-  
rig / vnruhig vnmueticig / vnd so gar inn schwermut ver-  
suncken / Sende mir dein götliche hilff / das ich mit lieb von  
disem Waldteufel ledig werde / Sonst mus ich entlich ster-  
ben vnd zu grunde gehen.

Consolatio. **Trost.**

**D**u maßlaidiger / schwermütiger / trau-  
riger Ritter / wie magst du so ain zerschlagener /  
langweiliger vnd erstarreter Man sein / wie bist  
du so bald traurig vnd klainmütig zumachen.

Ich wil dir in kürz ainen guten rat geben / Wann dir der  
Satan alles was du ymmer von jugent auf gethan hast / in  
seinem spiegel / vnd deinem Register erzelen / vnd zaigen will  
was du für sünd vnd vngerechtigkait gethan vnd gewirckt  
hast / all dein tag / So kan er dir nit mer zaigen / dann was du  
selber gethan hast / Er muße es gleich auf wie er welle: Das  
du auch ander leut habst zu sünden geraist vnd verursacht /  
Was ist dann mer? So lasse in dieselbig hoch gnueg auf-  
mussen / vnd groß machen: Du aber dagegen thue im also /  
Zaige Im auch etwas / das gros vnd wichtig ist / Halte Im  
den Euangelischen spiegel für / vnd erzele im / als aus ainem  
Register / alle die gnad / gunst / barmhertzigkait / freuntlig-  
kait / gutwilligkait / wolthat / leiden vñ sterben / müe vnd ar-  
beit / die Christus Jesus dein HErr vnd Seeligmacher / dir  
zu gut / vmb deinet willen / aus lauter trew vnd liebe / für dich  
gethan

gethan vnd gelitten hat. Da lasse nun sehen/welches gll-  
tiger/mechtiger/gewaltiger/herzlicher vnd angenehmer sey/  
vor Gott dem Vatter/welches schwerer sein werde/vnd  
mer hinweg/Lasse yst den Satan auf die wag legen/alle  
deine sünd vnd vbertretung/Leg du dargegen auch auf die  
wag gegen vber/in die ander schüssel/alle den verdienst/müe  
vnd arbeit/todt/creuz/marter vñ blutuergiessen des Sons  
Gottes des allerhöchsten/Las sehen wer alsdañ hie bestes  
hen/vnd wo die wag hinschlagen werde. Wollte dir der ver-  
fluchte Satan das Leiden Christi so vngültig machen? das  
es nit souil vermögen solte für ain ainigen Sünder gnueg  
zethun? vnd ist ain gnuegsam Dpffer für der gansen Welt  
sünd/für souil tausent/vnd aber tausentmal tausent Sün-  
der/Schelck vnd böse buben/Vnd solte für ainen ainigen  
Klainen sündler vnd schalck/nit gnuegsam sein gelten/kress-  
tig sein/vnd gnueg können thun? Ach pfuid der schand/der  
schmach/vnd grossen gotstlesterung/Solte der Teufel sol-  
che gotstlesterung dem kostbarlichen Tod Christi anthun?  
Verflucht sey er vilmer in abgrunde d' Hellen/Gott schen-  
de in auch ewigklich/Amen Amen. Zum andern/So  
lasse nun den Teufel so fern kommen vnd handeln/das Er  
dich für ain grossen sündler anklagt vnd ausschreyet/merck  
aber hie/vor wem er dich anklage/vnd wer zwischen dir vnd  
dem Satan/der Richter entlich sey/Nemlich Jesus Chri-  
stus/ain Richter der lebendigen vnd der todten. Ist aber  
Jesus Christus der Rechtspreeher/der zwischen deiner sünd  
vnd dem Satan/das vrtail sprechen vnd fellen sol/so stehet  
die sach außdermassen wol auf deiner seiten/vnd hast ainen  
grossen

grossen vortail: Dann v Richter haisset Jesus/ Jesus aber  
haisset nit ain verderber/ verdammer vnd verstoffter / sonder  
Er haisset Seeligmacher: Haisset Er nun Seeligmacher / *Matth. 12*  
so wil er auch dich/ seinem ampt nach / wie sein name lautet/  
seeligmachen/ vnd nit verdammen. So haisset Er auch Chris-  
tus/ als der der recht gesalbte König von Gott eingesetzt ist/ *Psalm. 6:*  
zuschützen vnd schirmen die armen sündler/ vordem Teufel.  
So halte dich ykunder dises deines Vortails / Rechts vnd  
anspruchs/ vnd lasse den Satan mit dir für gericht / für di-  
sen deinen Seeligmacher vnd König kommen/ So wirdt Er  
maisterlich anlauffen/ die hend verbrennen / vnd das vrtail /  
so Er vermaint hat vber dich zufüren / vber seinen aigenen  
hals hinaus gehen. Siehe dise that erzaiht vnd beweisse  
Gott dein Herr/ dir zu gut/ das also der Teufel vber dir zu-  
schanden mus werden/ vnd nichts anders schaffet / dann das  
er das vrtail Gottes zur ewigen verdammus/ besser schwerer  
vber in ladet vnd heuffet. Zum dritten: Wo aber der Sa-  
tan dich zwischen jm vnd dir allain / deiner sünd halben für  
gericht wollt fordern / vnd Er selber wolte der Richter vber  
dich sein / dich schrecken / traurig vnd klaimmüetig machen /  
So lasse dich nit erschrecken/ Sonder tritt jm feck vnter au-  
gen/ vnd sprich: Hörest du vnuer schambter gaist/ wer hat  
dir gewalt vnd macht geben / das du vber mich Richter sein  
sollest/ Bist du doch weder mein Gott noch mein Herr/ du  
verdambter gaist/ darffst du so vnuer schampt Gott meinem  
Herrn in sein ampt vnd vrtail fallen? Der Herr straffe dich  
in ewigkait/ Diser anlag vnd Rechtens / wil ich dir nit be-  
stendig sein: Dann du hast sösches weder fueg/ gewallt noch

recht/Dich aber / als von Gott ainen verdampfen vnd ver-  
stosfen gaist/wil ich anlagen/ vnd für gericht sodern/ als  
Johan, viij.

aine schedlichen lügner/ vnd vnbarmerhertigen mörder.  
Sihe frommer lieber Ritter / also solle du dich vor dem Feu-  
fel fristen / bewaren/ vnd mit ime in freyem feld ain treffen  
thun/ in Christo deinem Herrn. Also kanst du in auf dise  
dreyerlay weiß angreifen/ vnd aus dem feld schlagen/ Vnd  
eben mit seiner aignen weer/ damit Er dich schlagen hat wel-  
len/ In damit überwinden: Das ist dann ain rechte Davids  
thut/ den feindt mit seinem aignen schwert vmbbringen.

1. Regum xvij.

Zu lest / Wann der Satan an dich kombt/ vnd will dich in  
deinem gewissen verzagt machen/ verwirren/ verstricken vñ  
gefangen nemen/ So frag in / ob Er dein Gott sey/ das Er  
sich so durstiglich vnter stehen wil/ dein gewissen zuregieren/  
eigene/erwelte/ selbs erdichte vnd erlesne glübd / in dein ge-  
wissen zutreiben vnd zuschlagē/ vñ dich also zemaistern/ mit  
erdichten gesagen vnd ordnungen. Der Satan triebe dich  
zulest dahin/ das alles/ was du gedechtest/ redest/ thetest/ vn-  
recht sein müste/ bis so lang das Er dich so vnruhgig vñ trau-  
rig machen würde / das Er dich zulest auch bereden würde /  
das du dich selber tödten müstest: Oder Er würde dir einge-  
ben/ du müstest sein aigen werden/ Hette also der Satan ain  
zwickmüle/ vnd ain zwifachen gewin/ Er tödtest du dich sel-  
ber nit/ nach seinem eingeben / so beredet Er dich / du werest  
von wegen solcher gelübd vnd vngheorsams / sein aigen.  
Tödttest du dich dann selber/ aus aignem durst/ vnd des Feu-  
fels trib/ so werest du gleichwol auch sein. Also kan dich  
dann der Satan an zwo grosse ketten fassen/ binden vnd ge-  
fangen/

fangen halten/nach seinem willen. Darumb solche gedanck  
sollen aller ding aufgeschlagen/vnd dem Teufel widsprock  
en werden / vnd solst dieweil für solche gedancken ein Bat  
ter vnser beten. Darumb schlag solche gedancken aus/so  
lieb dir dein seel ist: Dann wann Er dich schon zulezt nit inn  
tode bringet/ so hellt Er dich doch in des dieweil auf / das du  
die rechte Gebot/die dir dein Gott zuthun befolhen hat/ vn  
terlassest vnd verseumest/ füret dich dieweil auf dem narren  
sail herumb / mit seinem geiffer / vnd machet dir aigne newe  
gebot/die treibt er dir so hart in dein gewissen / das du damit  
souil zuschaffen gewinnest/ das du dieweil die hail samen ges  
bot Gottes aus der acht lassest vnd verseumest/ vnd dich das  
mit toll vnd töricht macht/ So ain listiger schelm ist d Teufel.  
Darumb so bleib aller ding mit jm vnuerworin: Sihe  
wann du ainen menschen waisst/der ain lügner ist / so hüttest  
dich vleissig vor jm/ glaubst vnd trauest jm gar nichts/ Wie  
vil weniger sollest du disem grossen lügner glauben geben/ d  
durch seine lügen das ganz menschlich geschlecht betrogen  
hat. Item/wan du waisst/das ain mensch etwa ain mörder  
ist/ so bist du nit gern allain vmb In/ auf das er dich auch nit  
haimlich ermörde / Waisse du nun/das der Teufel der  
grösste mörder ist / d alle menschen jämmerlich ermördet hat /  
vnd woltest dich In vertragen? Gehe sein müssig / mit ges  
dancken/worten vnd wercken/das rate ich dir treulich.

Desperatio.

Verzweiflung.



Nun bin ich ausdermassen hoch erfreuet  
worden/

D iij

worden/das ich dich hie also allain finde/du ellender Ritter  
Dann da kanst du mir nimmer entrinnen/ du hast der strick  
zuwil am hals/ meine trewen Schwestern haben dich ange  
sailt/ Vnd wiewol du mainest/du seyest Inen entgangen/  
so haben Sy dich doch gern von jnen entschlupffen lassen/  
aber gleichwol nit aller ding los gelassen/ sonder Sy haben  
jren angel in dich geschlagen/ auf das du mir destminder ene  
lauffen moegest. Darumb so wil ich dir yst disen Jeger spieß  
an hals setzen/ vnd hie fürüber dich weiter nit kommen lassen/  
Derhalben ergib dich mir/ du bist mein aigner gefangner/  
Ich will dich auf meines Herrn hofrecht annemen. Du  
bist in seiner herrligkeit ergriffen worden/ als d' grössste sün  
der/ vnd greulichste vbeltheter. Wilt du es aber nit glau  
ben/so stehe hie still/höre mir zu/ich will dir erzelen/ Ist im  
nit also/so wil ich vngerecht sein. Höre/ist dir nit wissend/  
wie du in der Christlichen Euangelischen leer so vnuerstend  
ig/vngegründet/vnd so strig vnd zweifelhaftig bist/hast  
gar kein rechten verstand deines Christenthumbs? gehöre  
das ainem rechten Christen zue? Du verstehest noch deinen  
Catechismum nit/ verstehest das geringst Euangelion nit/  
in allen Euangelisten/ vnd hast dennoch bissher gut Euang  
gelisch wollen sein. So darffstu auch frey vnd vnerschrockt/  
vor der Welt deinen glauben nit bekennen/ Du leereft dein  
aigne kinder/gesind/ vñ deine verwandte nichts rechtschaf  
fens. Wo ist dein glaub/ vnd vertrauen zu Gott? steckest  
vol sorg vnd vnglaubens, Wo bleibe die forcht Gottes inn  
deinem herzen? bist wol dagegen sicher/vermessen/vnd gote  
los. Wo ist die liebe Gottes in deinem herzen/ zu deinem  
Gott

Gott der dir souil trew vnd liebe erhaigt hat? Ja in herten  
feind bist du deinem Gott/ murrest wider In / etwa in aller  
geringsten/ Das aller geringste stuck thetest du nit/ aus liebe  
deines Gottes. Sihe nun/ wie du dich wider das allerhöchste  
vnd erste gebot/ so schwerlich verschuldet hast. Wie  
vil frembder Götter hast du in deinem herten/ Dein hert  
stecket vol Abgötterey/ zauberey vnd aberglaubens. Nun  
wolan/ es ist ist nur vmb den allerersten wurff geworffen /  
ich will weiter faren/ Höre vnd mercke mich gar eben/ dann  
es gehet dir an das leben. Hast du Gottes Namen nye miß-  
braucht/ Ja wol nye? Keine stund hast du schier hinkommen  
lassen/ darin du den namen Gottes nit yppiglich auf deiner  
zungen gefüret hast/ mit fluchen/ schweren/martern/ liegen  
vnd triegen/vnter Gottes namen. Hast du Gottes Nas-  
men nye zu zauberey/ segen / vnd sonst in mancherlay weiß/  
schentlich mißbraucht? Ja/ ich weiß wol von dir. Hast du nie  
deinen trewen Gott hinder der thür lassen stehen / vnd hast  
seine abgestorbne Heiligen/ in deinen nöten angerüffen/ vnd  
dich zu jnen verlobt / die götliche ehr Gott entzogen vnd ge-  
raubt / vnd etwa ainer Creatur zugelegt / die dir geholffen  
hab? Bist du auch deinem Gott danckbar gewesen vmb al-  
lerlay empfangne wolthat? Hast du auch Gottes Namen  
hoch gepriesen/ gelobt/ geehret/ vnd jm allain alle ehr gege-  
ben? Ja wol / dich selber hast du wol gerümbt vnd geprieset.  
Du hast nie ergermus mit vnrechter leer/ vn falschem got-  
tesdienst angericht/ getrieben/ vnd andere dabey verthädigt?  
So hast du nye mit deinem sündlichen/ öffentlichembösen  
leben/ Gottes Namen gelestert vor den Feinden des Euan-  
gelis



gelions? Bistu doch allzeit ain mutwilligs kind gewesen von jugent auf. Sage mir/añ welchem feirtag hast du mit ernst vnd vleiß Gottes wort gehört? den waren gotsdienst helfen verrichten? mit beten/singen/vnd gott loben: Wann hast du ye ain mal das Sacrament recht empfangen? da du in rechten glauben vnd danckbarkait vor Gott erschinen bist: Du bist gleich vnter den glaubigen in die Kirchen kommen / wie dort der Satan vnter die kinder Gottes trat. Ach deiner andacht/deines gotesdienste. Lieber/Wann hast du ain mal recht Gott deinem Herrn von herken gebeichtet? Wan hast du dich ain mal recht versonet mit jm? Wann hast du dich ain mal/all dein tag/in ain rechte Christliche pueß gegeben vnd gehest daher müßig/in gleißender andacht. An welchem Sonntag hast du yemals ain guet Christlich werck erzaiget? ain gotselig leben gefürt? Ach deines feirens: Kain laster ist dir am Feirtag zuuil gewesen/ mit aller vnzucht / yppigkait/mutwillen vñ büberey/Noch hast du dich selber besprechen wollen / du seyest außdermassen from / vnd Gott stehe auf deiner seiten. Harr/ich will dir das wappen deiner Ritter schafft basz fister vñ heraus streichen/ Ich mus dir doch den garaus machen/vnd den kerab pfeiffen / wer wais wann du mir so bald mer zutail wirst/vnd ich vrsach hab. Bist du auch(mein zartes liebes kind) all dein tag / in deiner kindhait vnd jugent/ain gehorsam Sönlein deins Vatters vnd mueter gewesen? Du bist nie vngehorsam gewesen/ sonder nur stressich/ mutwillig/ fronsträck vnd vnbendig: Hast nie deinen eltern gefsuchet? wid sy gemurret/den todt gewünscht/ ver spottet vnd verachtet: Du bist ain vnschuldigs kind des  
ersten

ersten Adams? Hast du auch deinen nechsten nye beschediget/ arge gewinsche/ begert/ gethan / neidig vnd heffig auf  
jn gewesen? hast nye vnschuldig blut vergossen? darzue geholffen/ rath vnd vrsach dazu geben? Hast du auch aus liebe vnd barmhertzigkeit/ dich deines nechsten / inn leibs gefar angenommen? Sein leib vnd leben helffen retten / schutzen vnd verthediget? Du bist auch all dein lebtage ain rainer keuscher / schamhafftiger Jüngling gewesen/ Bist nye zu winckel gekrochen/ vnd haimliche schand begangen/ Eweiber vnd Jungfrawen hast du allzeit in grosser huet gehabt / dieselbigen bey tag nye aus den augen gelassen/ bey nacht nye aus deinem herken geschlossen: Dwie vil böser/ vnrainer gedanken hast du gehabt/ wievil böser vnzüchtiger / schambarer wort / hast du ausgezogen / andere damit angeraigt / Ich wil ys geschweigen/ der bösen ticken vnd thaten: Dann ich scheme mich selber/ die grossen laster zuerzelen / sonderlich hie vor meinen Jungfrawen/ die ich wol von dir wais/ so du gethan hast in den wincklen. Wie offft (sage mir) hast du deinen nechsten betrogen an seinem gut / vnrecht gerichtet/ gehandelt/ sincket/ gestolen vnd abgetragen: Wann das aller erst vnrecht gut / so du an dich gezogen hast / were feurige kolen gewesen/ so hettest du langst kainen finger mer an der hand / Du hast nye gewuchert/ geraubt/ mit gewalt vnd freuel deinem nechsten das sein nye vorbehalten? So hast du nye gelogen? hast nye falsche zeugnus geben? du hast / ja wol / nye die lügen für recht verthediget / vnd die warhait mit lügen zu ruck getrieben? Dliegen/ vnd triegen ist dein täglich gewerb gewesen/ Soltest du an der ersten lügen gestorben

R

storben

storben sein/du werest nit drey jar alt worden/ Wievil hast  
 du der lügen seyt her gethan/ Du hast auch nye frembd gut  
 begert/ darnach gestellt vnd getrachtet? Auch deines nech-  
 sten eegemahel nye ain meil wegs von dir begert, du hast dem  
 Felichen stand nye kain hütlein aufgesetzt/ vnd ain verdeck-  
 tes mentelein angezogen? Du bist glas lauter/schön vnd  
 hell / wie ain finstere rostige Laterñ. Darumb wol auf jnn  
 mein Reich/mit mir/ Ich wil dir der Büben himel zaigen/  
 Ergib dich nur willig drein / wirff dir disen strick selber an  
 halß/so kombst du an basten dadurch/ Du hörest wol/wie  
 ich dir den Kittel des alten Adams gewesen hab / Ergib  
 dich drein/du bist doch mein/ es kan vnd mag nit anderst sein.

## Kitter.

**W** Reicher Gott von Himmel/wie bin ich  
 in ainem so wüsten getümmel/ wie bin ich so gar  
 verlassen/ wie ist mir ymermer so angst vñ wee/  
 Ich main der Zeufel welle mich zu stat reiten/  
 Dwie ain erschrocklich greulich Thier ist hie an mich kom-  
 men/wie sperret es den rachen auf/wie finckten jnn die augē/  
 wiebleckt es die zeen/wie hat es so greuliche klawē? Ich halte  
 entlich dafür/es sey ain reissender brüllender Leo / Ich hab  
 In in der finstere nicht recht sehen können / so ist mir gleich  
 das gesicht vor schrecken vergangē/ich bin gar erstarret/ach  
 were ich von jnn loß/wie schlegt er mich mit seinem schwanz  
 so übel / wie hat Er mich vmbbringet/ wo wil ich hinaus/hie  
 isßs gar aus/alles verlorñ/Er hats mit mir gar ybermachtet  
 Ach

Ach Gott / es wil zuuil vnd zulang werden / Gott bleibt zu  
lang aus: Wer bin ich doch? das sich Gott mit gewalt also Job vs:  
wider mich legt / will er dann ain Strohalm also verfolgen?  
Ach were ich nur gestorben / das ich solch vnglück vnd leiden  
nit mer sehen vnd empfinden dörrft: Verflucht sey der tag Job 14:  
doran ich geboren ward / o das ich nie auf Erden komen wer / Hieremie 17:  
Bin ich dann allain der aller bösest vñ verdambest mensche  
will dann yederman so eben an mir gerecht werden / Kan sich  
dann ain mal der Teufel mein nit gnuenieten / will er dann  
haut vnd har / leib vnd Seel gar miteinander haben / Sihe /  
ain hin / das ich nur dein abkomme / das ich doch der marter  
vnd plag ain mal los werde / Ich kan vnd wais mich nit mer  
zuerhalten / Ich mus in summa gar verzweiflen / es will doch  
nit anders sein / mein grosse sünd treibē mich / mein gewissen  
naget mich / der Teufel plaget mich / die wellt schirt mir die  
brentte / So bin ich von Gott gar verlassen / Er schweiget  
aller ding still / hat mich der wellt für den höchsten vbelthes  
ter zuplagen vbergeben / so hat er mich dem Teufel für ainem  
marterer aufgeopfert / Ich mus des Teufels sein / Er wels  
le dann mein nit: Dann Gott wil mich nit: Ach meine sünd  
sein grösser dann das ich gnad erlangen möge / Wolher bald Gene. 14:  
dian / wo ist der strick? wo ist das schwert? will mir niemant  
helffen / so will ich mir selber helffen / Komme her du bitterer  
zodt / vnd mache meines jamers ain mal ain end / damit ich di  
ses leidens abkomme. Wolher feur / wasser / hagel / schaur /  
Zodt vnd Teufel / reisset vnd wirget / damit ich der marter  
ain mal gar abkomme.

Spes. Hoffnung.

**H**öre höre/halt still/halt still/thue dir bey  
 leib selber nichts: Dann ich hab eilents etwas mit  
 dir zureden/was woltest du da machen das ist kein  
 recht Christlich Ritterspil/ also verzweiffen an Gott/ an  
 dir/vnd an allen menschen/ Wo sind deine vorige Ritters-  
 liche thaten? wo bleibt dein Schilde der glaub: Wo bleibt dein  
 schwert? Gottes wort: Wo bleibt der Krebs? die gerechtig-  
 keit: Wo ist dein Helm? das hail: Ist das der harnisch Got-  
 tes? Lassst dich so bald abtreiben/ matt vnd verzagt mach-  
 en? Was haben dann meine getrewe schwestern bey dir auf-  
 gerichtet? Ich merck wol/wann Sy dir nit so hefftig ange-  
 legen weren/so werest du gar zu grundt gangen/ehe ich kom-  
 men bin. Waissst du nit/das nach grossen vngewitter bald  
 wider das liecht scheint? Nach einer schwarzen Wolcken/  
 kombt bald wider die Sonn herfür/ Nach der dicken finster-  
 nus/kombt bald d' helle liechte tag/ Hast du nit ain weil kön-  
 nen innen halten/still sein/harren/vnd hoffen/ kanst du dich  
 dann nit bas an mich halten/Waissst du nit wie S. Paulus  
 sagt/Hoffnung lasset nit zuschanden werden. Vnd d' Pro-  
 phet Esaias/ Durch still sein(spricht Er)vnd hoffen/wer-  
 det jr starck sein. Gott der Herr versuchet ain zeitlang/vns  
 ter dem Creutz/die seinen also: Er will dich probieren/ob du  
 an seiner zusagung/warhait/gnad vnd barmherzigkeit/  
 steiff vnd veste halten wellest. Gott der Herr hat dich ain  
 wenig vnter das wasser getaucht/vnd dich ain weil schwim-  
 men

Ephes. vi.

Roma. vi

Esai. xxx

men lassen/hat dich darumb nit ertrencken wessen / Er hat  
dich auch ain wenig vnter die mörder fallen lassen/ aber du  
bist noch von kainem verwundet oder vmbgebracht/ vnd du  
wilt dich selber vmbbringen / So ain verzweifelter Rit-  
ter bist du/ Thust gleich wie die verzagten Krieger / Wann  
sy in einer Feldschlacht/ nur ain kugel vber den kopff hören  
sauen/ so werffen Sy wöhr vnd harnisch von inen/ stichen  
on alle not/ in ain wasser / vnd ertrencken sich selber / Die  
weil wirdt die Schlacht von irem Hauptman erobert / vnd  
wer bestendig bliben ist/ kombt mit dem leben dauon/ legt ehr  
ein/ vnd erobert in der außbeut gros gelt vnd gut. Also wol-  
test du jm auch thun/ nicht also lieber Ritter/ Es dunckt dich  
du habest vor dir drey grosse feind/ mechtige Risen / vnd ge-  
waltige Giganten gesehen / Die haben dich erschreckt / dies  
weil sy zugleich allesambt miteinander haben an dich gewelt.  
Der erste starcke vnd gewaltige feind wid dich / das ist Gott  
selber/ wie dich dunckt / Er sey dein feind worden von wegen  
deiner sünd/ der macht dir himmel vnd Erden zu eng/ wann er  
sich gegen dir zornig sehen lasset/ Da mustu in aber alsdann  
nit mit leibliche augen ansehen / sonder dieselbigen zuethun/  
vnd die gaislichen augen/ aines glaubigen hersens wol auf-  
thun. Du must auch nit der vernunfft vnd empfindnus nach  
vrtailen vnd rechnen / sondern nach dem verstand des glaus-  
bens / So wirdst du alsoann/ wann dir das blerz von augen  
vergehet/ nit mer sehen/ wie dich zu erst gedaucht hat/ Sons-  
dern wirdst ain ander gesicht sehen / nemlich / das Gott nit  
dein feind/ Richter/ straffer/ vnd verdammter ist / sondern dein  
Erlöser/ Hailand vnd Helffer: Dann er stehet darumb da/

zur zeit deines leidens/das Er achtung auf dich habe/ das du  
nit ombkometest vnd verderbest/ Er sihet wol dem Satan ein  
weil zue/ vñ wann Er den rachen seer weit aufgesperret hat/  
vnd maint Er welle dich verschlucken/ so reisset dich Gott  
schnell dauon/aus seinem gyrigen rachen/ vnd wirfft jm das  
gegen hellisch feur in schnabel: Aber du trauest deinem Got  
nit/hast ymer sorg er verkürze dich/du werdest vom Teufel  
vbercilet/ Haltest von Gott/gleich wie sonst von ainem an  
dern menschen/vnd willt nit erkennen die allmechtige/ewige  
krafft vnd huet/Gottes deines HErrn/ Wie Er dann ain  
frommen Hiob erkaigte/ Da kundte jm d Teufel nit mer zue/  
dann souil jm Gott zueliech/ Sein leben kundt Er jm nit nes  
men/noch vilweniger sein seel. Darumb so lasse dich das  
eussertlich empfinden / hören vnd sehen / nit so feig vnd vers  
zagt machen/es treugt dich außdermassen seer/wann du dem  
empfinden nach rechen willt/ der Teufel machet dir bald ain  
plerr für/damit Er die oren and augen erfüllet/das du taus  
sent aid schwürest / es were das feld vol Kriegsvolck / vnd  
wann du es recht beim liecht besihest/ so ist es nur ain blawer  
dunst/vnd ain klainer böser rauch / der dir deine augen blen  
det. Du must des Satans list vnd weis wol lernen erkens  
nen. Du soltest dich wol etwa ob ainem holzstock entsehen/  
als were es ain geharnischer Man / gleich wie ain scheuhes  
pferd thuet/sihet etwo ain Stock für ain Bern an: Also  
mus dich Gott dein HErr vnter die sporn fassen / vnd zum  
stock hinzu führen/so wirstu gewar was es ist/Sonst sörch  
test du zuletzt wol deinen aignen schatten / wie die kind pflegē  
zuthun. Darumb wann dich dunckt/vñ in deinem blöden ver  
zagten

zagten herzen merckest / das Gott vber dich zornig ist / von  
wegend deiner vilfeltigen sünd / So hast du dargegen Chris-  
stum auf deiner seiten / der hat des Vatters zorn gestillt / deis-  
ne sünd gebüßet / der gerechtigkeit Gottes gnueg gethan /  
vnd des vatters huld vnd gnad erworben. Darumb bewegt  
ysander Christus dein Herr / so du in anruffest / des vatters  
herz / nit zu grösserm zorn / sondern zu grosser barmherzig-  
keit: Dann wo der sünd vnd vbertrettung vil ist / Rom. vi  
auch die gnad dester mehr vberschwencklicher sein / damit die  
sünd dester reichlicher vergeben werden. So bewegt nun  
Christus dein H<sup>E</sup> Rden Vatter zur liebe vnd trew / nit zu  
rath vnd feindschafft: Es bewegt auch yst der heilige gaist  
dein sündig herz nit zur verzweiflung / sondern zündets an  
zu glauben. Daraus volgt / das solche schwermütige / ver-  
zweiflete gedanken in dein herz kommen / nit vom heiligen /  
sondern vom bösen gaist / welchen du dich nit betrieben noch  
also in dein herz sollest nisten lassen. So hast du yst ais-  
nen grossen vortail / wider den bösen feind: Dann du bist nit  
allain / wie dich dunckt / sondern Gott der Vatter stehet bey  
dir mit seiner trew vnd liebe / Gott der Son stehet da / dich  
zuuerthädigen vnd verantworten / So ist Gott der heilig  
gaist da / dich zu trösten vnd zu stercken / Wann du dann sol-  
ches von herzen glaubest / so erfülltest du yst das erst vnd  
höchste Gebot: Dañ du hast in deinem herzen kainen fremb-  
den Gott mehr / sintemal sy dein trewer Gott / durch solch  
Creuz vnd Leiden / alle aus deinem herzen geworffen / vnd  
getriben hat / Ist also Gott der H<sup>E</sup> R ain rechter Bösen-  
fürmer in deinem herzen: Wañ Er nun also die frembden  
Götter



Götter alle aus deinem herzen / durch creuz vnd leiden / ge-  
stürmet hat / So setzet sich dann Gott der Herr selber an  
die stat / ruet in deinem herzen / weihet es mit dem heiligen  
geist / schmückt es vnd zieret es mit Göttlicher forcht / liebe vnd  
vertrauen / das du anfahest / das erst / vnd allerhöchste gebot  
Gottes zu erfüllen / aus welchem die andern alle heraus flie-  
sen vnd quellen. Vnd ob du schon hernach in den andern  
noch etwas schwach vnd vnuollkommen bist / so rechne dir  
doch Gott d' Herr nit zue / von wegē deines glaubens / vñ er-  
füllung des ersten Gebots. Also must du lernen vnd er-  
fahren / die grosse gnad Gottes / sein trewe hülff / wundwerck  
vnd götliche gehaimnus / welches Er den seinen / vnter dem  
Creuz zuerkennen gibt / vnd sich inen aufs aller vätterlichst  
offenbaret / zum ewigen leben. Also wirst du zu lezt /

mein trewer frommer gotseliger Ritter / gewar / das dreyer-  
lay grosse anfechtung bey den Christen erfunden werden /  
vnd ist ymmer aine schwerer vnd grösser dann die ander.  
Die erste / so schwer vnd gros ist / die ist dise: Wann Gott  
der Herr dich von aussen angreiffe / vnd beschweret dich et-  
wo lang / mit krankheit / armuet / gefengnis / verachtung /  
verlust zeitlicher ehren / güter / wolffart ic. Wer dise erste nit  
ertragen kan / vnd darinnen dultig sein / hoffen vnd harren  
auf seinen Gott / der fellt gar bald in vngedult / murren / vnd  
verzweiflung / wie dann dir widerfahren ist.

Die ander Tentation vnd anfechtung / ist noch vil schwerer  
vnd grösser / die geschicht alsdann / wann sich Gott d' Herr  
nit allain von aussen / mit seiner hilff enzeucht / sond auch du  
inwendig in deinem herzen / kainen trost / hilff noch beystand  
empfin

empfindest/dunckt dich nit anderst/dann Gott sey dein feind  
worden/welle dich von seinen augen verstoffen/ Da fahet  
dem herz an vnruedig zuwerden / dein gewissen zaplet vnd  
zweiflet/vnd empfindest dich nit anderst/dann als welle dich  
Gott gar faren lassen.

Die dritt anfechtung/ ist die allerhöhest/schwerest vñ grös-  
fest/Wañ du vnter dem Creuz also mit irrdischen gedanckē  
vberfallen vnd betrüebet wirst/das dich dunckt/vñ sich auch  
also alles ansehen lasset/als sey gar kain Gott/wed in him-  
mel noch auf Erden: Dise ist ain schwere/sorgliche anfech-  
tung: Dann Sy nimbt dir allen trost hinweg aus deinem  
herzen/nit allain Gottes wort/sein gnedige hilff / sonder es  
wirdt dir auch Gott der HErr selber hinweg genommen/  
gleich als sey kain Gott vberal / vnd geschehe alles / also on  
gefar anhin. Darumb must du da vessehalten / in sölicher  
dicken finsternus/vñ dich nit vberreilen lassen/Sonder hof-  
fen/auf hoffnung da nichts zuhoffen ist/ Sintemal d glaub  
ain gewisse zuuersicht ist/des yemigen/das zu hoffen ist / vnd  
nit zweiflen an dem/das man nit sihet. Es ist wol ain schwe-  
rer kampff mit Gott wider Gott kempfen/mit Gottes wort  
wider Gottes wort streiten: Aber das ist der aller hefftigest  
streit/wann dir der Satan aller ding / Gott deinen HErrn  
aus den augen will thun/ vnd dich bereden / Es sey gar kain  
Gott. Darumb halt /als ain starcker held/vnd kōner Rit-  
ter / vesse an der hoffnung / vnd lasse dich dauon nit abwen-  
dig machen/Es gillt hie verlust vnd gewin / Verleurest du  
das feld/so bistu ewig verlor vnd gefangen / Beheltest du  
aber die feldschlacht/ so erlangst du das ewig himelisch Kōn-  
igreich/

Roma. xxiij:  
Heb. xi.

**S** nigreich/

nigtreich/bleibst ain Ritter in ewigkeit. Also erfereft du  
entlich. Das dem Gott/ den du in anfang/zur zeit d' anfecht-  
ung / etwas ernstlich / vnd vngestaltt gesehen hast/nit dein  
feind ist. Darumb sihe in recht an/Seine gestalt ist wol am  
ersten anzu sehen etwas dunckelcarb / auch gleich schwarz /  
vnd hat ain greuliche heßliche gestalt/ Aber er ist an im sel-  
ber nit also/wie du in von aussen ansiehst/das er dich heßlich  
duncket/Sonder es ist deines blöden gesichts schuld/ deines  
forchtisamen erschrocknen hertzens / vnd der finstern betrübe-  
ten nacht/darinnen er dir in deiner not/auf dem vngestümen  
Meer erscheinet/ Gleich wie in die Apostel auf dem Meer  
sahen Marci am 6. da sy not litten/ vnd den todt vor augen  
sahen/waren sy so erschrocken vnd forchtisam/das sy alle in  
Schiff gedaucht / Christus der auf dem wasser daher gieng  
(zu jnen eilet/ vnd helffen wollt) were ain gespenst: Da  
sahen sy allain in duncklen ort/aine gestalt vnd figur/aines  
grossen dings / Die bildnus aber/vnd den rechten anblick/  
nemlich das lieblich angesicht Christi/ sahen sy nit/ Sy hör-  
ten auch von ersten seine tröstliche red/vnd fröliche stimm nit/  
alleweil er in zuhinnahmen war/ Bissolang. das er sich mit  
den allerholdseligsten worten hören ließ, vnd Sy mit disen  
worten tröstet/also: Seyt getröst/ich bins/fürcht euch nit/  
vnd trat zu jnen in das Schiff/ da wurden die Junger fro/  
vnd die vngestüme des Meers höret auf. Also hab achtung  
in deinem leidē/nit wie es gestalltet ist/von aussen / in deinen  
augen/das jenige so du siehest / dir fürkombt vnd erscheinet/  
Sonder was/vnd nit wie/wie/wie es ist. Dann dein gesichte  
betreuge dich / dem volge nicht / dein dunckel vnd empfinden  
ist

ist falsch / das macht dein herz ist verzagt vnd erschrocken.  
Du must nit seyen / wie die forchtsamen Kinder bey nacht /  
waan sy zum fenster hinaus sehen / vnd etwa ans zaunsteckens  
oder stocks anjchtig werde / so mainen sy es sey am pus /  
vnd am scheusslicher grosser Man / der sy fressen well. Halle  
du still / wann du . einen Herrn / in leiden / fur deinen Jund  
ansihest / vnd warte / biß er dich zulest mit seinen freuntliche  
worten anredet / vnd dich tröstet: Dann Er ist bey dir in lei-  
den / wie Er selber sagt / *Eccum sum in tribulatione:* Aber *psalm. re*  
nit ist er bey dir in leiden / wieder Hencker Herodis / bey Jo- *Marci vi*  
hanne dem Zeuffer in gefengknus war / das er dir den kopff  
wölle abreißen / Sonder das er dich durch seinen Engel da-  
raus erledigen well: Wie er Petrus thet / vnd in aus dem ge- *Acto. xij.*  
fengknus ledig machet / vnd vom schwert Herodis errettet:  
Also war Gott der Herr auch mit Paulo vnd Sila / in ge- *Act. xvi.*  
fengknus / Ob Sy wol Gott den Herrn erstlich mit sachen /  
in tuncel vnd finsternus / So war Er doch seer nahet bey  
inen: Wie Er sich dann zulest mercken ließ mit seiner all-  
mechtigen krafft vnd gegenwertigkeit / das sich die grunda-  
feste vor in bewegten / vñ wurden von stundan alle thüren  
aufgethan / wie sich an erdbidem bewegt / vnd wurden aller  
bandlos: Da ließe sich warlich Gott der H E Xr gwaitig  
gnueg sehen / vnd erzogte seine wundbarliche hilff vñ trew /  
gegen seinen lieben auferwelten Dienern. Also ist gewis-  
lich war / wie von im in Hohenlied Salomonis stehet: *Si Cant. q.*  
He / er stehet hinder vnser wand / vnd sihet durchs fenster / vñ  
gucket durchs gitter / Er spricht jimmer zu / mein freund ist  
mein / vnd ich bin sein. Darumb so wirdt dich Gott nit ver-

S ij lassen /

lassen/warte nur getrost sein / in der seeligen Hoffnung.  
Der ander feind/den du hie vor dir gesehen hast/nemlich den  
grossen Giganten/das ist der Hellsch Fürst / der Gott die  
ser Welte / der ist gewislich dein rechter Feind / am bitterer  
schedlicher gaisst: Aber dieweil der Himelisch Fürst/ HErr  
vnd König/nit dein feind/sonder dein Vatter ist / so kan dir  
der Satan nit schaden thun: Dañ dieweil der Sathan vns  
fers HErrn Hencker ist / so hat Er allain nur gewalt vber  
die bösen Buben / welche von jres vnglaubens wegen / von  
Gott dem HErrn verurtailet / vnd disem Hencker vberges  
ben werden. Darumb fürchte disen feind nit: Dann der  
Fürst diser welte ist gerichtet / Christus hat in vberwunden/  
gefangen / vnd ainem herrlichen Triumph aus im gemacht/  
vnd hat im seinen harnisch geraubet. Der dritte feind  
ist der vilfeltige vngheure Riß/die wellt/das sind des Sa  
tans Steckenknecht/die können dir nit beykommen: Dann  
Christus spricht/ Seid getrost/ Ich hab die wellt vberwun  
den: So dann Gott mit dir ist / wer will wider dich sein?  
Trotz todt/Teufel/ Hell/sünd vnd wellt. So hab nun ain  
gute hoffnung/Gott wil dich ewigklich erhalten/vnd wann  
schon alle Creaturñ wider dich sind/ so wirdstu wol bleiben  
werden.

Hieraus zum beschlus/so merck/das das ain gros stück  
ist Göttlichs erkantnus / die sünd recht wol vnd grüntlich  
erkennen/vñ gleichwol darinnen nit verzweiffen/Aber noch  
ain grössere Göttliche/Christliche vñ Euangelische erkente  
nus ist/erkennen die gnad Gottes/die gerechtigkeit vñ vere  
dienst Christi/die dir aus barmherzigkait / on allen deinem  
verdienst

Johan.xvi.  
Collos.i.  
Lucs xij.

Johan.xvi.  
Roma.vij.

verdienst/ geschenkt ist worden: Die aller grössste erkant-  
nus Gottes aber/ ist/ erkennē/ das Gott nit allain/ ain mal/  
aus gnaden in Christo/ die sünd verzeihet/ sonder alle sünd/  
wie lang/ wie vil/ wie dick/ wie brait/ vnd wie gros Sy auch  
ymmer sein mögen/ dannoch Gott so barmherzig sey/ von  
Christi wegen seines Sons/ das ers alles verzeihen/ ver-  
gessen vnd vergeben will/ der selbigen nimmermer gedencken/  
auch nit straffen/ weder hie zeitlich/ noch dort ewiglich/ als  
lain von wegen der vberschwencklichen liebe/ so Gott zu vns  
treget in seinem lieben Son Jesu Christo: Dann der selbig  
Son ist dem Vatter so lieb/ so teur vnd werd/ so angenehm  
vnd wolgefellig/ das dem Vatter alles angenehm vnd gefel-  
lig wirdt/ was der Son begnadet/ vnd zum Vatter bringet.  
In summa/ Der Vatter kan vnd mag dem Son nichts ver-  
sagen/ So kan der Son den armen Sündern nichts ver-  
sagen/ was sy in bitten/ in rechtem vertrauen vnd glauben/  
Darumb biß frölich vnd getrost/ deine sacht stehet außders  
massen wol/ bey Gott dem Herrn. Dargegen/ so ist das ain  
grosse finsternus/ irrthumb/ vbel vnd vnglück/ in der welt/  
das ain mensch böß/ gotlos vnd vngerecht ist/ voller sünden  
vñ missethat steckt/ vñ sich darinnen mastet/ wie ain schwein:  
Das ist aber noch ain grössere plag vnd vbel/ das d mensch  
für vnd für darinnen verharret/ in aller vnbusfertigkeit/  
gar kainen fürsach hat sein leben zubessern/ vnd vom bösen  
abstehen vnd fliehen. Das ist aber die aller grössste vnd ere-  
schöcklichste plag vnd Sünd/ das ain sölicher verruchter  
mensch/ söliche seine sünd verthedigen wil/ als sey es nit vn-  
recht/ sonder recht/ ja sey ain gut werck/ vñ thue Gott ainem  
S iij dienst

Klimax.

Dienst daran/ S blintheit ober alle blintheit / Sölche vn-  
bussfertige menschen / die müssen wol in sünden verzeihen  
vnd verderben: Dann da ist kein rath noch mittel/ dieweil sy  
die sünd für recht verthediße wellē / da kan dan kein erkant-  
nus d sünden sein/ Wo aber kein erkantnus d sünden ist/ da  
ist/ vñ kan auch kein vergebung d sünden sein/ Wo dan kei-  
ne vergebung der sünden ist/ da ist Gottes zorn/ vnd gerech-  
tigkeit / Wo aber Gottes zorn ist / da ist auch gewislich die  
verdammnis/ Wo aber die verdammnis ist/ da ist ewig sterben  
vnd verderben/ Wo aber ewig sterben ist / da ist auch ewige  
feindschafft / gottseierung vnd widersprechen/ Wo aber  
sölche ewige feindschafft Gottes / bey den verdambten ist vñ  
bleibt/ da ist nit ermer in ewigkeit keiner gnad zuerhoffen/  
Da ist der wurm/ der nimmer stirbt / vnd das feur das nim-  
mer verlischet. Herwiderumb aber / wo erkantnus der  
sünden ist/ da ist vergebung der sünden: Wo aber vergebung  
der sünden ist/ da ist Gottes gnad vnd barmhertigkeit/ Wo  
aber Gottes gnad ist/ da ist die seligkeit/ Wo aber die selig-  
keit ist/ da ist ewiges leben / Wo aber ewigs leben ist/ da ist  
auch ewige huld vnd freundschaft Gottes/ Wo aber ewige  
freundschaft Gottes ist / da ist auch ewige wolthat / Wo  
aber ewige wolthat Gottes ist / da ist auch ewige ergehlige-  
keit/ lust vñ freud/ da ist sich keins zorns noch vngnad/ nimm-  
ermer zu fürchten/ sonder ain ewigs leben/ welches kein aug-  
nye gesehen/ kein Ohre gehört / noch in keines menschen  
herz nye kommen ist/ welches Gott beraitet hat denen die in  
lieben. Siehe frommer lieber Ritter/ sölcher freud vñ her-  
ligkeit wolte dich der Satan gern berauben in ewigkeit/ das  
ist die

i. Cor. ii.  
Esate. iij.

Ist die vrsach/das Er sein gantzes Hofgesind/die Hellischen  
Pforten wider dich gehehet hat: Das lasse dich aber nit ir-  
ren/sonder freue dich / das Gott so treulich bey dir steet/mie  
seinen gnaden/vnd gaben/ der wirts nit verderben.

Nun wolan / ich will zum Beschlus eilen / ehe vnd ich aber  
vondir schaide/ so will ich dir zuuor ain klainen trost zur lege  
geben / damit wann ich etwa nit bey dir bin / du dannoch ain  
mich gedenckest/vñ mich bey dir habest. Dañ on mich wirst  
du in der anfechtung sonst nit bestehen können / So mercke  
das mit sonderm vleis / vnd halte dich in Creutz auch dar-  
nach. Die höchst/ schwerest/ hefftigst/ vnd allerlezte Ten-  
tation / vnd anfechtung / gehet gemainiglich dahin / es sey  
hie in leben/oder zuletzt in Todtbett/ wann der Strecken-  
bain daher rauschen will / So enkeucht sich Gott der all-  
mechtig mit seiner hilff vnd gnaden/ so tieff vnd verrä / das  
Er sich selber nit allain verbirgt/ sonder auch / alsdann alle  
seine gnaden vnd gaben/ yñerlich vnd eusserlich hinweck von  
dir nimbt / also gar lasset Er dich schwimmen vnd sincken/  
Damit Er dich selbs / dir aigentlich zuerkennen geb/ probier/  
vnd deine aigne krefft vnd vermögen erfahren laß / Vnd ge-  
war werdest/was du yñund kündtest aufrichten/vnd dir selb-  
ber helffen/Wann dein seligkeit in deinen henden stünde:

Darumb so fodert Er alle seine gaben zu jm / vnd entblisset  
dich der selbigen gar / also / das du kain glauben / kain liebe /  
kain gedult/ kain gehorsam mer/ jnn deinem herzen empfin-  
dest. Du kanst auch nimmer ruffen noch bitten/ allain bleib ich  
Spes/noch in duncklen verborzen / bey dir: Wiewol ich  
mich auch etwa wenig mercken laß / das ich so nahet bey dir  
zugeg. n



zugegen sey / Solches aber alles geschicht derhalben / auf  
das du erfarest / das dein glaub / liebe / hoffnung ꝛ. mit dem  
thun vnd vermögen ist / sonder Gottes gabe: Zeucht dich als  
so Gott der Herr zuuor / che vnd Er dich zu jm in sein Kö-  
nigreich aufnimbt / aller ding aus / nimbt nit allain / was dein  
ist / sonder auch seinen schmuck / von dir hinweg / vnd lasset  
dich also gewar werden / wer du werest / wo Gott der Herr /  
mit seinen gnaden vnd gaben mit were. So lerne nun dis  
stücklein vleissig vnd wol / vnd richte dich gar eben darnach /  
auf das / so es sich also mit dir begeben wirdt / du veste halten  
kündest / vnd nit zweifflest: Sonder also gedenckest: Nun  
wolan / yst ist eben die stund verhanden / da mich Gott aine  
zeitlang / mit seinem Son / am Creus verlassen will / vnd  
mich ain klaine weil in die Helle faren lassen / so will ich mich  
inn des leiden / vnd darumb nit verzweiflen / sonder entlich  
hoffen / Gott werde zulest gewislich wider zu mir kommen /  
vnd ewiglich helfen: Sodann yst eben die zeit ist / da ich  
solches erfahren vnd empfindē mus. So will ich Gott machē  
lassen / bissolang das vnglück fürüber rauschet: Dann ich  
hoff / Gott werde mich wid' begnaden vnd erleuchten / so will  
ich jm danckbar sein / vnd seine barmhertzigkeit rhümen am  
Jüngsten tag / vor der ganzen wellt / das mich Gott allain  
aus gnaden hat seelig gemacht. Wo du nun solch kampff  
stücklein / welches ain sonder maisterstücklein ist / recht vnd  
wol ergreiffest / so kanst du mich fassen vnd halten: Vnd  
wann du schon meiner Schwester der Fides / in deinem herrs-  
en nit mer grünlich empfindest / so bekommest du Sydoch  
durch mich widerumb / vnd wann du vns zwo Schwestern  
zue leze

zue legt mit dem herken veste haltest / vnd vns nit mer aus  
deinen henden entgehen lassst / so bleibst du so steiff an vns  
hangen / das wir dich mit vns / aus der tieffesten Hellen he-  
raus / in himel füren künden. Darumb halt dich treulich  
zu vns / wir wollen in die lenge nit von dir bleiben. Damit  
beware dich der himelisch könig / in seinem Königreich / pmer  
vnd ewiglich / damit schaide ich von dir.

## Kitter.

**I**n hab ich mit der that erfahren / das  
Gott der Herr nit allain ain allmechtiger / son-  
dern auch ain barmherziger vnd getrewer Gott  
ist: Ja daher haisset Er auch Gott / das er gut ist / vnd nit  
allain alle wolthat den seinen erzaigt / Sonder auch jnen al-  
les böses / zum allerbesten keren kan vnd will. Das ist aber  
ain kunst vber alle künst / ain trew vber alle trew / das Gott  
denen so in lieben / alles zum guten wenden kan / vnd herzlich  
geru thut / wer jm nur still hellt / vnd In mit jm machen las-  
set. In summa / sein güte / sein trew vnd lieb / ist vnendlich /  
vnbegreiflich vnd vnerforschlich / Das hab ich alles mit ai-  
gener that erfahren: Aber wie seer vnbekant ist solchs alles  
den Wellekindern / Ja wie schwer vnd saur ist es mir auch  
selber worden / zuerkennen vnd zuglauben / bissolang das  
mir der glaub in die hend gewachsen ist / vnd vnter dem creuz  
solchs erfahren hab: Dann zuuor heet ichs nit mer glaube /

Roma. viij:

2 vnd

psal. cxv. lxxi  
Act. xiiij.  
ij. Timo. iij.

vnd mittermer mögen erforschen noch erkündigen / Wann  
ich schon dise zeit gewallet hett / gen Rom / zu Sanct Peter  
vnd Pauls / gen Sanct Jacob / ja auch gen Jerusalem selb  
ber / So hett ich doch solchs mit künden sehen vnd erfahren/  
welchs ich alles in diser wildnus vnd Wüsten bin jnen wor  
den. Ich main ja / das haisse recht Sanct Patricius hüs  
le: Ja es ist das recht fegfeuer / hie auf Erden / dauon die heis  
lige Schrifte meldung thut. Aber Gott sey lob vnd danck /  
das ich wol darinnen gewesen / aber gnediglich daraus ers  
lediget wordē / vnd wid ins Paradies kommen bin. Ach Gott  
wie brañ diß Fegfeuer so hauß / wol war mir erstlich so angst  
vnd weed darinnen: Es stach mich Gottes zorn so hart das  
rinnen / das ich möcht vergangen sein / So drucket mich die  
götilche gerechtigkeit so hefftig / das ich mainet / diß Fegfeue  
er were die rechte Hell selber: So plagten mich meine vil  
feltige sünd so grausam hoch / das ich schier verzweiflet hett:  
Dann solch werck Gottes war mir unbekant / hett ymmer  
sorg / Gott der H E Xr griffe mich aus zorn an / vnd wolte  
mich von seinen augen der barmhertigkeit verstoffen / mich  
dem Todt / der welt vnd dem Satan / gar vbergeben: Dann  
meine sünd die machten mich verzagt / die lagen mir ymmer  
im sün / vnd machten mich klammütig: Forchte ymmer zu /  
Gott wolte mich aus zorn vnd vngnaden straffen / verstoffe  
sen vnd verdammen: Dann ich hets auch wol verschuldet  
gehabt mit meinen grossen sünden. Ach Gott / das mus  
ich ye frey bekennen / das ich tausent / vnd aber tausent mal  
mer verschuldet hab / mit meinen vilfeltigen Sünden / wedere  
ich

ich in diesem Fegfeuer erlitten hab: Dann es ist doch solchs  
leide/alles nur ain fuchschwang gewesen/damit mich Gott  
casteiet vnd demütiget hat. Darumb hab ich in der war-  
hait vnd that erfahren / das Gott vber alle mas ain barm-  
herziger Gott ist/ vnd die Seinen nimmermer in kainer no-  
tsticken noch verderben lasset. Ach Gott/wie schwerlich  
aber hab ich mich auf seine gnad vnd gute können ergeben  
vnd bewegen: Wann es an meiner krafft vnd sterke gelegen  
were gewesen / so hett ich wol müssen vorlangst / inn diesem  
sturmwetter zu grundt gehen: Das ich aber bestanden bin/  
vnd solche anfechtung erstanden vnd vberwunden hab / das  
ist nit meiner krefftens/thuns oder vermögens schuld/sonder  
der vnaußsprechlichen barmherzigkeit Gottes: Also/das  
ich frey bekennen mus/das ich nit aus mir/od meiner frömb-  
keit/sond aus Gottes gnaden glaubig/vnd durch sein gnad  
erhalten worden/auch endlich bestendig bliben bin / Sonst  
hett ich in diesem leiden zerschmelzet meüssen werden / Aber  
am Jüngsten tag wirdt offenbar werden / das meine selig-  
keit nit aus mir/oder ainicher Creatur kombt / sonder allain  
aus Gottes barmherzigkeit / durch Christum Jesum meis-  
nen Erlöser / in heiligen Geist / demselbigen ainigen war-  
hafftigen Gott Vatter/Son/vnd heiligem geist/sey  
vnd lob/ehr vnd preis/ von ewigkeit zu ewigkeit /  
Amen/Amen/Amen.

Nun wendet sich der Ritter zu Gott/ vnd dancket  
seinem Erlöser/von wegen seiner gnedigen hilff/  
vnd spricht. E ij Ich

## Ritter.


**I**ch preise dich Vatter/ vnd Herr/ Him-  
 mels vnd der Erden/ das du solche gehaimnus/ den  
 weisen vnd verstandigen verborgen / vnd es den  
 vnmündigen geoffenbart hast/ Ja Vatter/ dannes ist also  
 wolgefellig gewesen vor dir / Ich sage dir/ HERR Jesu  
 Christe/ du König der ehren/ ewig lob vnd danck/ das du mir  
 armen Sünder/ solche gehaimnus offenbaret/ vnd mir dies  
 selbigen / vnter dem Creuz zuerkennen geben hast. Herze-  
 lich danck sey dir mein Herr vnd König/ mein Erlöser vnd  
 Hailand/ das du mir in allen meinen nöten/ allezeit/ zulezt/  
 hilff gesendet hast/ Ich bitte dich/ du wellest alle die deimen/  
 so vnter dem Creuz streben/ erhalten/ stercken/ vnd befreff-  
 tigen/ auf das Sy/ sambe mir/ Ritterlich kempffen/ vnd sie-  
 gen. Lob/ ehr vnd preis / sey auch dir gesagt/ du heiliger  
 gaist/ warer Gott/ vnd Heiligmacher/ das du mich mit dei-  
 nen gaben gestercket/ gezieret/ vnd erhalten hast. Ich bitte  
 dich aus herzen grundi / du wellest mir beystehen zur letzten  
 stund/ vnd mich in allen meinen nöten gnedigklich erhalten/  
 damit ich mein leben zulezt seligklich/ in ainem warē Christ-  
 lichen glauben beschliesse / vnd sambe allen Auserwelten/  
 ewige freud vnd herligkait einnemen vñ besitzen  
 möge/ ymmer vnd ewigklich/ Amen/  
 Amen/ Amen.

F L N I S.

**Z**weyten Theil  
**B**reitung  
**N**ürnberg an der  
Lunaw Gedruckt/bey  
Hanssen Kilian/  
Fürstlichem Kennschreiber.

*ANNO DOMINI.*

M. D. XLV.



1564056

*[Faint, mirrored text, likely bleed-through from the reverse side of the page]*

ANNO DOMINI

M. D. XLV.

